

宋平江城坊致

地: 750.22
179.924
部 = 1~4

闲平江城
坊致

乙丑春日

吴湖帆署



吳中方志之作。六朝而上書闕有間矣。唐陸廣微吳地記。宋朱長文吳郡圖經續記。推輪大輅。粗具規模。至范文穆吳郡志。盧教授洪武蘇州府志。王文恪正德姑蘇志。弈葉流芳。始具博大精微之觀。惟伊古蘭臺天祿之藏。左圖與右史並稱。我吳自祥符圖經失傳。蒙兀兒朝以前。往迹幾不堪重問。何幸平江圖碑矗立郡庠。巍然爲魯殿靈光。圖績縝密。古氣磅礴。南渡舊迹。猶照人耳目。蓋自唐失其政。海內分裂。雖吳越錢氏以保境安民爲職志。而漢魏以來之古迹。已蕩然無存。圖經續記所謂郡郭三百餘巷。皆有名而失之者。板蕩之迹。蓋可覩矣。建炎兵燹。胡騎戎馬。馳突相乘。逐居游牧之風。所至以焚掠殘毀爲天性。吳中坊市。悉夷爲平地。讀徐大焯燼餘錄。猶可想見當時慘狀。吳郡志所謂建炎狄難吳中。古名屋惟城南覺報寺。子城天王堂。以酋幕僅存。至今訪古城市。自橋梁題刻以地下。隱僻獲免。而外凡地面以上。幾無一碑一刻之遺。北禪寺門左一井。闌題紹興三十年紀元者。已爲城中至古器物。毀滅之酷。蓋若是其烈也。

宋平江城坊攷序

也。平江圖碑始不祥其何時所刻。程氏祖慶吳郡金石目亦僅據瞿木夫說。以刻碑人呂挺張允成允迪三人姓名疊見。宋理宗寧宗兩朝碑刻遂斷爲南宋故物。而未詳其年月。余因讀趙汝談吳郡志序及吳郡志官字門所載紹定二年郡守李壽朋重建坊市故實。始悟平江圖碑亦必刻於是年。證以碑中公署寺觀。凡建於紹定二年春夏以前者。圖中悉有。秋冬以後新建者。卽無益。信刻行吳郡志與復古名迹鑄成平江圖。悉在是年。因博稽唐宋以來史傳志乘。金石文字集部筆記之屬。仿大輿徐氏唐兩京城坊攷。江陰繆氏京師坊巷志之例。舉凡坊表橋梁壇廟寺觀官宇第宅園林山水之屬。圖有題榜。無不一一爲之考證。時當己未庚申間。方爲邑修志局網羅。放失舊聞。兼助纂金石藝文坊巷橋梁各門志藁。乃陳書發篋。有所得則露鈔。雪纂不足更通假親戚故舊所藏。以補益之。於金石文字則自諸家箸錄而外。更刺舟周歷城內外。挾氈墨以自隨。解衣槃薄。日摩抄於廢橋荒寺間。土人觀者。輒如環堵。咸目笑其癡。而余



夷然不以介意故是編所采撫金石文字多前人未著錄品又以是圖街巷皆有圖而無題榜因見盧教授洪武志坊巷門其名稱均與趙汝談續補范志坊市小注相出入又以洪武志鄉都門與正德志互校始知盧志專尚稽古王志乃遵時制證以所得天水一朝殘碣斷幢古井石柱所題刻施主鄉里街巷與盧志又一一符合益信盧志巷名多有宋舊稱爰冥行塗索以通衢爲經支巷爲緯逐一補榜亦爲考證於是橋梁坊表諸事始同條共貫有序不紊其名稱失傳之街巷凡圖所有者爲之遵宋人體例逐條補入或綴以舊稱之近古者仍注明未見著錄以資區別凡書所有而不能確指卽爲圖中何巷者另列一表附諸卷末以志蓋闕之義並將各古志鄉都沿革及紹定二年後續立之坊表橋梁官宇爲是圖所不及載者殿焉其朱氏續記暨范盧王三志小序亦并諸卷首以資讀者考索又援以經證經以史證史之義將范盧王三志參伍錯綜互相鉤稽因圖第門藍師稷提刑所居萬花堂在資壽寺後是圖寺在今鈕

宋平江城坊攷序

二

家巷南而悟藍家巷卽康熙志之鑾駕巷亦卽今鈕家巷藍鑾鈕三字家駕二字互爲音轉也姑蘇志朱香獅巷卽在是圖張師橋附近因悟朱張雙聲張香疊韻易詞言之朱香獅卽張師之反切耳以此例彼王志之張泥金浜巷顯係盧志船塲橋注中之張林浜泥金切吟林吟疊韻遂致沿誤也至於古巷名驟觀之不能知而細核古志可參稽而得者若許蘊子巷舊志向未注明其址姑蘇志橋梁門鄔家橋在許蘊子巷口是圖鄔家橋在今西麒麟巷口因以知許蘊子巷卽今西麒麟巷且以杉瀆巷姑蘇志作蓮花池巷於附近東西采蓮射朵之義近因悟一巷兩名遞嬗因革之理以宋知州賈青造樂籍堂事盧志載樂營堂巷下王志載晉寧坊巷下因悟樂營堂巷卽今晉寧坊巷以是圖旌義坊卽在馬脊梁巷而悟近志並載二巷之謬以志載流真巷因柳氏貞女居之而就厥諧聲改號柳貞因悟明王敬臣所居之大儒巷卽宋報恩寺塔殘磚所稱之道義鄉大木巷必一名大樹巷又以宋人以雄節爲南營全捷爲北營威

果必爲中營而知盧王二志失載中營基巷之非因盧志氏族門諸姓吳音讀如遮遮與查疊韻因悟吳郡志之諸家橋卽是圖之查家橋而近志所稱查先生巷當從盧志作諸先生巷所見亦是其餘補舊志之闕者則官字門有贍軍務與宋史兵志合川澤門有燕塘匯在齊門外與世傳東匯西匯符凡若此類不勝枚舉藉微是圖奚資考覈此外於舊志罅漏俗稱謬誤之處參據典籍以匡正者不知凡幾其須旁徵博引疏通而証明者更附凡見以詳說之務使語不離宗證據確鑿無一語無來歷無一字之杜撰而後安蓋窮年累月兀兀不休者七載於茲矣若夫姜家巷之普照院佐家橋之報恩院濠股巷之竹堂寺圓通橋之資福廟北園之北觀音院飲馬橋之資福東院藍家巷之丁晉公廟宮巷之更衣亭盤門之收稅亭葑門之接官亭盤外之通濟院閭葑外之利濟院子城及盤閭葑門之土地廟以及叢家庵張家庵程宅墳白坡山或事涉細微或地居隱僻徧檢羣書羌無故實倘蒙海內鴻博發其艱藏示以南針則一字之師奚翅百朋之錫乎又姑蘇志坊巷門所載錦繡坊巷阜通坊巷迎僊坊巷真慶坊巷與是圖所載其分隸之四隅不同可知盧教授所謂坊巷之名詢於芻蕘父老有不能舉其名者果信而有徵李太守所重建有不能盡在古坊原處者矣此自來修志家所未及亦因得是圖而創通其義附識於此以見志才之難乙丑陔月吳縣王譽自序

宋平江城坊攷卷首

敘目 吳門表隱蘇州城圖宋時勒石郡學而地名詳備者乾隆十年知府傅椿鏡板行世四十八年知府胡世銓重刻

坊市 吳郡圖經續記圖經坊市之名各三十蓋傳之遠矣如曳練坊者或傳孔子登泰山東望吳闔門歎曰吳門有白馬如練因是立名黃鸞市之名見白公詩所謂黃鸞巷口鸞欲語烏鵲橋頭冰未消是也其餘皆有義訓不能悉知其由其巷名見於載籍者如彈缺渴烏一二種皆莫知其處迺知事物不著於文字之間則艱於傳遠故方志之說不可廢也近者坊市之名多失標榜民不復稱或有因事以立名者如靈芝坊以樞密直學士蔣公堂豸冠坊因侍御史范公師道德慶坊今太子賓客盧公革各以所居得名蓋古者以德名鄉之義也苟擇其舊號益以新稱分其邑里因以彰善旌淑不亦

宋平江城坊攷卷首

美哉昔梅福棄官易名姓爲吳市門卒今此有西市門殆其所隱乎 葉夢得避暑錄話吳下全盛時衣冠所聚士風篤厚尊事耆老來爲守者多前輩名人亦能因其習俗以成美意舊通衢皆立表揭爲坊名凡士大夫名德在人者所居住往往因之以著元參政厚之居名袁繡坊富祕監嚴居名德壽坊蔣密學堂居嘗產芝草名靈芝坊范侍御師道居名豸冠坊盧龍圖乘居奉其親八十餘名德慶坊朱光祿居有園池號樂園坊 吳郡志長慶集云六十坊者舊經所籍如之後頗隨事而有創有易今六十五坊 按坊名表與本圖同 紹定二年春郡守李壽朋並新作之壯觀視昔有加 盧熊蘇州府志易曰庖犧氏沒神農氏作日中爲市古史考曰神農作市世本曰祝融爲市周禮司市有大市有朝市有夕市蓋古之市卽今之坊也市門卽坊曲也蘇鶻演義曰坊方也言人所在里爲坊又方以類聚居者必求其類故

秦漢有市門之官吳之坊市見於傳記舊矣如越絕書云闔閭舞鶴吳市又吳市春申君所造開兩城以爲市按伍員鼓腹吹篪乞食於吳市漢梅福棄官爲吳市門卒皆是也故干將坊卽東市門又東則盡市橋西市坊卽西市門又西則市曹橋并穀市橋小市橋據此則吳舊市在東西街今在街之南北未詳何時所徙或云建炎兵火後也白樂天詩云七堰八門六十坊其名已載舊經嘉泰初年四月郡守趙不艱復改俗號表以嘉名是時去建炎四年已七十載詢於芻蕘或有失其舊者紹定二年李壽朋重立六十五所咸淳中黃萬石又新之茲以城內樂橋正居市中心故就橋下少北十字街界其坊市爲四隅其不在郭中則分屬於各門之外庶使後人易於觀覽焉 王鑿姑蘇志表厥宅里自周有之所以賢其人也後世乃以表科第近又以表其官此有司崇重激勵之意其亦盛矣吳中古坊甚多其巷名亦

宋平江城坊攷卷首

二

多沿於古今並列焉然其義則或有不可攷者矣

橋梁 吳郡圖經續記吳郡昔多橋梁自白樂天詩嘗云紅闌三百九十橋矣其名已載圖經逮今增建者益多皆疊石甃甃工奇緻密不復用紅闌矣然其名未嘗徧錄也近度支韓公子文爲守命每橋刻石於旁憧憧往來莫不見之其有各自古昔或近事可述者記於此 吳郡志唐白居易詩曰紅闌三百九十橋本朝楊備詩亦云畫橋四百則吳門橋梁之盛自昔固然今圖籍所載者三百五十九橋在郡城者今以正中樂橋爲準分而四達隨方敘之門外及外縣略附見焉 盧志吳郡號爲澤國因震澤巨浸東接五湖又東注入城闔縱橫交流居民賴以灌濯凡舟楫輿販悉由是而旁通焉故橋梁爲多唐白樂天詩云紅闌三百九十橋自宋以來皆疊石甃甃堅巧緻密始不用紅闌矣熙寧中度支郎中韓鐸乃命刻名於旁楊備亦云畫橋四百龔氏三百

六十皆舉其大概耳今以市心樂橋爲中而左右分爲兩縣其在左者居東屬長洲縣其在右者居西屬吳縣其在城外者各隸其五門之下 姑蘇志蘇爲澤國環城內外皆水也故橋特多觀樂天詩云紅闌三百九十橋可見矣自宋以來始甃以石而增建益繁今舉郡縣輿梁之大者書之而不甚著者略焉

寺觀 吳郡圖經續記自佛教及於中土旁及東南吳赤烏中已立寺於吳矣其後梁武帝事佛吳中名山勝境多立精舍因于陳隋寢盛于唐唐武宗一旦毀去已而宣宗稍復之唐季盜起吳門之內寺宇多遭禁剽錢氏帥吳崇嚮尤至於是修舊圖新百堵皆作竭其力以趨之唯恐不及郡之內外勝刹相望故其流風餘俗久而不衰民莫不喜蠲財以施僧華屋邃廡齋饌豐潔四方莫能及焉寺院凡百三十九其名已列圖經今有增焉考其事迹可書而圖經未載者錄于此至於湖山郊野

宋平江城坊致卷首

三

之間所不知者蓋闕如焉又有寺名見於傳記而今莫知其處者晉何點兄弟居吳之波若寺又故傳唐有乾元寺戴逵之宅也冥坐寺張融之宅也又有龍華禪房唐慈崇福慈悲陸鄉數寺皆建於六朝之間而龍華冥坐之額乃陸柬之書今莫見之矣 吳郡志在城仙佛之宇皆中興重建或謂天慶觀門廊能仁報恩大殿比舊加壯云 盧志東南寺觀之勝莫盛於吳郡棟宇森嚴繪畫藻麗足以壯觀城邑歲月薦更重罹燹毀古跡多廢鞠爲茂草者有焉今姑錄其名額處所以備參攷若夫其詳則見諸碑碣題詠茲不復紀 姑蘇志吳中多佛老之區雖更洪武歸併而其廬故在焉旣不可廢則列其叢林而諸歸併者各附見焉

祠廟 盧志夫祀有國之大事郡縣之常典所以重民生崇報功也然有壇墀焉有廟貌焉今各陳於下云 姑蘇志吳中祠廟列祀典者祝文並從內降歲二祀或一

祀惟其功德之宜而郡人所私祀亦或有義故悉列之若郡縣常祀已具洪武禮制此特著其建置歲月耳

官宇

倉庫

驛遞

吳郡志吳中佳麗自昔所聞建炎

兵燹所存惟覺報小寺及子城角天王祠今州宅官廨學舍倉庾亭館之類皆中興後隨事草創不能悉如舊觀輒攷故事併異時名額識之以備攷古 盧志自昔郡縣蒞政必有常所蘇之爲郡宋元以來號稱最盛若公署帑庾征商工作之司傳郵之所棋布星列徧於境內及夫亭館臺榭之處雖屢更變易而遺黎故老猶能歷歷言也故用與今官宇併錄之 姑蘇志歷代廨署有因有革而其地亦皆可考今先列國朝定制而附綴舊聞以備郡中故事若學校則別書亦以政教之角立也 又儲侍國家大計今具錄倉場而前代名跡存者附之以備稽考 又驛遞之制見於諸司職掌甚詳蘇爲江南要路凡使傳公移水陸行者晝夜憧憧不絕此

宋平江城坊攷卷首

四

驛遞鋪舍之設皆當立焉

學校 盧志學校之設自三代而下歷漢唐以迄宋元其所以爲教者亦云備矣蘇之學由范文正公典鄉郡捐宅爲之重以安定胡先生主教事後之繼守者莫不接踵興起增飾學舍廩稍食以養之版經籍以教之其在屬邑莫不皆然至若昔賢之道德功烈志操足以師表百世者亦皆請額于朝建立書院雖壞圻震澤去郡百里皆得以建義塾人才輩出代不乏人今大明一天下尤以學校爲先務慎選舉以崇教職嚴條約以厲生徒祿廩之給掌之有司學校不與也諸生業成賓與之太學而蘇之得人尤多蓋以禮義之邦際文明之運宜其彬彬向風矣 姑蘇志今天下言學校必首蘇蓋有范文正胡安定之風焉其中島池亭榭尙多吳越元璋之遺其勝亦他郡之所鮮也況人才往往爲天下先乎若夫作興敦率使教化行風俗美則不能無望於上之人

焉

營寨 盧志兵之有衛自唐始兵之有營則古之制兵不雜於民所以嚴武備焉蘇爲輔郡武備不可少弛營衛不可不嚴宋度曠地立營以居廂禁軍人嘗有其處矣久而不治兵政遂弛本朝崇武以一四海賦兵有制練習以程講武以時分衛別營備禦無缺此兵制之所以備於今日也 兵衛 又案吳門事類云兵之有營制也蘇祖在御其禁極嚴吳爲輔郡武備營壘不可不建紹定間吳淵爲浙西提刑爲之新其垣墉相度舊址可建五百楹又以牧放新寨多閑曠地遂請於朝得一千三百楹徹而新之號曰新營使歸其行伍安其室家不雜處民間也復爲市田千一百八十九畝歲收米千三百一十五石司之廩人爲軍中喪葬吉凶之費每一人給廿券爲之定式 姑蘇志吳非用武地而濱江帶海亦東南要陲也宋元兵防頗詳自歸附後朝廷立制守城備倭分列營寨又置巡檢司以事察捕今具述之而舊蹟稍存其概云

宋平江城坊攷卷首

五

禁軍 盧志宋初盡選驍勇部送闕下以補禁衛餘留本城康定初置宣毅軍大州二營小州一營慶曆中募健勇爲宣毅或選廂軍爲之蘇州一指揮熙寧三年改威果嘉祐四年詔置禁軍三指揮其新招禁軍以威果爲額大觀二年詔望郡別屯一千人一爲威果一爲全捷並以步軍五百人爲額四年三月撥杭州威果第二第三指揮蘇州駐札宣和二年因討睦寇仍以全捷兩指揮爲杭州東南第三將駐札宣和四年因方臘之亂二月詔增置戍將五年十一月下江浙諸州各置威果全捷兩指揮隸侍衛步軍舊制每指揮各置都虞侯指揮使副指揮使都頭副都頭錢米衣賜各有差

第宅

園林

盧志郡內外有邸第園池者所以載昔人

居止游衍之地也士大夫之客於樂土或窮奇覽勝以紓豫其懷亦人之常情哉故因其舊跡遺址皆宜附錄焉使後人覽之則知此爲某官之邸第彼爲某氏之園池非獨可究其當時之出處而歲代久近子孫興廢者從可徵焉 姑蘇志第宅園池何以書賢乎其人也賢乎其人則何以及乎第宅園池古之人其不可復作矣君子思其人而不見見夫人之所嘗止猶見夫人也詩云蔽芾甘棠勿剪勿伐召伯所茇

古蹟 盧志蘇爲東南名郡山澤之勝古迹可考者蓋班班焉若尙父子游之居闔閭夫差之經度其來遠矣以至高人異士之棲息歌樓市肆之繁華及夫某水某邱經名儒墨客之游詠者可謂百世之下爲隨之顯不得不悉書以備搜訪 姑蘇志古今之在天地間猶旦暮也而古人所遺每爲今人所重雖故墟阡隴往往過之爲躊躇而不忍去豈非以其廢興存亡有足感耶吳自

宋平江城坊攷卷首

六一

泰伯迄今其間古迹多矣悉記於篇以備後之考者

山水 盧志郡城之山皆在西惟洞庭兩山最爲高廣而在太湖之中西山有林屋洞天世稱爲福地皆屬吳縣而長洲崑山常熟之山僅餘四十若川澤浦蕩之名則不可勝紀而數倍於山今詳錄以備攷焉 姑蘇志吳中諸山奇麗瑰絕實鍾東南之秀地理家謂其原自天目而來發於陽山分華麓而南迤邐天平盡於靈巖別由穹窿而東盡於楞伽以及湖中諸山若虎邱於諸山最小而名勝特著且非有所附麗故首列之 又吳號澤國水經所謂萬水所湊觸地成川者也其源西自太湖東入於海承衍支蔓不能詳舉舉其大者著於篇 城郭 盧志自古城郭之設爲保障斯民之計其來尙矣故有城則有門凡抱關之吏所以節出入慎啓閉而防奸暴也環城之外有河內有涇卽古之四面城壕也民居其間又水陸分二路縱橫交錯是以水置橋梁陸置

坊巷無非通舟車貨財出入者如此然城有廢置門有損益各隨時宜攷古證今悉見於下 姑蘇志凡設險守國必有城池若夫支川曲渠吐納交貫舟楫旁通井邑羅絡則未有如吳城者故雖號澤國而未嘗有墊溺之患信智者之所經營乎其廢置損益列如左

鄉都 盧志郡中都會既已界爲四隅之坊巷矣其在郭外釐爲七縣各具于鄉村里保雖去府治漸遠而併屬於茲郡之管轄今詳著于篇亦以見中吳都會其廣袤若是歟 姑蘇志今制聯民有鄉里都圖區保之名雖與古異亦先王鄉田同井使百姓親睦之意也若郊外民居所聚謂之村商賈所集謂之鎮雖不列於官亦以類附書焉

塚墓 姑蘇志周禮墓大夫掌凡邦墓之地域而爲之圖今制忠賢之藏則爲之置守護禁樵牧亦先王遺意也獵往代采近事以著于篇 盧志周禮墓大夫掌凡邦

宋平江城坊攷卷首

七

墓之地域而爲之圖後世無有也然樵牧有禁發掘有刑則著於律書吳由春秋而下數千載之間墟墓猶有存者於是類古圖經之所紀而以宋元者附益之俾世世有考焉

宋平江城坊致卷一

西南隅

大街 今名臥龍街 盧熊洪武蘇州府志張馬步橋祥符寺

橋西章家橋大街

樂橋 祥符圖經吳地記均著錄 趙汝談續補范成大吳

郡志唐白居易詩曰紅闌三百九十橋本朝楊備詩亦云

畫橋四百則吳門橋梁之盛自昔固然今圖籍所載者三

百五十九橋在郡城者今以正中樂橋為準而為四達隨

方敘之 盧熊志自宋以來皆疊石螯螿堅巧緻密始不

用紅闌矣熙寧中度支郎中韓鐸乃命刻名於旁楊備亦

云畫橋四百龔氏云三百六十皆舉其大概耳今以市心

樂橋為中而左右分為兩縣其在左者居東屬長洲縣其

在右者居西屬吳縣 姑蘇志吳赤烏二年建元至正六

年李道寧重修會稽楊維禎記 又漢蕭王廟在樂橋上

相傳橋近市曹戮人處以蕭何制律故祀之

宋平江城坊致卷一

紙廊巷 盧熊志著錄 王鑿姑蘇志花巷對 案乾隆吳

縣志訛作紫廊巷

武狀元坊 吳郡志樂橋南紙廊巷林燦所居燦為廷魁

郡守謝師稷以表其閭

草鞋橋 吳郡志盧熊志姑蘇志均著錄 盧騰龍康熙

蘇州府志草鞋橋樂橋南西側 案在紙廊巷口

獻花橋 吳郡志盧熊志姑蘇志均著錄 康熙志獻花

橋草鞋橋南

望婆橋 吳郡志盧熊志姑蘇志均著錄 康熙志望婆

橋獻花橋南 案二橋在紙廊憩橋二巷之間

豆粉巷 盧熊志姑蘇志均著錄 康熙志紙廊巷口 同

治志豆粉園本稱巷或云本稱寶廢園 劉毓盤濯絳宦

存藁噲椒詞徵招小序友蘭巷寓牆外土山坏然相傳為

吳王時寶妃墓史乘失故知湮沒者多矣

鷹揚巷 未見著錄

市曹橋 祥符圖經吳地記吳郡志盧熊志姑蘇志均著錄 盧熊志西市坊即西市門又西則市曹橋 今改各式觀橋

西憩橋巷 盧熊志著錄 姑蘇志孝義坊對 案姑蘇志作憩橋巷

憩橋 祥符圖經吳地記均著錄 吳郡志引吳地記云吳軍憩歇因名之 案今本吳地記無此文

吳飲坊 祥符圖經吳地記古坊中均著錄 吳郡志吳飲坊西憩橋巷

勾欄巷 盧熊志未著錄 康熙志憩橋巷西 同治志亦稱幽蘭巷 武林舊事瓦子勾欄城內隸修內司城外隸前司如北瓦羊棚樓等謂之游棚外又有勾欄甚多北瓦內勾欄十三座最盛或有路歧不入勾欄只在耍鬧寬闊之處做場者謂之打野呵此又藝之次者

彈子橋 吳郡志盧熊志姑蘇志均著錄 康熙志芮橋

西

宋平江城坊攷卷一

二

白磬橋 祥符圖經吳地記吳郡志盧熊志姑蘇志均著錄 康熙志穀市橋南 寶鐵齋金石文字跋尾報恩寺塔磚楊公遠殘刻今寄居平江府吳縣利娃鄉白磬橋北章家巷街□□□居住按盧志陸侍郎巷附近有章家巷今不可攷

蛾眉橋巷 今名三山街 盧熊志姑蘇志均著錄

蛾眉橋 祥符圖經吳郡志盧熊志姑蘇志均著錄 康熙志市曹橋南

跨街樓 吳郡志官字門附市樓跨街樓西樓之西 武林舊事酒樓和樂和豐中和春風太和西樓大平豐樂南外庫北外庫西溪庫拉官庫屬戶部點檢所 每庫設官妓數十人各有金銀酒器千兩以供飲客之用每庫有祇直者數十人名曰下番飲客登樓則以名牌點喚侑樽謂之點花牌元夕諸妓皆併番互

移他庫夜賣各戴杏花冠兒危坐花架然各娼皆深
藏邃閣未易招呼凡肴核杯盤亦各隨意攜至庫中
初無庖人官中邇課初不藉此聊以粉飾太平耳往
往皆學舍士夫所據外人未易登也 又熙春三元
五闌賞心花月等皆市樓之表表者每樓各分小閣
十餘酒器悉用銀以競華侈每處各有私名妓數十
輩皆時妝炫服巧笑夏月茉莉盈頭香滿綺陌凭檻
招邀謂之賣客又有小鬟不呼自至歌吟強聒以求
支分謂之擦坐又有吹簫彈阮息氣籬板歌唱散耍
等人謂之趕趁及有老嫗以小鑪炷香爲供者謂之
香婆有以法製青皮杏仁半夏縮砂荳蔻小蠟茶香
藥韻薑砌香橄欖薄荷至酒閣分儀得錢謂之撒嚙
又有賣玉面狸鹿肉糟决明糟蟹糟羊蹄酒蛤蚧柔
魚蝦茸鱗乾者謂之客風又有賣酒浸江蟾章舉蠟
肉龜脚鎖管蜜丁脆螺醬法鰕子魚製魚諸海味
馬相接雖風雨暑雪不少減也

宋平江城坊攷卷一

三

芮家橋曲 未見著錄

芮家橋

吳郡志盧熊志均著錄

姑蘇志未載 康

熙志芮家橋蛾眉橋西

乾隆吳縣志馬禪寺後

氏族譜芮氏平原徵音系出姬氏周司徒芮伯萬之
後漢芮祉字宣嗣丹陽人從孫堅征伐有功薦爲九
江太守歷吳郡所在有聲 吳郡志提舉常平茶鹽
司題名有芮輝乾道五年二月十六日到任六年八
月內除江西運判按名宦所居卽以題橋名者如梅

家橋之類例亦甚多

平權坊巷 大石頭巷 盧熊志著錄 姑蘇志作平權巷
又云大石頭巷通平權坊案大石頭巷姑蘇志亦作大石巷

果子行橋 吳郡志作果子橋 盧熊志姑蘇志均著錄
康熙志馬禪寺西 同治志在西竺寺橋側

馬禪寺西橋 吳郡志作西竺寺西橋 姑蘇志西竺寺
橋大石巷即馬禪寺橋 道光志金石門西竺寺橋題
字寶元元年案是橋承梁石版下有題字皇宋寶元元
年戊寅十一月□□念三日乙酉造又一行上闕中云
魏氏五娘男德□下亦闕又橋柱有十二如來佛號題
字

馬禪寺 吳地記西竺寺在縣西南一里六十七步唐大
中八年處州人馬厚舍宅為馬禪寺晉天福八年錢氏
改保壽院祥符中改今額 吳郡志西竺尼院跨街樓

宋平江城坊攷卷一

四

後舊保壽院 盧熊志西竺尼院在縣治東南舊馬禪
寺也唐大中八年建 案姑蘇志作郡人司馬厚捨宅
建保壽院作寶慶院云尼寺今為僧寺

平權坊 祥符圖經吳地記古坊中均著錄 吳郡志平
權坊跨街樓南

樓西橋巷 未見著錄

樓西橋 吳郡志盧熊志姑蘇志均著錄 康熙志樓
西橋程基橋東 案同治志作在程基橋南誤

程基橋巷 未見著錄

程基橋 吳郡志著錄 盧熊志大石頭巷基或作姬
姑蘇志大石頭巷或作程基 乾隆吳縣志馬禪寺

前

倉後巷 今倉米巷 盧熊志姑蘇志均著錄 康熙志蘇
州衛後

倉後橋 石志在樓西橋南 吳郡盧王志均著錄

府倉前街 今衛前街 未見著錄

府倉 吳郡志府倉在飲馬橋西 盧熊志在飲馬橋西
唐龍興寺故基 吳郡志常平倉在府倉內 盧熊志
常平倉義倉續會要淳熙十三年十二月提舉羅點言
平江府常平歸仁兩倉貯米之數當一路之半而倉屋
傾斜乞於本府見椿管官錢內支撥一萬貫措置起蓋
三十間收貯米斛從之按常平之名始於漢耿壽昌所
請以穀賤增價以糴穀貴減價以糶義倉則昉於隋度
支尚書長孫平奏令民間每秋家出粟麥一石以下貧
富爲差儲之里巷以備歲旱災傷之歲卽賑貧民唐志
云義倉以備歲不足常平以均貴賤宋景德三年初立
常平於兩浙慶歷初王琪請建義倉始詔天下亦置之
吳郡志歸仁倉報功倉淳熙元年郡守韓彥古創建
專儲年計並存府倉內 盧志西倉在子城西一百八
十步見祥符圖經疑卽府倉也

宋平江城坊攷卷一

五一

果子巷 盧熊志姑蘇志均著錄 今東米巷 姑蘇志東米
巷在館娃坊 按吳郡志云館娃坊果子行和豐坊米行盧
志以米行爲米巷則果子巷之爲果子行可知米巷爲今西
米巷則果子巷爲今東米巷可知惟盧熊志謂館娃坊在果
子行西巷口一若府倉前街爲果子巷者然果子行橋則明
在今東米巷中也姑蘇志旣著錄東米巷復著錄果子巷均
絕不可解俟攷 乾隆吳縣志作東美巷訛

薦行橋 祥符圖經范盧王三志均著錄 乾隆吳縣志穀
市橋東側 按薦本圖作薦橋傍明人石刻稱相傳春秋
時吳相伍大夫帥師祖道薦行於此因以誌名勅建今此
刻藏清微道院 又案說文薦部薦薦獸所食草也爾雅
釋草薦黍蓬通訓定聲薦蒿類也或以爲野茭無據審案
今吳中有朱馬茭橋吳地記又有茭薦橋茭草場則薦爲
茭類當非無據惟以薦爲錢行字不合六書未免鑿空之
談

館娃坊 祥符圖經吳地記古坊中均著錄 吳郡志館娃坊果子行 盧熊志館娃坊果子行西巷口 姑蘇志館娃坊西館橋東側

米巷 盧熊志著錄 今西米巷 姑蘇志西米巷在和豐坊

乾隆吳縣志作西美巷訛 吳郡金石目永定鄉人造井題記嘉定十七年十二月正書在府治東西米巷 又樂安鄉人造井闌題記正書年月磨滅在西米巷內穀市橋北街和豐坊 吳郡志和豐坊米行 姑蘇志和豐坊西館橋西側

八娘子巷 盧志未著錄 見姑蘇志 康熙志太平橋南塢東俗呼八良士巷

芮橋曲 未見著錄

芮橋 今改名自新 祥符圖經吳郡盧熊姑蘇三志著錄 康熙志太平橋東穀市橋西側

花街巷 盧熊志姑蘇志均著錄 康熙志元和道院北

宋平江城坊攷卷一

柳巷 盧熊志姑蘇志均著錄 康熙志元和道院南

院子橋北巷 未見著錄

郭家橋 祥符圖經吳郡志盧熊志姑蘇志均著錄

按本圖西北有小塔今均廢 乾隆吳縣志花家巷內跨浜 氏族譜郭元邁宋吳人字英達博通經史入太學魁上舍建炎二年以右武大夫副魏行可使金至虜廷上書虜帥乞歸二聖金人留之不還元邁不肯髻髮換冠卒於虜中案亦見宋史魏行可傳此郭氏未知卽其族否

院子橋巷 未見著錄

院子橋 吳郡志盧熊志姑蘇志均著錄 盧熊志

五通廟後 乾隆吳縣志花家巷內跨浜

院子橋西巷 未見著錄

院子橋南巷 未見著錄 姑蘇志稱府後巷

西館橋西街 未見著錄 今府前街

西館橋 吳郡志著錄 盧志筠谷在西館東橋之西待制

榮蕤所居蕤字茂世舊寓道州結廬竹間號筠谷及知臨

安引年丐祠陞辭之日上以琉璃壺貯丹桂花且給之使

面題詩二十八字併金帶為賜復書筠谷二大字寵其歸

於是卜築吳下終老焉 案橋在古館東宜從盧志標名

中街巷 宋淳熙六年吉利橋至版寮巷口修街磚作永安巷

姑蘇志府治西俗名羊肉巷 案今名養育巷

支使巷 見盧熊志姑蘇志以下失載在太平橋西

薛家巷 見盧熊志

唐家巷 盧熊志唐家院子富郎中巷

富郎中巷 盧熊志著錄 姑蘇志太平橋南 康熙志花

家巷對 同治志宋富嚴所居故名 道光志秘書監富

嚴宅今稱富郎中巷 盧志潘家院子唐家院子林家院

子在富郎中巷內 北禪寺門左紹興三十年寶積教院

井闌題記云吳縣永定鄉太平橋南富郎中巷口街東面

西居住尚氏八娘按是刻向未見於著錄我友朱君錫梁

始訪得之

好禮坊 吳郡志好禮坊富郎中巷 盧熊志舊德壽坊

以表刑部郎中富嚴所居嘉泰初重立改今名 又宋

元佑昭慈聖憲皇后家廟紹興中后之從子信安郡王

孟忠厚賜第於好禮坊因請立廟於此 吳郡志富嚴

大中祥符四年進士以刑部郎中守鄉郡嘉祐中守秘

書監致仕未嘗一造官府以耆德稱所居坊人以德壽

目之富氏本出處之青田文忠公弼於嚴為叔父嚴之

祖始居吳葬焉遂為吳人子臨亦有文名曾孫鈞洵元

衡皆登科

游墨圃巷 未見著錄 今訛游馬坡巷 案盧熊志坊

市門著錄林家巷潘家巷又園第門林家院子潘家院

子在富郎中巷疑二巷相連即今游墨圃巷也

成家浜巷 今誤感家浜 盧熊志著錄亦作感惟橋梁

門作成疑古成盛爲一姓 又皮場王廟在府治西成家浜上 吳門表隱各衙門立土地祠一明太祖命建名皮場大王神曾定例官吏坐贓罪至八兩以上剝皮搯草故立此以警之今名大憲儀仗中有欄榜乃剝皮搯草器法用滾桐油灌入腹中坐罪人於上下置水缸將炒熱河沙淋身卽硬將皮剝下鬚眉俱有錫槲卽首木藤棍盤腸木故劊子各捆綁手有血衣等名色成家橋 吳郡志著錄 盧熊志成家橋成家浜 吳縣志剪金橋北 氏族譜周文王第五子邴叔武之後子孫以國爲氏後爲楚所滅子孫去邑爲成案宋有邢州人成閔從高宗南渡屢立戰功韓世忠推讓其能嘗拒金主亮有功拜太尉卒贈開府儀同三司有子十一人又唐末有成及爲蘇州刺史有政聲見吳郡志官吏傳

積善橋 吳地記吳郡志盧熊志均著錄 姑蘇志成

宋平江城坊攷卷一 八

廟堂巷 盧熊志著錄 姑蘇志柳巷對 康熙志有東嶽二聖廟故名

余天燈巷 盧二王志天燈巷疑卽此盧志蒲帆巷後太師巷前有余家巷相距太遠疑非是

板寮巷 宋淳熙六年修街磚自吉利橋至版寮巷口街一道 盧二王志均著錄 乾隆吳縣志作辦蓮巷訛

楊家院子巷 盧熊志楊家院子在板寮巷

支家巷 盧二王志均著錄 氏族譜支氏邠陽徵音支椎傳云其先月支胡人也因作氏

木柴橋 范盧王三志均著錄 康熙志剪金橋東

東打繩巷 今打線街 盧志未著錄見王志

施巷 未見著錄

趙家街 未見著錄 案盧志支家巷前有六通巷疑卽此二巷之一

明澤橋東街 未見著錄 今道前街

麗澤坊 祥符圖經吳地記著錄古坊在長洲境 吳郡志

吉利橋北 盧志織里橋北今誤為吉利橋

通波坊 祥符圖經吳地記著錄古坊中 吳郡志吉利橋

南

侯春亭 茂苑亭 升羽亭 春波亭 吳會亭 吳郡

志吳會亭升羽亭侯春亭茂苑亭春波亭皆孫老橋之

東吉利橋之西河北岸沿流客館也 盧志升羽亭即

古館名但方向不同耳 范成大泊舟吳會亭云去年

春盤浙江驛湛湛清波動浮石今年春盤吳會亭冥冥

細雨濕高城天邊作客風沙裏今年去年成老矣客心

古井冷無波過眼人情亦如水憶昔三生住翠微偶來

平地著征衣山中故人應大笑扁舟坐穩何當歸

飲馬橋南街 未見著錄 今三元坊

飲馬橋 祥符圖經吳地記吳郡志盧熊志均著錄 姑蘇

宋平江城坊攷卷一

九

志飲馬橋宋淳祐丙午郡守魏庠記案丙午淳祐六年

盧志寧極齋在飲馬橋郡人方士姚安世所居安世能詩

文亦辨博自號丹元子元祐末往來京師與王定國游自

言日接上清諸仙蘇子瞻一見奇之以為異人又稱其詩

有謫仙風采屢贈以詩或云安世作步天歌按王希明亦號丹元子

撰步天歌乃隋唐人

繡錦坊 吳郡志繡錦坊大市 盧志繡錦坊大市飲馬橋

北

儒教坊 吳郡志飲馬橋南 案盧志作橋北誤

資福院東巷 未見著錄

資福東院

飲馬橋曲 未見著錄 案盧志西包司巷前有常安巷疑

即此

金獅巷 盧志著錄作金獅子巷案吳郡志作金獅巷以從

古為是 姑蘇志金獅巷云在同仁坊 盧志邊侍郎宅

在金獅子巷侍郎諱知白既仕而歸築室於此 吳郡志
邊知白字公式曾祖詢自陳留官姑蘇樂其風土遂世爲
吳人知白宣和六年進士孝友醇誠蹈繩墨規矩清虛寡
欲號爲吉人而學佛尤盡誠紹興中歷戶部郎官將作監
戶部吏部侍郎直學士院歸鄉築室郡南金獅巷爲終焉
計卒年六十五贈徽猷閣待制少游廬山夢人告曰君本
江南僧終當尋盟去

同仁坊 祥符圖經吳地記著錄古坊中在長洲縣境

吳郡志同仁坊金獅巷

杉板橋 吳地記著錄作三板橋 吳郡志盧志均著錄

姑蘇志金獅子巷內 康熙志金獅巷西 案今俗

名金獅橋

郭家巷 盧王二志均著錄 康熙志都察院後 案今併

入察院署 盧志郭氏園在飲馬橋西南本郭雲大夫所

居有池號小滄浪後爲魏克愚大卿所得

宋平江城坊攷卷一

十一

李公橋 吳郡志盧志均未載姑蘇志作呂公橋 康熙

志杉板橋南李或作呂

南園巷 盧王二志均著錄 吳郡志南宮坊南園巷案其

地卽今撫署前又名書院巷因魏鶴山書院在此也

南園 吳郡志南園吳越廣陵王元璩之舊園也老木皆

合抱流水奇石參錯其間王禹偁爲長洲令嘗攜客醉

飲有詩曰天子優賢是有唐鏡湖恩賜賀知章他年我

若功成後乞與南園作醉鄉大觀末蔡京罷相欲東還

詔以園賜之京有詩云八年帷幄竟何爲更賜南園寵

退歸堪笑當時王學士功名未有便吟詩禹偁詩石尙

存續經云舊有三閣八亭二臺龜首旋螺之類歲久摧

圯至元豐中猶有流杯四照百花樂豐惹雲風月等處

每春縱士女游觀兵火之後皆不復有今園屬張循王

家 盧志南園祥符圖經云在子城西南有安寧廳思

玄堂清風綠波迎仙等三閣清漣湧泉消暑碧雲汎楮

沿波惹雲白雲等八亭又有榭亭二就樹爲榭柱及迎
春百花等二亭西池在園廳西有龜首旋螺二亭在池
中心形如旋螺又有茅亭三茶酒庫易衣院續記云廣
陵帥中吳治南園醜池爲沼積土爲山島嶼峯巒出於
巧思錢氏去國此園不毀祥符中知州秦義葺之以會
寮吏館使客朝貴皆爲賦詩參知政事郡人丁謂爲序
時作景靈宮購求珍石郡中亦於此取貢京師其間臺
榭歲久摧圯呂濟叔嘗作熙熙堂厥後守將亦加修飾
今所存之亭僅有流栝四照百花樂豐惹雲每春縱士
女游覽王禹偁之作不過一時寓意至蔡京以富貴自
矜而蚩鄙之其淺中狹見賢不肖之分於此可知矣續
志云南園昔甚廣袤異木奇石多爲朱勔取進獨一松
盤根大不可移而止今府學後一方之地皆故園也猶
有清流崇阜可以彷彿當時之勝比蜀人高氏亦得一
隅經營之而流栝出焉因作醉鄉等亭以仿古

宋平江城坊攷卷一

十一

南宮坊 吳地記著錄古坊中 祥符圖經作南觀 吳

郡志南宮坊南園巷

查家橋 吳郡志盧熊志均作諸家橋按盧志氏族門諸
音遮遮查吳語音相近故因此致誤諸先生巷之誤爲
查先生巷是其例然吳地記後集著錄則作查十口相
傳難稽其文矣 姑蘇志鶴山書院西 康熙志呂公
橋南天啓間毛一鷺重建

南宮曲 未見著錄

南園曲 未見著錄

西包司巷 今金獅河沿 一作金絲荷堰 盧熊志姑蘇

志均著錄 康熙志都察院西 乾隆吳縣志都察院西

轉北西出荷堰

太師巷 盧玉二志均著錄 康熙志今呼道堂巷

銀鋌橋 范盧二志均著錄 姑蘇志杉板橋南

李公橋巷 未見著錄

織里橋南街 未見著錄 今司前街

吉利橋 吳地記織里今織里橋在麗娃鄉俗呼失履橋利

娃鄉訛也 吳郡志織里橋今訛為吉利橋 祥符圖經

亦作織里橋

東船場巷 盧王二志著錄 乾隆吳縣志織里橋南轉東

福民橋南

西船場巷 盧王二志著錄 乾隆吳縣志織里橋南轉西

司獄司後

東采蓮巷 盧王二志著錄

西采蓮巷 盧王二志著錄 康熙志二巷並在府治前福

民橋南

射梁巷 盧志未著錄見姑蘇志當在采蓮巷南蓮花池巷

北 同治志梁作梁

蓮花池巷 盧王二志均著錄 乾隆吳縣志魏文靖公祠

西按祠在南宮坊則蓮花池巷今杉瀆巷也

宋平江城坊攷卷一

十一

義和坊 祥符圖經吳地記古坊中著錄 吳郡志杉瀆

橋東

蔡家橋 吳郡盧熊二志均著錄 姑蘇志康熙志失載

乾隆吳縣志查家橋西今廢 氏族譜周文王第十

四子叔度封蔡因為氏按晉有蔡洪字叔開吳郡人

元康中官松滋令附晉書文苑王沈傳

侍其巷 盧王二志均著錄 姑蘇志靈芝坊內侍其沔所

居 吳郡志侍其沔字國紀上世自高密徙吳學貫穿經

傳與人交如淡薄過其急奮義以往不避艱險五舉禮部

退為鄉先生治平三年沒門人弟子相與議其治行謚曰

夷晦先生滕元發誌其墓云士生斯世有進取出力得時

行道功烈被於民者有行義修潔退而講學為一鄉之善

士者斯二者用舍不同要皆天下之強立君子也善士蓋

指沔其慕尚之如此

靈芝坊 吳郡志靈芝坊侍其巷初名難老坊蔣堂謝事

所居李之儀作范正平遺錄云胡文恭宿爲諸生時嘗受學於蔣堂文恭守吳郡蔣居第表爲難老坊蔣不樂曰此俚俗歆豔內不足而假之人以誇者非所望於故人願卽撤去胡乃用蔣氏嘗有芝草之瑞更名靈芝按堂皇祐六年三月作平江軍新修大廳記云當兵部員外郎李公晉卿守屏之明年十月修此廳又有因芝草生謝兵部詩據此則所謂兵部者正謂李晉卿而揭靈芝於坊表者亦李也李之儀所記乃謂揭坊名爲胡宿疑有誤又案胡宿墓志自祠部員外郎判度支後知蘇州蓋未嘗爲兵部其爲晉卿無疑晉卿逸其名今太守題名皆不著胡李蓋闕文 睿案盧志作皇祐五年六月知州李仲偃以前守蔣堂謝事家居溪館有芝草之瑞故表胡宿撰溪館序亦述此事仲偃疑卽李晉卿之名 又蔣堂因芝草生謝兵部黃茵誕邱園靈堪配醴泉至和非我召美化自公宣秀色鄰三徑幽光被一廛

宋平江城坊攷卷一

三十一

時髦秉筆君爲我列詳編 又使君有意飾門閭雅爲靈芝揭表初招隱溪邊往還者從茲認得野人居 吳郡志隱園在靈芝坊樞密直學士蔣堂之居堂兩守吳謝事因家焉自號遂翁園中有巖扃水月庵煙蘿亭風篁亭香巖峯古井貪山等堂嘗自賦隱園十二詠結庵池上名水月宅南小溪上結宇十餘柱名溪館又築南湖臺於水中皆有詩 又蔣堂字希魯本宜興人徙於蘇祥符五年進士任侍御史論禁中火宜責躬修德不必歸咎宮人郭皇后廢極論不可出爲淮南發運使薦部吏二百員累遷樞密直學士歷知應天河中府洪杭益蘇州後十二年再守蘇遂謝事以禮部侍郎致仕家於靈芝坊堂爲人修潔遇事不少屈好學工文詞延譽晚進至老不倦卒年七十五有吳門集二十卷其絕筆詩云歸來深隱太湖濱天與扶持百歲身雖是浮雲隔雙闕丹心愛戴在君親忠厚之氣終始如此

杉瀆橋南大街 未見著錄 今駙馬府堂前

杉瀆橋 祥符圖經吳地記吳郡盧熊志均著錄 姑蘇志

侍其巷口 道光志今名三多橋 盧志糜都司宅在杉

瀆橋 吳郡金石目亨泉詩并題記咸淳四年正書在杉

瀆橋南大街 又北寺塔碑文存五行中多殘缺有杉瀆

字此橋名之見於郡志者

新橋巷 盧熊志未著錄見姑蘇志 康熙志和豐倉南

新橋 吳郡志著錄 盧志馬禪寺巷口案馬禪寺在平

權坊西大石頭巷西口此云在新橋殊不可解 姑蘇

志和豐倉南 乾隆吳縣志在和豐倉內跨倉河

張府 吳郡志南園吳越廣陵元璩之舊園也今園屬張

循王家 盧熊志張氏園池亦南園故地也紹興間侍

郎張幾仲得之今山亭猶扁惹雲池書猶扁清漣存故

實也堂側有凌霞閣奉其父循王墓自以時餽以真服

又有水竹道院等處

宋平江城坊攷卷一

葛家橋 吳郡志盧志著錄 姑蘇志至正三年建在杉

瀆橋東審案疑重建 康熙志南張師橋南 氏族志

顛頊之後封於葛其後以葛為氏案三國時有葛玄字

孝先吳人

北張師橋 今名復興橋 吳郡盧王三志均著錄 康

熙志杉瀆橋側

先生橋 今名思古橋 吳郡盧王三志著錄均作張師

橋 康熙志先生橋北張師橋南 姑蘇志有朱香獅

巷不可攷按朱張雙聲張香疊韻則朱香為張字之反

音朱香獅巷實張師巷一聲之轉耳

南張師橋 今名陳千戶橋 范盧王三志均著錄 康

熙志先生橋南

蒲帆巷 盧王二志均著錄 今東蒲帆巷 乾隆吳縣志

東蒲帆巷府學西由鳳池出坤維坊又名東洋環今土人

但呼東半升巷 案康熙志作東蒲帆巷開元寺後誤

姑蘇志錢仲鼎字德鈞通州人徙居蘇之蒲帆巷讀書廣博尤潛心六藝宋末發鄉解元不復仕進工爲古文詞與趙孟頫虞集龔開輩交性不喜飲惟善勸人讀書授徒于家多時後年逾九十燈下書細字夜分乃寐行十餘里不杖

開元寺後巷 今西蒲帆巷 盧王二志均著錄 乾隆吳

縣志西蒲帆巷開元寺後又名西洋環俗呼西半井巷

吳郡金石目永定鄉安仁里義井題記嘉泰元年正月正書在郡城西洋環巷河岸

穿堂巷 乾隆吳縣志卽聯西蒲帆巷 盧王二志均著錄

開元寺前 未見著錄

開元寺 吳地記通玄寺吳大帝孫權吳夫人捨宅置晉

建興二年郡東南二百六十里有滬瀆漁人夜見海上

光明照水徹天明日覩二石神像浮水上衆言曰水神

也以三牲日祝迎之像背身泛流而去時郡有信士朱

宋平江城坊攷卷一

五

膺及東陵寺尼俗率衆香花鐘磬入海迎之載入郡城像至通玄寺前諸寺競爭數百人牽拽不動衆議云像應居此寺言畢數人昇試象乃輕舉便登寶殿神驗屢彰光明七日七夜不絕梁簡文帝製石佛碑曰有迦葉佛維衛佛梵字刻於像背唐東宮長史陸東之書碑中宗載初九年則天皇后遣使送珊瑚鏡一面鉢一付宣賜供養兼改通玄寺爲重雲寺開元五年兼賜金魚字額舊通玄寺移鹽官縣東四十里鮑郎市其後像失一軀後人造一軀以竝之 吳郡圖經續記載恩寺在古爲通玄寺其殿曰二尊建興八年漁者於滬瀆沙上獲帝青石鉢初以爲白類輦而用焉俄有佛象見於外漁者異之知其爲二象之遺祥也開元中寺中有金銅玄宗聖容當天下昇平富商大賈遠以財施日有數千緡至於梁柱欂櫨之間皆綴珠璣飾金玉蓮房藻井悉皆寶玩光明相暉若辰象羅列也大順二年爲淮西賊孫

儒焚毀其地遂墟同光三年錢氏更造寺於吳縣西南
三里半榜曰開元并其僧遷焉即今之開元寺也今開
元寺有瑞象閣乃別加塑飾其帝青石鉢猶存 吳郡
志開元寺在吳縣西南即後唐同光錢氏所徙寺也寺
有晉時浮來二石像及佛鉢兵燹後二像復存鉢亦爲
一僧藏去得脫今寺中世寶之相傳漁人以貯葷茹鉢
遂破豐視其壘處色采絢爛非玉非石不可名狀 盧
熊志開元寺在今縣治南三國時孫權乳母陳氏捨第
爲寺也初名通玄至唐改今額寺有石佛二石鉢二晉
時浮海而來韋應物作郡時尙游此寺有綠陰生晝寂
之句後人慕之作綠陰堂元翰林學士虞集撰記 寶
鐵齋金石文字跋尾尊勝陀羅尼經幢末題云弟子司
馬閏製造於開元寺丁巳正月二十八日高不過八寸
字小如豆絕無剝泐經幢中之精品也向在開元寺不
知何時失去今歸嘉禾張叔未孝廉 寶素齋金石書

宋平江城坊攷卷一

畫編年錄訪吳中石佛像於開元膜寺拜瞻觀見佛背
刻維衛佛迦葉佛等字並無年月未經手拓

寺前橋 寺後橋 寺西橋 祥符圖經著錄開元寺橋

寺後橋寺西橋 吳地記著錄開元寺橋 吳郡志著

錄開元寺東橋寺西橋 按盧志同祥符圖經姑蘇志

同吳郡志乾隆吳縣志寺東者今名琵琶橋 又按寺

西者今訛螺絲橋 又按姑蘇志作延祐三年建疑重

建之訛

載耜坊 祥符圖經吳地記著錄長洲古坊中 吳郡志

開元寺東 盧志紹定二年重立

梅家橋 吳地記著錄 吳郡志姑蘇志著錄均作梅橋

盧志梅家橋盤門內新橋南 姑蘇志一稱梅家橋

在新橋南梅聖俞寓此

坤維坊 祥符圖經吳地記著錄古坊中 吳郡志瑞光

寺東 盧志紹定二年重立

瑞光寺 寺西有塔

吳地記瑞光寺在縣西南四里開寶

九年置舊名普濟院 吳郡圖經續記瑞光禪院在盤

門內故傳錢氏建之以奉廣陵王祠廟今有廣陵像及

平生袍笏之類在焉嘉祐中轉運使李公復主請本禪

師住持吳民競致力營葺棟宇完新相國富公有書頌

刻石院中 吳郡志瑞光禪院在吳縣西南舊普濟院

宣政間朱勔建浮屠十三級靖康焚燬淳熙十三年寺

僧重葺稍復舊觀 盧熊志瑞光寺在今縣西南舊名

普濟院宋宣政間朱勔建浮圖十三級五色光見經夕

不散故號瑞光靖康焚毀淳熙十三年寺僧重葺稍復

舊觀 姑蘇志吳赤烏間僧性康建名普濟院宋宣和

間五色光現詔賜今額併賜塔名天甯萬壽寶塔靖康

兵燬淳熙間重建併復塔七級元季復燬洪武中僧曇

芳重修僧大祐記寺有四瑞堂以塔光法雷合歡竹白

龜池名釋弘道記 吳郡金石目吳郡梅隱庵記紹定

宋平江城坊攷卷一

七

三年十二月范元衡撰趙琳書正書方萬里題蓋在盤

門內瑞光寺大殿壁間錢氏跋尾載之 寶鐵齋金石

文字跋尾云瑞光塔甄題字在塔中正書四行行云吳

縣太平鄉木瀆鎮廟橋西街南面北居□女□顧氏

五二娘捨瓢柱一□追助先考顧十七郎妣張氏六娘

亡夫趙□即衆魂超升按瑞光塔修於朱勔其爲宋物

無疑

畫錦坊巷 盧王二志均著錄攷本圖係府學隔岸南巷

畫錦坊 盧志招隱堂在畫錦坊郡人胡元質給事所居

溪堂也後有荷堂曰雲錦竹堂曰碧琳東又有榭曰秀

埜水濱對立三石甚奇偉乃鎮蜀時所攜者當時珍之

吳郡志胡元質字長文長洲人父珣治生大穰所親

爲之宰負金萬數珣焚其書待之如常元質少穎悟年

未冠游太學紹興十八年進士高第亦有隱行初旅泊

行都聞鄰有貧士夜哭問之乃爲責償鬻其女相與別

元質慨然垂橐予之壽皇卽政以薦者入爲太學正歷
祕書省正字校書郎禮部兼兵部遷右司侍經帷直史
筆參掌內外制給事黃門知貢舉帝眷特厚爲書王褒
聖主得賢臣頌及親製論以賜出守當塗建業成都皆
有政績舊得程公闢光祿南園故居之址旣歸杜門卻
掃林園池館日以成趣扁表其堂曰招隱優游自遂奉
祠後六七年以正奉大夫敷文閣學士吳郡侯致其事
而卒年六十三贈金紫光祿大夫葬橫山平居未嘗疾
言厲色加人或評人短長及告以人之傾己輒俯首欲
寐每自謂於人無怨惡其心休休然好善樂施家貲多
推與諸弟未始較人皆義之 盧志程正議宅在南園
傍公名師孟少而軒闢有才志因過隙地右開元瑞光
二寺左南園嘗曰此可以爲宅也及稍顯遂得其地居
焉知州晏知止贈詩云衣冠雖盛皆僑寄青瑣仙郎獨
我鄉蓋公實吳人也晏公又名其地曰畫錦坊見續記

宋平江城坊攷卷一

六

吳郡志程師孟字公闢郡人其高祖思爲錢氏營田
使遂居吳師孟居南園側號畫錦坊景祐元年舉進士
累遷判三班院給事中判將作都水監歷知楚遂洪福
廣越青州爲政簡而嚴劇煩制劇才刃有餘罪非死不
以屬有司獄每爲空寬猛得中所至人悅性樂易純質
言無隱情喜爲詩效白樂天而尤簡直至老不改吳語
累官光祿大夫致仕年七十八樂圃先生朱伯原少許
可言師孟爲政則曰雖韋丹治豫章孔幾帥嶺南常衰
化七閩無以加也天下以爲才卿吏師米芾亦云廣平
公文學登科以政事躋顯以言語出疆以恬退告老
足之所及功利蔚起之有詩集二十卷奏議十五卷

府學

吳郡志府學在南園之隅景祐元年范仲淹守鄉
郡二年奏請立學得南園之巽隅以定其址元祐四年
純禮持節過家又請於朝復得南園隙地以廣其垣卒
父志也紹興十一年梁汝嘉建大成殿十五年王喚繪

兩廡象創謹堂闢齋舍規模宏敞視昔有加乾道九年
邱密造直廬淳熙二年韓彥古創采芹印高二亭十六
年趙彥操建御書閣五賢堂在講堂左五賢謂陸贄范
仲淹范純仁胡瑗朱長文也 盧熊志按祥符圖經有
至聖文宣王廟在子城西南未言有學考之唐史刺史
李栖筠始增學廬則前此蓋有之未詳的在何地朱長
文云吳郡未有學蓋不審也 姑蘇志府學在城南延
袤一萬九千丈周一百五十畝 吳郡志補志吳學久
不修寶慶三年秋七月大風雨殿閣堂館直舍門廡齋
亭皆摧圮欲壓紹定二年以復田得租遂新之始於憲
守林介成於郡侯李壽朋吳潛作修學記陳耆卿作復
田記

大成殿 盧志建炎兵燬先葺學宮而廟貌未遑作也紹
興十一年直學士梁汝嘉始建大成殿 姑蘇志鄭仲
熊記

宋平江城坊攷卷一

九

洗馬池 吳郡志洗馬池在府學之南 楊備詩一一牽
來種是龍臨深欲下更嘶風金鞍玉勒拋何處騰踏渥
洼寒影中 姑蘇志今學制前臨通衢衢南皆平郊左
廟外爲靈星門郊之當門處壘土爲小崗隱起入門則
洗馬池爲神道上有石橋錢氏古迹也

教授廳 盧志教授廳先建於大成殿後洪武七年重建
於明倫堂之西卽今廳也

楊家巷 盧王二志均著錄 姑蘇志府學前 乾隆吳
縣志府學前西

社壇巷 盧王二志均著錄攷本圖在畫錦坊東南雄節營
南

社壇 吳地記社壇並風伯雨師壇並在吳縣西南五里
盧志宋本府社稷壇在子城西南四里一百五十步
吳縣社稷壇風伯雨師壇圖經云並在縣南四里卽今
之州城內後社稷在縣樓西北寶慶中趙善瀚勅 姑

蘇志初埭郭二縣在宋亦有社稷壇今皆統祭於府

雄節營 吳郡志營寨門禁軍雄節第九指揮 盧志雄

節第九指揮元額五百一十人在府學南

奚公橋巷 未見著錄 奚公橋 奚婆橋巷 未見著

錄 奚婆橋 二橋吳郡志盧志姑蘇志著錄并作趙

公橋趙婆橋不知何據 康熙志瑞光寺東 乾隆吳

縣志二橋並列 道光志二橋俗名琵琶橋案琵琶橋

乃開元寺東橋道光志失攷 吳門表隱宋善士奚仁

三夫婦建

剪金橋巷 未見著錄 舊志水糲巷列西南隅疑此巷仍繼

續北段而名水糲

剪金橋 吳地記吳郡志盧志均著錄 姑蘇志昇平橋東

側 乾隆吳縣志明澤橋東轉北 吳郡金石目集祥里

人義泉題記淳祐庚戌正書在布政司大街接街在剪金

橋附近

宋平江城坊攷卷一

孫老橋巷 未見著錄 今念珠街 姑蘇志綠水園在孫老

橋東故為朱勔別墅元至正中廬山陳惟寅惟允兄弟購得

之取杜詩名園依綠水之句更此名園中有來鴻軒清冷閣

蘿徑等名高啓為之序

孫君坊 吳郡志孫君坊孫老橋 盧志知州孫冕修白頭

橋因名紹定二年重立 姑蘇志船場巷知州孫冕修唐

白頭橋建坊因名

孫老橋 祥符圖經吳地記均著錄 吳郡志在運河上唐

白頭橋也郡守白居易所建因是名之本朝天聖初郡守

孫冕重修故易今名 姑蘇志孫冕字伯純新淦人天禧

中知蘇州治獄不濫斷訟如神弛張在己無所吐茹吏畏

而民愛之嘗病癱州人爭為詣佛寺祈福復立生祠於萬

壽寺甫及引年大書一詩於廳壁拂衣歸九華山朝廷高

其風許再任召之不起 梅摯過白頭橋詩白頭橋奈白

頭何 是橋唐牧白公建因得名遲歲伯純修之人呼孫老 舊德如存

故老歌不特輿梁起遺愛大都才美服人多 盧志今爲石巖橋元總管道童建石巖其自號也 姑蘇志在今府

治西 同治志在織里橋西

胡家橋 范盧二志均著錄 姑蘇志俗名線香橋 康熙

志來遠橋側

芙蓉巷 見姑蘇志 康熙志開元寺西 乾隆吳縣志今呼

孫衙街

廟灣巷 今廟灣街 盧王二志均著錄 康熙志盤門內

按同治志城圖在瑞光寺東直接司前街

伍相公廟 吳郡志伍員廟在胥口盤門裏又有員廟卽雙

廟是也 又南雙廟在盤門裏城之西隅二廟左英烈王

伍員也右福順王隋陳杲仁也建中靖國中太守吳伯舉

重修是時蔡京爲翰長罷過吳門爲作記 盧志李宗譚

圖經云嘉熙元年知府王遂改福順王歸常州立吳相伍

君漢破虜將軍孫君二祠於此仍爲文以祭伍孫雙廟謂

宋平江城坊致卷一

十一

此 姑蘇志吳相伍大夫廟在吳縣盤門內舊在縣西南

三十二里胥山上卽子胥死處俗云胥王廟宋元嘉三年

吳令謝詢始徙廟入城宋建中靖國間太守吳伯舉重修

元大德三年嘗著靈異特增爲忠孝感惠顯聖王至正間

廉訪僉事李仲善別立廟於胥門上鄭元祐記後仍立今

廟成化十五年廟燬御史劉魁重建每春秋祀之祝文曰

孝以雪讎忠以報國白馬素車威靈赫奕 又專諸墓相

傳在盤門裏伍大夫廟側

廟橋灣 未見著錄

廟橋 祥符圖經著錄作盤門橋 吳地記作盤門裏廟

橋 吳郡志著錄 盧志廟橋雙廟橋 姑蘇志伍大

夫廟西近盤門又名盤門橋 乾隆吳縣志伍大夫廟

南 案今名窺塔橋

土地廟

吳門亭 祥符圖經纘舟吳門通波通海四亭並在轉運

使衙西偏 吳郡志吳門亭在盤門內

程橋 吳郡志盧志均著錄 姑蘇志近盤門

收稅亭

藥市街見蘇風堂金石目是名向未見於志乘不知何據而云然案武林舊事諸市門藥市炭橋下列花市珠市米市肉市菜市魚行豬行布市蟹行花團養團此藥市之一證今學士街案盧志水糴巷後列夾城巷乃屬西城而隸吳縣者疑即此 蘇風堂金石目集祥里人義泉題記正書淳祐庚戌九月在吳縣藥市街

明澤橋 吳郡志著錄 盧志在西河上題云皇祐五年建

易石時歲月也以路通盤閭為成卒經由之地故俗稱過

軍橋景定五年重建劉震孫題名立石橋上 道光志今

名歌薰橋

驛後巷 盧志著錄案當在姑蘇館後

驛橋 今名來遠橋本圖失載 祥符圖經著錄 吳郡志

宋平江城坊攷卷一

三

失載 盧志著錄 姑蘇志來遠橋胥門內舊姑蘇驛居

此宋紹興間王喚奏建專待屬國信使取魯論語名之又

名驛橋 寰宇訪碑錄元修來遠橋題記有重九日章府

一力重建字審按此南章家橋題記孫氏蓋訛錄也

賓興坊 吳郡志賓興坊貢院南 盧志紹定二年重立

姑蘇志即今明澤橋北

賓興館 吳郡志賓興館在貢院前河西

貢院 吳郡志貢院在西河西明澤橋北舊西比較酒務基

乾道四年郡守姚憲建苑成大書額 案後四十年太守

陳公闢而廣之周南記見周南山居集卷四平江重修貢

院記

都稅務 圖經續記稅務舊在驛前范文正公遷於西河上

公私舟楫往來甚以為便

抽解場 盧志在明澤橋南

監倉廳 吳郡志監倉廳在姑蘇館前 盧志監糴納倉廳

在姑蘇館前淳祐中李端重立題名朝奉大夫黃濤記
姑蘇館 姑蘇臺 吳郡志姑蘇館在盤門裏河西城下紹
興十四年郡守王喚建體勢宏麗爲浙西客館之最中分
爲二曰南館北館紹興間始與金通和使者歲再往來此
館專以奉國信貴客經由亦假以艤船登城西望吳山皆
在指顧間故又作臺於城上以姑蘇名之雖非故處因館
而名亦以存舊事也制度尤瑰特爲吳中偉觀此臺正據
古胥門門跡猶存又有百花洲在臺下射圃在洲之東臺
洲亦皆喚所建並館額皆吳說書 盧志姑蘇館文臣非
大中大夫武臣非觀察使以上不許指占有版榜揭諸外
廊孫觀云姑蘇館宏麗雄深爲三吳之冠承平亦未嘗見
之咸淳二年三月又大修之通判吳必大記
百花洲 姑蘇志百花洲在西城下胥盤二門之間高啓姚
廣孝均有詩



宋平江城坊致

地 750.22

179.924

部 = 2

宋平江城坊攷卷二

東南隅

大街 見前

花巷

今竹橋橋巷俗訛祝駕橋巷 康熙府志樂橋轉東

康熙長洲志樂橋南塊東 盧王二志均著錄

麗景樓 吳郡志樂橋東南花月麗景皆淳熙十二年郡

守邱密建雄威甲於諸樓

竹隔橋 吳地記吳郡志均著錄 姑蘇志作橋云在乘

魚橋側 內觀日疏瑤卿月夜過橋脩然朗吟其聲清

亮字字動人居民但記其兩句云遙隔美人家數竿修

竹處自此橋名竹隔據此則當以作隔為是 吳郡金

石目井闌題記淳祐庚戌三月正書在郡城張果老巷

之祝家橋姓名漫滅首行有周百一官元買到云云按

祝家橋即竹橋橋之訛文

張古老巷 盧王二志均著錄古一作果 康熙長洲志乘

宋平江城坊攷卷二

魚橋西南

東憩橋巷 今孝義坊巷 盧王二志均著錄 吳郡志孝

義坊東憩橋巷

孝義坊 見上

鼓角營巷 盧志著錄 吳郡志營寨門廂軍下有中軍鼓

角指揮 盧志中營鼓角指揮元額二十五人 姑蘇志

鼓角營巷在孝義坊內今是圖孝義坊南有迤邐曲巷作

磬折式者一疑是

周司徒巷 盧王二志均著錄 姑蘇志金母橋北 康熙

志俗名周孝子巷

通闐坊 吳郡志金母橋東 吳地記古坊著錄暨祥符

圖經均云在吳縣

金母橋 吳地記著錄 姑蘇志天王堂西

北新街巷 今大新街 盧王二志均著錄

南新街巷 今小新街 盧王二志均著錄



雙井巷 盧志著錄 姑蘇志有古井二

鹽倉巷 盧志著錄 姑蘇志夏侯橋西

茶場 吳地記茶鹽務在子城河西五步 宋史食貨志下

五茶類宋權茶之制擇要會之地為權貨務六官自為場

置吏總之謂之山場者十三六州采茶之民皆隸焉謂之

園戶歲課作茶輸租餘則官悉市之其售於官者皆先受

錢而後入茶謂之本錢又民歲輸稅願折茶者謂之折稅

茶總為歲課八百六十五萬餘斤其出鬻皆就本場在兩

浙則杭蘇等十二州

鹽倉 見前 文獻通攷征權攷鹽鐵門高宗建炎初淮浙

亭戶官給本錢諸州置倉令商人買鈔算請五十斤為一

石六石為一袋輸鈔錢十八千

阜通坊 吳郡志夏侯橋西

花月樓 吳郡志官宇門附市樓下花月樓飲馬橋東北淳

熙十二年郡守邱密建雄威甲於諸樓 按吳郡志又載

宋平江城坊攷卷二

清風樓在樂橋南黃鶴樓在西樓之西今是圖失載

夏侯橋 吳地記著錄 范盧二志均著錄 姑蘇志相傳

唐夏侯司空建或云橋旁有夏侯廟因名 宋潘夢圻記

略云郡治稍西橋曰夏侯以地有夏侯廟得名締創於皇

祐壬辰重修於紹興辛未寶慶初元邦人相率出力改作

使守嘉其志悉捐金以助遠近翕爾而應以仲秋癸丑撤

其故而新之明年七月工以訖告寶慶二年七月朝散郎

郡人潘夢圻記 案今橋下石刻有皇宋寶慶改元拾壹

月望闕淹高禦祖男子漢將仕郎陳闕佳闕云云合之潘

記結語有若勸施位名金穀品目列之左不復書正合惟

拾壹月從俗作繁寫則仲秋當作仲冬

飲馬橋南街街見前

龐耆巷 盧志著錄 姑蘇志飲馬橋南 俗稱彭其巷

旌義坊巷 今馬脊梁巷 盧志未著錄 姑蘇志飲馬橋

南

旌義坊 吳郡志旌義坊蔡匯頭 按蔡匯頭疑卽飲馬橋南之石家匯石蔡吳俗音近也非天慶觀前之蔡匯河頭

孝友坊巷 今大太平巷 盧志著錄 王志飲馬橋南

孝友坊 吳郡志孝友坊南園東巷

滄浪亭 吳郡志滄浪亭在郡學之南積水彌數十畝傍有小山高下曲折與水相縈帶石林詩話以爲錢氏時廣陵王元璩池館或云其近戚中吳軍節度使孫承祐所作旣積土爲山因以瀦水慶曆間蘇舜欽子美得之傍水作亭曰滄浪歐陽文忠公詩云清風明月本無價可惜只賣四萬錢滄浪之名始著子美死屢易主後爲章申公家所有廣其故地爲大閣又爲堂山上亭北跨山有名洞山者章氏併得之旣除其地發其下皆嵌空大石人以爲廣陵王時所藏益以增累其際兩山相對遂爲一時雄觀建炎狄難歸韓蘄王家 盧志續志云

宋平江城坊攷卷二

三

申公之子增築山亭買黃土錢三萬貫園亭之勝甲於東南張魏公勤王記云子厚爲相日營葺園地所費不貲罷相卽遷責未嘗安享洎放還寓嚴州烏龍山寺子弟輩悉遣歸鄉幹置生事死之日無人在側羣妾分爭金帛停尸數日爲鼠食其一指衢僧法空親見之雲衢談雋云章氏園紹興初韓蘄王提兵過吳意甚欲之章殊不悟卽以隨軍轉運檄之章窘迫亟以爲獻其家百口一日散居韓氏作橋兩山之上名曰飛虹張安國書扁山上有連理木慶元間猶存今山堂曰寒光傍有臺曰冷風亭又有翊運堂耿元鼎作記池側有濯纓亭梅亭曰瑤華境界竹亭曰翠玲瓏木犀亭曰清香館其最勝則滄浪亭也

韓園 盧志韓蘄王府俗稱韓家園

魏朱巷 盧志著錄 康熙志作魏支巷云俗名東太

平巷

燕家巷 盧王二志未著錄 康熙志作燕家浜 同

治志燕家浜舊稱巷

燕國夫人廟 盧志在府治東南燕家橋吳孫權乳母陳夫人舍宅為通玄寺同光中移今所即今開元寺亦有其祠淳祐中提刑胡穎拓四酒務隙地為射圃鑿河引橋下水北入圃內於古墓得石函上刻燕國夫人首級字六篆遽命碎之舊傳酒務本夫人宅今奉祀者柳氏云

燕家橋 吳郡志以下均著錄 康熙志旁有燕國夫人廟故名 吳門表隱東京啓聖禪院佛象歷年記在婁門內關帝廟乾隆初里人韓承詩元旦謁聖墾土得之上鑄佛像下刻經文末署蘇州府長洲縣上元鄉烟家橋居住嗣男寶臨施財刊石追荐妣諸氏七娘遠年生界元豐四年五月望日立石勸緣行者趙道堅吳郡張珙刻正書二十七

宋平江城坊攷卷一

四

行按燕作烟表隱著錄與鐵寶齋跋尾同知韓子文未刻橋名時民間沿誤者蓋多焉

淨河橋 吳郡志著錄 姑蘇志以下均不載

船場橋 盧志張林浜 吳郡志著錄

洞橋 范盧王三志均著錄 康熙志以下不載

祝橋 范盧王三志均著錄 康熙志以下不載

玉淵坊巷 未見著錄

玉淵坊 吳郡志玉淵坊南星橋

南星橋 吳郡志作星橋 盧志星橋俗云南星橋

康熙志大雲橋東 姑蘇志阮狀元宅在南星橋西

舊有狀元坊 按大雲橋側磚刻有宋嘉祐三年七月募建寶祐二年三月募修元大德三年己亥四月里人士重修字而本圖不載疑磚刻有沿誤處

居養院 盧志居養安濟院在社壇東建炎以來廢淳熙三年陳峴重建有仁政倉籍官民田千六百六十

畝得米七百石有奇提幹盧瑢記以給歲用紹熙元年提舉張體仁又勅安濟院城西南隅開禧三年陳耆壽益以田一千一百二十畝郡人滕成作增田記按國史崇寧元年知開封府吳居厚請置居養院處民之鰥寡獨者以戶絕財產給其費又河北轉運司亦以爲請又推廣之先是蘇文忠公知杭州日置病坊一所於城中名安樂堂以僧主之至是爲言仍改安濟 宋史食貨志賑卹門崇寧初蔡京當國置居養院安濟坊給常平米厚至數倍差官卒充使令置火頭具飲饍給以納衣絮被州縣奉行過當或具帷帳雇乳母女使糜費無藝不免率斂貧者樂而富者擾矣 又安濟坊亦募僧主之三年醫愈千人賜紫衣祠部牒各一道醫者人給手厝以書所治瘞人歲修考其數爲殿最諸城砦鎮市戶及千以上有知監者依各縣增置居養院安濟坊漏澤園道路遇僵

宋平江城坊攷卷二

五

仆之人及無衣丐者許送近便居養院給錢米救濟孤貧小兒可教者令入小學聽讀其衣襦於常平頭子錢內給造仍兌入齋之用遺棄小兒雇人乳養仍聽宮觀寺院養爲童行宣和二年詔居養安濟漏澤可參考元豐舊法裁立中制應居養之日給稅米或粟米一升錢十文省十一月至正月加柴炭五文省小兒減半安濟坊錢米依居養法醫藥如舊制漏澤園除葬埋依見行條法外應資結若齋醮等事悉罷高宗南渡民之從者如歸市旣爲之衣食以賑其飢寒又爲之醫藥以救其疾病其有隕於戈甲斃於道路者則給度牒瘞埋之若丐者育之於居養院其病也療之於安濟坊其死也葬之於漏澤園歲以爲常 武林舊事病者則有施藥局童幼不能自育者則有慈幼局貧而無依者則有養濟院死而無殮者則有漏澤園民生何其幸歟

威果四十一營 吳郡志營寨門禁軍下威果四十一
指揮 盧志威果四十一指揮元額四百一十人在
社壇東

翁家巷 盧志未著錄 姑蘇志府學東

東楊家巷 盧志作楊家院子巷 姑蘇志在府學東

烏鵲橋巷 未見著錄

烏鵲橋 祥符圖經著錄 圖經續記烏鵲橋在郡前

舊傳有古館八曰全吳通波龍門臨頓昇羽烏鵲江

風夷亭此橋因館得名白樂天詩嘗及之 吳郡志

在提刑司之南舊傳古有烏鵲館橋因其館得名

楊備烏鵲橋上元詩月滿星移水照天南飛烏鵲影

翩翩雖然上屬牽牛分不為秋河織女填 盧志古

有烏鵲館因名白樂天詩烏鵲橋紅帶夕陽又烏鵲

橋高秋夜涼烏鵲橋頭冰未消 姑蘇志長洲縣東

吳郡金石目鳳皇鄉人修井題記景定四年四月

宋平江城坊攷卷二

初入在烏鵲橋正書 姑蘇志宋羊太守廟在子城

前烏鵲橋南劉宋時羊玄保守吳廉素寡欲去後民

思之故立為祠 盧志今誤題太傅羊王廟 又靜

樂堂在烏鵲橋南知郡孔元忠所居樓中儲書萬卷

葉適有詩 又林樞密宅在烏鵲橋西樞密名希盧

志林樞密宅今儒學 姑蘇志羊玄保太山南城人

以太常徙吳郡太守加秩中二千石三吳舊有鄉射

禮玄保舉行之文帝以其廉素寡欲頻授名郡為政

雖無殊績而去後常必見思不營財利產業儉薄大

明中加散騎常侍特進卒諡曰定子

十泉街 未見著錄

儒學坊 吳郡志烏鵲橋南林文節公與諸弟所居希父槩

先在國史儒學傳希徙居吳與弟曰嘉祐二年同第進士

次舉弟邵顏文同登第吳人榮之故以名坊

五龍堂巷 盧志著錄 姑蘇志帶城橋西南

龍堂橋 吳郡志盧志著錄 姑蘇志作五龍堂橋 康

熙志以下不載

靈濟廟 盧志五龍堂在今長洲縣東南唐貞元中李紳
為記宋淳熙十年秋七月大旱知府耿秉即設廳齋被
祈雨未至沾足越三日雲氣四合有小龍狀如蜥蜴見
於五龍神位香案蓮果釘上宛延不去乘以杯珓占之
約以三日內滂沛優渥當奏請五龍廟額以答靈異翌
夕大雨事聞詔賜靈濟廟紹興四年五月勅封第一東
靈侯第二西城侯第三中應侯第四南平侯第五北寧
侯每有水旱守將投龍於祠前潭中必獲嚮應又吳地
記云石龍在龍壇里即上元鄉其壇並潭猶存今龍堂
水南之地皆為蔬圃名定花板昔人於旱歲在金氏船
坊水底見之其石方不踰丈中作錢文四角有雲氣但
以涂泥不得詳辨耳 吳郡金石目靈濟廟勅封五龍
碑紹熙五年五月九日行書

宋平江城坊攷卷二

七

趙家園巷 姑蘇志帶城橋西南

破井巷 盧志著錄 姑蘇志帶城橋西南

船舫巷 盧志著錄舫作坊 姑蘇志帶城橋西南

船舫橋 吳郡志盧志舫作坊以五龍堂下金氏船坊

證之應是 姑蘇志帶城橋西舫作坊 康熙志帶

城橋西南側

蓮城巷 盧志著錄 姑蘇志帶城橋西南

覺報寺巷 盧志著錄

覺報寺 吳郡志在府東南舊名老壽庵王岐公家香
火院也靖康狄難此寺賊酋所寓故不得焚吳下古
名屋惟此寺耳又云建炎狄難盈城宮室悉為煨燼
惟郡南覺報小寺以旁會營幕所寓不及燬 吳中
舊事秦檜妻之弟王喚子顯道紹興初知府事峻於
聚斂酷於用刑覺報寺其私家祠也 盧熊志覺報
寺在今縣治東南王岐公香火院也

覺報寺西橋 吳郡志盧志著錄

覺報寺後橋 吳郡志盧志著錄 姑蘇志僅著錄覺

報寺橋一此橋即今木杏橋

重昇院 姑蘇志在城東南隅即南園地宋慶元間僧

正信建

帶城橋巷 未見著錄

帶城橋 祥符圖經吳地記吳郡志盧志均著錄 吳

郡志帶城橋今誤為戴城橋 盧志橋迤邐近本府

南城故名今訛為戴城 姑蘇志嘉泰元年重建

又萬卷堂侍郎史正志所居在帶城橋南舊有石記

為僧磨毀施氏叢鈔云正志揚州人造帶城橋宅及

花園費一百五十萬緡僅一傳園先廢宅售與常州

丁卿昆季僅得一萬五千緡紹定末丁析為四其後

提舉趙汝樞占為百萬倉糴場 石志宋方使君宅

在帶城橋使君名萬里字子萬

宋平江城坊攷卷二

紅鴨橋 范盧二志均著錄 康熙志作楊矮子橋云

在木杏橋東 乾隆元和志訛紅杏子橋

採蓮涇橋 范盧王三志均著錄 今廢故康熙志以

下不載 吳郡志採蓮涇在城內東南隅運河之陽

也今可通舟兩岸皆民居亦有空曠為蔬圃此種蓮

舊蹟也上有採蓮涇橋

南白塔子巷 今新造橋南街 盧志著錄 姑蘇志善

教橋對 康熙志吳家巷即南白塔子巷新造橋南堍

蘇家巷 盧王二志均著錄 乾隆元和志宋蘇舜欽居

此因名 同治志新造橋東南 今相王廟弄東近堍

磚橋 范盧二志均著錄 康熙志春和橋舊名磚橋

明隆慶元年知府蔡國熙重建改今名 同治志在

善教橋東

程橋 范盧王三志均著錄 康熙志近葑門 同治

志在春和橋東南

接官亭

土地廟

相王廟後巷 未見著錄

相王廟 盧志赤闌相王廟在府治東赤門裏相傳為吳闐
闐築城見誅死遂為神洞庭西山亦有祠神姓桑名湛璧
蓋不可考每歲夏至重午居民以角牴戲集祠下或謂赤
闌以廟近赤門為名又吳地記云南面討擊將軍黑莫郝
墓在蛇門裏周敬王六年築城誅死今呼赤闌將軍三書
自相牴牾皆臆說也今呼東相明王又云赤闌即赤門相
王即伍相姑備錄以傳疑

東長橋巷 未見著錄

東長橋 范盧王三志均著錄 康熙志俗名東燒香橋
在葑門南營近二郎廟

西長橋巷 未見著錄

西長橋 范盧王三志均著錄 姑蘇志葑門營內 乾

宋平江城坊攷卷二

九

隆元和志俗名西燒香橋

燒香橋巷 未見著錄

燒香橋 范盧王三志均著錄 康熙志二郎廟東南

盛家帶 盧志望門橋盛家帶

圓通庵 姑蘇志通玄菴今名圓通在東南隅宋淳熙間僧
清一建

望門橋 范盧王三志均著錄 康熙志春和橋北 同治

志今名望瑞橋

朱家橋 范盧二志均著錄 在磚橋西北今廢姑蘇志以
下不載

蟾宮橋巷 未見著錄

蟾宮橋 已堙沒今蟾宮橋近代所建後人求古蟾宮橋
址不可得被而名之者也 范盧王三志均未著錄

曹家橋巷 今醬園弄 未見著錄

曹家橋 今鷺鷥橋一名盧師橋 乾隆元和志庵橋一

名盧師橋 吳門表隱邵公祠在盧師橋已廢邵某名
失攷篤學敦行盧雍之師因名盧師其地即天賜莊一隅
或云盧師菴址 范盧二志均著錄

楊家橋 范盧二志均著錄

姜家巷 今天賜莊明韓衙前 盧志著錄

普照院前 未見著錄

普照院

章家橋 今湮沒 范盧二志著錄 吳郡金石目重

建章家橋題記在望門橋東南小橋柱上正書只存
重九日章府一力重建數字年月無考章氏源流詳

中吳紀聞

普照院東巷 未見著錄

雙紅橋 范盧二志著錄 元和志清安橋俗名紅橋

疑即此

折桂橋南巷 未見著錄

宋平江城坊攷卷二

十一

折桂橋 吳郡志紹興二十七年建 姑蘇志東城下

營橋巷 盧志著錄

營橋 今壽星橋 范盧王三志均著錄 盧志引續吳

郡志歲有橋在營橋東平糴倉前淳祐中知府魏峻建
案在本圖後故未載 又平糴倉在營橋東淳祐五年

魏峻以壯城廢營改剏趙與書額提舉常平鄭霖記

又壯城指揮熙寧八年樞密院奏置元豐三年五月

勅壯城兵士大城五十人小城三十人專充修城不許

招揀實別軍分大觀元年御筆帥府置壯城兵士四百

人列郡三百人依元豐法制政和三年因陳元弼奏帥

府列郡沿邊量數增置崇寧五年五年置壯城指揮

又作院指揮元額一百人熙寧元年與壯城並隸工部

康熙志百獅子橋望信橋北 攷本圖此橋尙在其

北故爲今壽星橋無疑而百獅子橋則明以前不見於

志乘嘉靖十六年沛人彭年所撰重修百獅子橋銘序

云吳水國也故橋梁之利與焉府城之中殆不勝紀其
雄駕通渠橫絕康莊新名古額播諸志冊者三百有一
至若六閩以外四封之內猶未盡列可見百獅子橋向
不見於志營橋決非百獅子橋也

望營橋 今廢 范盧王三志均著錄

佐家橋巷 未見著錄

佐家橋 范盧二志均著錄 姑蘇志游僊橋南 康熙志

壽星橋東側

報恩院

石匠巷 盧王二志均著錄 姑蘇志雙塔寺東因有石作居

此故名 同治志游仙涇橋東北

游仙涇橋 范盧王三志均作游仙橋 康熙志訛仙境橋

同治志吳王橋北

吳王橋 吳郡志未著錄盧志引續志在雙塔寺東 姑蘇

志後周廣順二年建

宋平江城坊攷卷一

十一

折桂橋北巷 今與折桂橋南巷統稱長街未見著錄

顧庭橋 吳郡志作顧亭 姑蘇志端平二年建 康熙志

東營門口 吳門表隱顧亭橋在獅子口宋顧亭居此亭

至孝其母磨豆爲業有宿孽當天譴林酒仙憐而救免後

皈佛傾其資獨建此橋

東禪寺 吳地記明覺禪院在縣東南一里半唐大中五年

置 吳郡圖經續記明覺禪院在長洲縣東南俗所謂東

禪者晉開運中有僧遇賢姓林氏嘗以酒肉自縱酒家或

遇其飲則售酒數倍於他日世號曰酒仙而能告人禍福

必驗與符治疾者必痊建隆二年來居是院創佛屋修路

衢無慮用錢數百萬雖稱丐於人而人不知其所從得者

蓋其容似靈巖智積聖者而每與人符以神僧爲識或謂

爲後身其塑像今在院中 姑蘇志東禪教寺在萬壽寺

東南吳赤烏間陳丞相宅因池中生瑞蓮遂捨爲寺名鎮

國院唐大中間勅改東禪明覺寺宋異僧遇賢號林酒仙

者嘗居之元至正間燬洪武間重建

東禪寺西橋 今名寺橋 范盧二志均著錄 姑蘇志泰

明橋東禪寺西

南胡家橋 范志著錄 盧志南胡家橋在放生池 姑蘇

志延壽橋放生池頭疑卽此 吳門表隱葑門內放生池

地名浮墩一阜突起池中宋熙寧時曹倬建醒心亭於其

上傍有雙松甚靈建炎兵欲伐之忽隕石如雨乃止 盧

志醒心亭熙寧間曹倬履中所葺在葑門裏有土阜對峙

水中雖巨浸弗沒因號浮墩後避諱改名浮邱相傳此地

昔有雙松竦然參天建炎狄難有隕兵欲伐之隕石如雨

今放生池卽其地也

官太尉橋巷 未見著錄 今唐家巷 康熙志唐家巷其

東爲季衙前今孟子祠堂前 同治志明千戶唐岳所居

因名唐家巷

官太尉橋 范盧王三志均著錄 本圖失繪

宋平江城坊攷卷一

十一

夾城巷 姑蘇志東禪寺前 案盧熊志隸夾城巷於吳縣

列果子巷水糴巷之間而姑蘇志明言夾城巷東禪寺前

豈東西城各有一巷故謂之夾城歟

盡市橋巷 王志著錄

吳承議橋 范志著錄 盧志官太尉橋東

盡市橋 范志著錄 盧志萬壽寺東 康熙志苑橋南側

今名興市橋

白蜆橋巷 姑蘇志著錄 盧志作白蜆巷 康熙志作白

蜆子巷

白蜆橋 范盧王三志均著錄 康熙志盡市橋西

王判司巷 卽壽寧寺巷今名定慧寺巷其東今名雙塔寺

前 盧王二志均著錄 吳門表隱宋雍熙中判司王文

罕建雙塔並捨田五百八十畝今祀文罕爲伽藍神兄弟

三人並有象其墓在寺內東隅塚甚高人不取近其地本

名王判司巷

萬歲院 吳地記壽甯萬歲院在縣東一里半唐咸通二年改爲般若院 圖經續記壽寧萬歲禪院在長洲縣東南唐咸通中州民感楚等建爲般若寺至道九年勅賜御書四十八卷二年改今額吳地志郡中有般若臺內有金銅象高一丈六尺高士戴顓所製訪之未得其遺迹此寺舊名般若殆是歟 吳郡志壽寧萬歲院在長洲縣東南舊羅漢院也寺有二塔對峙俗名雙塔寺 姑蘇志雙塔禪寺在城東南隅唐咸通中州民感楚建初名般若院吳越錢氏改羅漢院宋雍熙中王文罕建兩磚塔對峙遂名雙塔至道初賜御書四十八卷改壽寧萬歲禪院紹熙中爲提舉常平祝聖道場提舉徐誼嘗給以常平田雍熙中重建釋妙思記永樂八年僧本清重建 盧熊志壽寧寺在今縣治東北卽壽寧萬歲院也舊名爲羅漢院寺有二甎塔對峙人因稱之爲雙塔寺 吳郡金石目吳郡壽寧萬歲禪院記紹熙改

宋平江城坊攷卷二

三

元仲春日日當山住持傳法蒙衲妙思記初寺緣由甚詳備郡人鄉貢進士經炳文隸書 又雙塔寺公據碑給於慶元元年六月寶慶元年六月住山師哲跋而刻於紹熙壽寧萬歲禪院記之陰皆正書在寺東壁 又袁簡肅僧普華詩碑紹定五年二月簡肅詩行書普華跋正書在雙塔寺錢氏跋尾載之 寶鐵齋金石文字跋尾雙塔寺石柱題字在大殿東西兩柱雕縷精工徧刻人物花草爲人摩挲其光可鑑東柱下蓮花瓣內題名云宋寧男居厚卿陳文炳捨錢壹百貫置柱保安家眷莊嚴福慧廿四字四行行六字正書西柱下鐫捨錢壹百貫文足一行正書無年月姓名與東柱題名出一人之手楷法端勁有顏柳風骨相傳爲雍熙中王文罕建塔時所立似屬可信 馮志金石門壽寧萬歲禪院給常平田記龔頤正撰紹熙三年在雙塔寺 按吳郡志著錄雙塔寺前橋本圖失載姑蘇志作雙塔寺橋

定慧寺 圖經續記定慧禪院本萬歲之子院祥符中別

改今額內藏御書歲得度僧一人雅爲叢林唱道之所

吳郡志定慧寺在萬歲院之西本子院也祥符中改

賜今額 盧熊志定慧寺在壽寧寺西宋祥符中賜今

額 姑蘇志定慧禪寺在雙塔寺西初名西方院本雙

塔之子院也天禧中賜今額始貳於雙塔宋僧卓契順

常居此卽訪東坡於惠州者元季兵燬洪武中僧景新

惠澤先後重建

葉家巷 盧王二志均著錄 姑蘇志望信橋西

胭脂橋 吳郡志胭脂作臘 盧王二志均著錄 康熙志仙

境橋西側 石志金石門胭脂橋題記云嘉定十五年二

月重建 吳郡金石目在馬津橋東南側題橋柱按胭脂

橋橋闌題字亦極挺秀當亦嘉定原題

妙湛寺 吳郡志妙湛尼寺在提舉常平司之東寺舊有塔

兵燹後王歧公之孫女慈明大師者募衆重建 盧熊志

宋平江城坊攷卷二 四

妙湛尼寺在今縣治東南路 姑蘇志妙湛寺在長洲縣

東五代錢元璩施園池建名優婆夷寺宋開寶間建七塔

建炎兵燬紹興初王歧公孫女爲尼於此號慈明大師者

重建今呼爲七塔寺元王都中母張夫人普明亦居此

案盧熊志府城圖作七塔寺

光孝觀 盧志靈順行祠嘉定二年有自婺源刻象來者附

祀於光孝觀大集香社以迎之專祠由之嗣興今在盤門

裏朱家園者名上善庵嘉熙四年重建正殿後又建華光

閣於米行者名如意庵咸淳十年始廢經閣改建神殿淳

祐初四月四日八日遞迎兩廟神像過北寺迨暮以燈燭

迎歸自此歲以爲常而臺閣百戲集焉遂以鐙市相誇至

用琉璃鎖鍊神象車輦在昔未有燈片組繪妙絕一時

姑蘇志靈官廟舊名靈順行祠 戒菴老人續吳郡志光

孝觀在南倉橋之東宋嘉定間建

望信橋 望新橋石刻云望信橋迺姑蘇東南隅之要津於

紹定己丑孟冬上澣吉日鼎新畢工孟權院方縣丞則勸緣其人也以譽高鄉里樂然助之衆金宣義季御幹諸公弗悞捨錢由是□日而成姑識歲月以效昔人題柱云題名後云右願□□□□□□□□壽次願橋之東西南北住人子孫昌盛□□□□紹定二年□月□□日修造道者張□□具 范盧王三志均著錄 康熙志葉家巷東 吳郡金石目顧衙復泉井題記紹定三年十二月正書在葑門內望信橋邊

積慶寺巷 今嚴衙前 盧志未著錄 姑蘇志善教橋北 康熙志積慶寺前巷今名嚴衙前積慶寺後巷今名張家巷

唐家橋 范盧王三志均著錄 姑蘇志清邁橋唐家橋同在七塔寺前案在望信橋西 寶鐵齋金石文字跋尾治平元年王一娘造橋記云當州長洲縣東吳鄉唐家橋東居住清信女弟子王氏一娘并男金守暹守良

宋平江城坊攷卷二

五

捨裝匱貨賣同建造石橋一座正書十二行行十字字徑寸許在虎邱同善堂火神殿壁間

清道橋巷 盧志著錄 今名東街 吳郡金石目施判司宅修井題記淳祐七年臘日正書在葑門內東小橋南地名東街

清道橋 今東小橋 范盧王三志均著錄 康熙志在南倉橋東

積慶院 盧熊志積慶寺在今縣治之東北 姑蘇志積慶禪寺在善教橋北宋開寶八年郡人盛氏捨宅建僧法翬開山紹興間賜額元季兵燬洪武初僧普照永樂中僧永宗戒坦相繼重建

迎風橋巷 未見著錄

迎風橋 范盧王三志均著錄 康熙志望信橋西側董家橋 范盧二志著錄在東小橋南姑蘇志以後不載

孔夫子巷 盧王二志均著錄

孔聖坊 吳郡志南倉橋南 盧志按續記云舊有夫子

廟在此景祐中方割南園立學俗稱孔夫子巷嘉泰初

遂以名坊 雲麓漫鈔今平江府亦有孔夫子巷蓋崇

觀間興三舍於此建長洲縣學後罷舍法學亦廢今基

址如故地則歸臨安裴氏目為孔夫子巷嘉泰改元郡

立坊名不知考此遂榜為孔聖坊

孔聖坊巷 今鳳皇街 未見著錄

繡衣坊巷 今西街 未見著錄

南倉橋 范盧王三志均著錄 康熙志永定橋東

繡衣坊 吳郡志南倉橋北 祥符圖經吳地記古坊著錄

甫橋 范盧王三志均著錄 康熙志濂溪坊西

胡書記巷 盧王二志均著錄 姑蘇有橋故名 案俗呼

胡書記橋街

胡書記橋 范盧王三志均著錄 康熙志竹堂寺東

宋平江城坊攷卷二

六一

楊園 盧志楊和王府在和令坊 又金天王廟在府治

東楊和王賜第園中昔人於廟傍土中得斷碑有金天

王三大字下又有沈傳師兼御史大夫時祕書鄉貢進

士十餘字字徑二寸許按唐初華山神為金天王傳師

蘇人也

楊園橋 明正覺寺香花橋今皇宮橋 吳郡志盧志作

楊府院子橋 姑蘇志作楊家院子橋 康熙志香花

橋竹堂寺前明萬曆八年建

樂營堂巷 盧王二志均著錄 盧志宋紹興中知州賈青

造樂籍堂於此今訛為樂營堂巷

槐樹巷 盧王二志均著錄 姑蘇志正覺寺前

和令坊 吳郡志楊郡王府前 盧志槐樹巷楊和王府前

按楊存中追封和王諡武功或云因此名坊非也 姑蘇

志和令坊槐樹巷唐末舊有名紹興初楊存中居此追封

和王亦先兆也 吳中舊事郡治之東有和令坊今名槐

樹巷或以爲楊和王存中所居而然非也按圖經在唐季已有此名紹興初楊始籍爲園垂三十年楊方進封和國雖事偶合亦先兆也

晉寧坊巷 盧志未著錄 姑蘇志草橋西南

蔣家橋 范盧二志均著錄 姑蘇志東蔣家橋竹堂寺西

案近志訛金鼓橋或鎗架橋 又棠巷疑卽盧志所稱

蔣巷 審按蔣家橋題記殘字云都勸緣造石橋施主安

所稱都料吳承祿者疑出一人所造

提舉司 吳郡志提舉常平茶鹽司在子城之東廳事東有

小池上有假山旁曰壺中林壑米友仁書池南北有亭南

曰揚清北曰草堂廳事之西有宸翰閣亦友仁書額廳東

北曰宣惠堂廳後曰黃花堂廳之東側曰頤齋齋後圃中

曰望雲堂紹興三十年楊和王子俊持節時作爲思親也

池旁曰繡春堂淳熙十五年史彌正建徐康記 宋史職

宋平江城坊攷卷二

官志提舉常平司掌常平義倉免役市易坊場河渡水利之法視歲之豐歉而爲之斂散以惠農民凡役錢產有厚薄則輸有多寡及給吏祿亦視其執役之重輕難易以爲之等商有滯貨則官爲斂之復售於民以平物價皆總其政令仍專舉刺官吏之事熙寧初先遣官提舉河北陝西路常平未幾諸路悉置提舉官元祐初罷之併其職於提點刑獄司紹聖初復置元符以後因之 又提舉茶鹽司掌摘山煮海之利以佐國用皆有鈔法視其歲額之登損以詔賞罰凡給之不如期鬻之不如式與州縣之不加恤者皆劾以聞中興以後通置提舉常平茶鹽司掌常平義倉免役之政令其後常平錢多取以贍軍所掌特義倉水利設法振濟等事茶鹽司置官提舉本以給賞鈔引通商阜財時訪所部州縣巡歷覺察禁止私販按劾不法其屬有幹辦官既與常平合一遂並行兩司之事也 盧志嘉熙中趙崇暉重勅草堂揭以繡春堂額池中鑑止亭乃史

彌遠所作咸淳四年宋遇再建後堂十年權使事潛說友重剏廳事前後益新視昔益宏麗矣署址即舊鹽香衙也

晉寧坊 吳郡志濠股口

驅鬼橋巷 盧志作十郎巷

驅鬼橋 范盧王三志均著錄 康熙志作多貴橋云在

十郎巷東口

儒達巷 今洞橋浜 康熙志馬津橋東 乾隆元和志今

名洞橋浜 盧志未著錄見姑蘇志

洞橋 范盧王三志均未著錄 康熙志甫橋西側

司馬巷 今訛司長巷 盧王二志均著錄 康熙志馬津

橋西

篠橋 范盧王三志均著錄 康熙志俗名竹篠橋馬津

橋西 寰宇訪碑錄竹篠橋斷碑正書無年月止存下

截砌入城內

馬津橋 范盧王三志均著錄 俗訛馬宗橋 康熙志

宋平江城坊攷卷二

六

甫橋西

逍遙巷 康熙志今甫橋浜姑蘇志著錄本圖失繪

濠股巷 盧王二志均著錄

沙糕橋 范盧王三志均著錄 康熙志以下不載疑廢於

明季兵亂

竹堂寺

賢至橋 吳郡志作至橋 盧志在濠股上熙甯四年五月

建 案橋下宋元修建題刻猶存文曰大宋熙甯四年辛

亥七月望日清河張安募眾緣建造都料吳承祿大元至

正二年二月吉日社長吳讓募緣重建都料吳文興造

閻橋巷 盧王二志均著錄 俗呼東巷曰紅衣子巷西巷

曰梗子巷

閻橋 吳地記圖經范盧王三志均著錄 盧志林家院

子張家院子並在閻橋 吳郡金石目閻橋題字曰開

禧元年三月重修 姑蘇志延祐乙卯夏重建 盧志

氏族門閭氏姬姓武王封泰伯曾孫仲奔於閭鄉因以爲氏又云王子生而有文在手曰閭康王封於閭城今蘇州有閭橋

子城後巷 未見著錄

子城後橋 吳地記著錄 吳郡志以下失載 盧志引

圖經有城西門橋本圖未載疑卽金母橋之重出

尤橋 吳郡志盧志均著錄 姑蘇志草橋邊

巡轄司 盧志宋咸平二年興復唐制而天下郡邑之吏

皆得職田以供祭祀慶歷定制數亦如之自知府事而

下至縣官兵官各有差巡轄司五十二石七斗四升

宋史職官志職田慶歷中詔限職田有司始申定其數

巡轄馬遞鋪監堰并縣鎮砦監當並視本縣簿尉紹興

間懼其不均則詔諸路提刑司依法標撥仍先自簿尉

始若其頃數多寡具有成式巡檢滿萬戶縣簿尉巡轄

馬遞鋪等三頃滿五千戶縣簿尉巡轄馬遞鋪等二頃

宋平江城坊攷卷二

九

五十畝不滿五千戶縣簿尉巡轄馬遞鋪等二頃 又

巡檢司下江河淮海置捉賊巡檢及巡馬遞鋪巡河巡

捉私茶鹽等各視其名以修舉職業皆掌巡邏幾察之

事

草橋 祥符圖經吳地記范盧王三志均著錄 康熙志

篠橋西

遷善坊 吳郡志草橋 姑蘇志草橋頭

慶善橋 吳郡志以下均不載

天王堂 吳郡志天王堂在子城西北隅雖一小廟蓋大

屋也建炎狄難盈城宮室悉爲煨燼而此堂巋然獨存

郡人至今敬之

十梓街 未見著錄

平橋 吳地記作州前平橋 祥符圖經作府前平橋 吳

郡志作平橋 姑蘇志子城前元大德間建

城隍廟 吳郡志春申君廟在子城內西南隅卽城隍神廟

也 盧志去今長洲縣西北二百步舊城隍神祠也唐天寶十載採訪使趙居貞修廟立碑碑陰有梁貞明五年刺史錢傳璟重修題名存焉神自宋始封忠安王嘉泰三年張巖以祈晴有應奏請四年正月勅書封忠安順應王嘉定九年十年旱蝗相繼祈禳有感因沈皞之請八月加威顯二字以十一年春正月勅書至郡官僚合伎樂自驛亭奉迎入廟垂日之旦有慶雲或丹或黃華采粲麗狀如龍鱗鳳羽紛郁輪困凝結逾時邦人咸覩以爲嘉祥寶祐三年八月勅書加封英濟遂爲忠安順應威顯英濟王 姑蘇志祀楚黃歇也唐天寶十載郡守趙居貞重修自唐以來祀爲城隍神今廢惟東城土社神猶稱春申君云

積善坊 吳郡志府治西

吳會坊 吳郡志府治東

祥符圖經古坊著錄吳地記無

吳中舊事府署之南名吳會坊按後漢蔡邕傳亡命江海遠跡吳會注引會稽高遷亭竹椽爲笛事又諸葛亮說

宋平江城坊攷卷二

荆州形勢曰東連吳會王羲之爲會稽內史時朝廷賦役繁重吳會尤甚石崇論伐吳之功曰吳會僭逆指言孫氏則吳會當是吳郡與會稽猶言吳越也蓋不獨謂姑蘇今坊名吳會未知何據而然前漢吳王濞傳上患吳會輕捍卽吳郡會稽也

平江軍府署 吳地記平江軍太平興國二年錢氏改號

盧志昔府治按越絕書云今太守舍者春申君所造後殿屋以爲桃夏宮今宮者春申君子假君殿也太守府大殿者秦始皇刻石所起至更始元年太守許時燒六年十二月乙卯鑿官池東西十五丈七尺南北三十丈又傳吳宮至秦猶存守宮吏以火視燕窟遂火焉遺跡雖無存者其地則未聞或改也漢朱買臣載其故妻到太守舍置園中給食之卽此地也蓋古之諸侯有三門外曰皋門中曰應門內曰路門因其門以爲三朝朝之後有三寢曰正寢一曰燕寢二自罷侯置守各殊制損然猶存其槩今之子城

門古之皋門也戟門古之應門也便廳門古之路門也大廳古之外朝也宅堂古之路寢也蘇爲東南大州地望優重自唐乾寧元年刺史成及建大廳宋初爲節度使治所嘉祐間王公君玉新作是廳選材鳩工閔敞甲諸郡陳祠部天常作子城門樓觀甚偉面大廳之前戟門之後廊廡卑陋不稱且甲仗架閣二庫卑濕蒸潤戎器簿籍或材弊文朽不可用又高麗人來朝過郡郡有燕勞則隘不能容其從者皆坐於廊廡元豐六年太守章公謀於轉運使得羨錢二百萬文又以公使助之於是易以修廊覆以重屋二樓對立樓各八楹木章必精陶埴必良吏無容姦工各獻巧費省而工速明年春落成又修戟門薦之高於舊三尺由是自臺門至於府廷棟宇相副輪焉奐焉不陋不奢無以加也先是張刑部太初作山陰堂蔣密直治後諸亭及瞰野亭見山閣呂光祿建按武堂蔡祕閣子直置射臺裴校理如晦立飛雲閣韓度支子文植怪石二於便廳後

榜曰介軒及晏大夫處善菴故亭於城之西北隅號曰月臺皆所以資游覽也吳之黃堂聞於郡國自唐以來又多勝槩建炎兵火靡有孑遺紹興初上將駐蹕平江先命漕臣於平江府治營造宮室合用之物並從和買不許科擾於民又命按視簿籍三年行宮成四年移幸七年三月詔賜守臣復爲府治承平時每歲春首修飾諸亭縱民游翫以示同樂之意 宋史職官志紹興駐蹕臨安遂正稱安撫使置知府一員通判二員簽書節度判官廳公事節度推官觀察推官觀察判官錄事參軍左司理參軍右司理參軍司戶參軍司法參軍各一員本府籍其戶口均其賦役頒其禁令城內外分南北左右廂各置廂官以聽民之訟訴廂官許奏辟京朝官親民資序人充後以臣僚言罷城內兩廂官惟城外置焉嘗按高宗嘗駐蹕平江故平江官制幾與臨安府埒若次府官制則通判僅一人而已又諸府置知府事一人州軍監亦如之掌總理郡政宣布

條教導民以善而糾其奸慝歲時勸課農桑旌別孝悌其賦役錢穀獄訟之事兵民之政皆總焉凡法令條制悉意奉行以率所屬有赦宥以時宣讀而班告於治境舉行祀典察郡吏德義材能而保任之若罷軟不任事或姦貪冒法則按劾以聞遇水旱以法振濟安集流亡無使失所姑蘇志元初江南置浙西軍民宣撫司後改爲平江路總管府府官皆居外私宅聽訟決遣則完會治所至正末張氏據此爲太尉府及敗縱火焚之惟存子城南門耳門今稱鼓樓上置十二辰牌按時易之

設廳 吳郡志設廳皇祐中李晉卿以兵部員外郎守郡嘗修大廳蔣堂爲記敘廳之所始甚詳今題名逸李姓名晉卿是其字也後嘉祐中王琪以知制誥守郡始大修設廳規模宏壯假省庫錢數千緡廳既成漕司不肯除破時方貴杜集人間苦無全書琪家藏本讎校素精卽俾公使庫鏤板印萬本每部爲直千錢士人爭買之富室或買十許

宋平江城坊攷卷二

三

部旣償省庫羨餘以給公廚兵火之後紹興三年郡守宋伯友更建今廳高宗皇帝巡幸嘗以爲正衙制度差雄盧志設廳卽黃堂也唐乾寧元年刺史成及建大廳皇祐五年李仲雍修之嘉祐中王琪新作是廳規制宏壯紹熙元年袁說友紹定五年鄒應博皆重修之相傳設廳舊爲燕犒將吏之所謂之旬設故公廚亦曰設廚後樓寶祐四年重建

小堂 宅堂

東齋 吳郡志思政堂舊名東齋紹興三十年郡守朱翌建隆興間郡守沈度更名復齋紹熙三年郡守沈揆更今名自書扁榜 盧志新志云草堂卽舊東齋高宗駐蹕時燕射於此紹興末朱翌新此爲天臨堂未幾去任故堂不果各自爲記文亦弗暇刻後守乃名復齋

西齋 吳郡志雙瑞堂舊名西齋紹興十四年郡守王暎建前有花石小圃便坐之佳處紹熙元年長洲有瑞麥四歧

及後池出雙蓮郡守袁說友葺西齋以雙瑞名堂以識嘉祥 盧志嘉定十三年又改思政至寶祐中作新堂於其地因併廢焉 姑蘇志王喚字顯道華陽人太師岐國公珪之孫也爲秦檜妻之兄或云妻弟紹興中知郡事時兵火之餘公署學校靡不興葺又錄入城小舟出必載瓦礫以培塘人以爲便石之碎者積而焚之以泥官舍不賦於民而用有餘其規爲多可取者然峻於聚斂用刑尤酷嘗於黃堂前鎔錢鑄大士像而人不敢言每刺鹿血入熱酒飲之疽發背死

生雲軒 盧志知樂亭卽舊生雲軒也在古池光亭東池旁端平中張嗣古改立郡人周虎書額淳祐初廢

坐嘯齋 吳郡志坐嘯齋在四照亭南紹興二十七年郡守蔣璨建並書額

秀野亭 吳郡志秀野亭在坐嘯齋西紹興三十一年郡守洪遵建

宋平江城坊攷卷二

四照亭 吳郡志四照亭在郡圃之東北紹興十四年郡守王喚爲屋四合各植花石隨歲時之宜春海棠夏湖石秋芙蓉冬梅 盧志慶元四年趙不難會客其中因問名亭所自席間有新銅陵主簿閩人姚行簡對曰山海經云招搖之上其花四照及華嚴經云無量寶樹普莊嚴華嚴成輪光四照又云光雲四照常圓滿今亭四面見花故以此爲名耳趙令人閱視信然遂大稱賞贈遺甚厚見負暄野錄紹定中亭廢

齊雲樓 吳郡志在郡治後子城上紹興十四年郡守王喚重建兩挾循城爲屋數間有二小樓翼之輪奐雄特不惟甲於二浙雖蜀之西樓鄂之南樓岳陽樓庾樓皆在下風父老謂兵火之後官寺草創惟此樓勝承平時樓前同時建文武二亭淳熙十二年郡守邱密又於文武亭前建二井亭 盧志齊雲樓在郡治後子城上相傳卽古月華樓也吳地記云唐曹恭王所造白公詩亦云改號齊雲樓蓋

取西北有高樓上與浮雲齊之義據此則自樂天始也故其詩云欲辭南國去再上北城看治平中裴煜建爲飛雲閣政和五年秋重作齊雲樓成紹興十四年王暉重建兩挾嘉定六年陳芾十六年沈皞嘉熙二年史宅之並重修有記

逍遙閣 吳郡志逍遙閣在舊凝香堂後蓋取韋應物逍遙池閣涼之句此閣舊觀復堂也逍遙額郡守蔣燦書後守韓彥古欲更名乃除去舊額而迄不果更名 盧志嘉定六年廢

瞻儀堂 吳郡志舊在廳事之東紹興三十一年郡守洪遵建吳俗貴重太守來者必繪其象春秋則陳於齊雲樓之兩挾令吏民瞻禮至是洪公恐爲風日所侵故作此堂藏之紹熙三年郡守沈揆始遷諸象於後園舊凝香堂中并其名遷焉范成大記 盧志慶元二年鄭若容圖于壁間而以舊象度之閣上樓鑰爲記嘉定六年陳芾并撤堂後

宋平江城坊攷卷二

十四

廢閣廣而新之陳振爲記寶祐五年趙與簾重建視昔有加端平三年四月張嗣古奉安章應物王仲舒白居易劉禹錫范仲淹五賢像于此清波雜志云王顯道守吳遣騎之常州寫真於孫仲益併復齊雲舊觀孫謝之云嘗讀國史錢惟演作樞密直學士題名記黜寇萊公爲逆準不書時祭齊斥其妄如覲無狀乃肯收之按魏曹休祖父嘗爲吳郡太守休後見壁上祖父畫象乃下榻涕泣則繪事益後世已然矣

觀德堂 吳郡志在教場唐西園地也紹興二十一年郡守徐琛建西又有射亭 盧志引新志云觀德亭在西教場紹定二年李壽朋拓教場隙地移建此亭於南舊木蘭堂基之西後更名閱武

教場 吳郡志西園在郡圃之西隙地直子城甚表唐謂之西園今以作教場 盧志引新志云木蘭堂在西園凌風臺後池南卽其故址寶慶間猶存紹定二年闢教場始鉏

治之

木蘭堂 吳郡志木蘭堂在郡治後嵐齋錄云唐張搏自湖州刺史移蘇州於堂前大植木蘭花當盛開時燕郡中詩客卽席賦之陸龜蒙後至張聯酌浮之龜蒙徑醉彊執筆題兩句云洞庭波浪渺無津日日征帆送遠人頽然醉倒搏命他客續之皆莫詳其意既而龜蒙稍醒援毫卒其章曰幾度木蘭船上望不知元是此花身遂爲一時絕唱按舊堂基在今觀德堂後古木猶森列郡守數有欲興廢者而卒未就承平時堂近有治平二年郡守陳經所刻御書飛白字碑揭於木蘭堂之新閣上今不復存 盧志木蘭堂又名木蘭院白刺史有寄題木蘭西院詩今以州宅後堂名之蓋紹熙中修故事所揭范成大書額

平易堂 吳郡志在小廳東挾紹興間郡守蔣璨立自書扁榜淳熙五年郡守單夔易以隸書 盧志後改熙熙又改葵軒

宋平江城坊攷卷二

壹

西樓 吳郡志西樓在子城西門之上唐舊名西樓後更爲觀風樓今復舊紹興十五年郡守王喚重建二十年郡守徐琛篆額下臨市橋曰金母橋亦取西向之義喚初落成郡人競獻詩以進士耿元鼎所賦爲最 盧志後以市醞久弊淳祐中魏峻始大修之取白公詩表其下曰柳橋槐市且自賦詩後守恐其復廢撥錢椿添俸廳以俟異日修葺之助及黃萬石改作如臨安豐樂之制繪事一新邦人爲之改觀 姑蘇志續圖經云元微之寄白樂天詩云弄潮船更曾觀否望市樓還有會無注云望市樓蘇之勝地今觀風樓爲近市殆卽此耶

作院 宋史兵志十一器甲之制其工署則有南北作坊院有弓弩院諸州皆有作坊皆役工徒而限其常課南北作院歲造塗金脊鐵甲等凡叁萬二千弓弩院歲造角靶弓等凡千六百五十餘萬諸州歲造萬樺黑漆弓弩等凡六百二十餘萬又南北作坊及諸州別造兵馬甲袋梭衫等

什物以備軍行之用 吳郡志作院在教場西乾道四年郡守姚憲建

公使庫 公使酒庫 吳郡志公使庫公使酒庫並在設廳東 盧志公使庫諸道監司州軍皆有之取民以佐廚傳之費然正賜錢不多而著民許收遺利故州郡得以自取江浙諸郡酒歲遣中都官凡五六至至必數千瓶淳熙中尚書王仲行守郡與祠官范至能胡長文厚一飲之費卒至數千緡又有公使醋錢諸郡立額自取於屬縣縣斂於民以輸之小邑一歲不下數千緡人尤以爲怨

軍資庫 吳郡志軍資庫在儀門東 盧志軍資庫在大廳東南續志云在儀門東紹定五年鄒應博重建先是紹興中詔錄事參軍專監通判提舉簿書並同簽

府院 吳郡志府院在譙樓東 宋史職官志諸曹官舊制錄事參軍掌州院庶務糾諸曹稽違 盧志府院在子城內東南隅廳事西有蘭亭堂紹興十一年錄事參軍吳芾

宋平江城坊攷卷二

五

所作陳之茂記乾道五年吳公自太平移守南昌被旨入對過吳訪舊題詩於壁錄參王康彥入石重刻前記爲此廳感事紹熙元年趙景度刻石題名芾諡康肅公祥符圖經云州院在州衙內東偏

四酒務 吳郡志在平橋南初郡有酒務四合而爲一故名曰四酒務 宋史食貨志下七酒類政和二年淮南發運副使董正封言杭州都酒務甲於諸路治平前歲課三十萬緡今不過二十萬請令分務爲三更置比較務務毋增官吏兵匠仍請本路諸郡並增務比較從之四年兩浙轉運司亦請置務比較定課額釀酒收息以增虧爲賞罰詔酒務官二員者分兩務三員者復增其一員雖多毋得過四務內有官雖多而課息不廣者聽如舊 盧志四酒務在夏侯橋南酒務在子城正南一百二十步見祥符圖經

醫院 盧志安養院在州鈐廳後舊曰醫院提舉林介建改今名寶慶二年八月陳耆卿爲記 吳郡金石目安養院

記寶慶二年八月天台陳耆卿記正書卽刻於紹興酬唱詩之陰

路鈐衙 吳郡志在子城內府西樓下東偏 宋史職官志
總管鈐轄司掌總治軍旅屯戍營房守禦之政令凡將兵
隸屬官訓練教閱賞罰之事皆掌之守臣帶提舉兵馬巡
檢都監及提轄兵甲者掌統治軍旅訓練教閱以督捕盜
賊而肅清治境凡諸營各籍賞罰之事皆掌之大觀三年
詔東南帥府總管依三路都總管法靖康元年詔四道副
總管並通差文武臣其諸路將官掌統所隸禁旅副將爲
之貳若屯戍守邊則受帥司節制

路分廳 吳郡志在路鈐衙南 宋史職官志路分都監掌
本路禁旅屯戍邊防訓練之政令以肅清所部州府以下
都監皆掌其本城屯駐兵甲訓練差使之事資淺者爲監
押紹聖三年詔諸路將副序位在路分都監之下大觀三
年詔帥府無路分鈐轄望路無路分都監者許置一人其

宋平江城坊攷卷一

七

餘添置處任滿不差人建炎初分置帥府以諸路帥臣兼
要郡守臣帶兵馬鈐轄次要郡帶兵馬都監並以武臣爲
之副稱副總管副鈐轄副都監許以便宜行軍馬事遇朝
廷起兵則副總管爲帥副鈐轄都監各以兵從聽其節制
紹興三年詔要郡次要郡守臣罷帶兵職其逐路副總管
依舊格改充路分都監爲一路掌兵之官其各州鈐轄或
省或置不一又有逐路兵馬都監兵馬監押掌煙火公事
捉捕盜賊

簽判廳 吳郡志簽判廳在儀門西 宋史職官志簽書判
官廳公事掌裨贊郡政總理諸案文移斟酌可否以白於
其長而罷行之凡員數多寡視郡小大及職務之繁簡初
政和改簽書判官廳爲司錄建炎初復舊凡節度推判官
從軍額察推及支使從州府各凡諸州減罷通判處則升
判官爲簽判以兼之凡要郡簽判及推官皆堂除餘吏部
使闕二廣間許監司辟差 盧志舊名都廳宣和間以懷

安軍奏今尚書省公相廳名都廳乞將本軍都廳以簽廳
爲名遂詔諸路倣此淳熙十三年重建廳西有勤繼堂木
待問命名范成大書額石如壩撰記及有前後題名三記
府判東廳 西施洞吳郡志通判東廳在郡治之西紹興九
年通判白彥惇建介菴舊在郡圍後入通判廳今菴亦廢
廳西有琵琶泉小邱嵌巖曰西施洞皆傳爲往迹泉清冽
可釀酒淳熙十一年通判魏仲恭葺洞門作捧心亭今更
名舞雪 宋史職官志宋初懲五季之弊乾德初置諸州
通判建隆四年詔知府公事並須長史通判簽議連書方
許行下時大郡置二員餘置一員州不及萬戶不置武臣
知州小郡亦特置焉南渡後設官如舊入則裁政出則按
縣有軍旅之事則專任錢糧之責既而諸州通判有兩員
處減一員凡軍監之小者不置又詔更不添差其後或以
廢事請或以控扼去處請五年以後漸添置之除潭廣洪
州鎮江建康成都府見係二員外凡帥府判官並以兩員

宋平江城坊攷卷一

夫

爲額餘置一員 盧志成淳五年葉隆禮重修正堂曰敬
簡又有風月堂蔡塏復於廳事西新作光風霽月堂郡人
王桎書額

府判西廳 吳郡志通判西廳在城隍廟後依子城東南角
城上有小樓見西山名湧翠 盧志通判西廳在城隍廟
後依子城西南隅淳熙十六年施邁始立石題名嘉熙初
翁逢龍重修知府王遂爲記逢龍又有足清堂種書堂詩
景定五年趙與鑑撰續題名記淳祐三年謝堂作屏星堂
吳邃爲記城上有湧翠樓取西山爲名

節推廳 吳郡志節推廳在通判東廳之西 盧志節度推
官廳嘉定三年重建廳事西有小軒舊扁曰省文書改名
冰壺 文獻通考宋朝沿五代之制兩使置判官推官各
一人

察推廳 吳郡志察推廳在平橋南 盧志觀察推官廳祥
符圖經云在州衙門內西偏後遷子城南隅紹熙間於平

橋南舊酒庫改爲之嘉泰三年呂伯闇重修有記紹定二年呂祖恣撰題名記

司理院 吳郡志司理院在譙樓西 盧志司理院在子城內西南隅紹熙元年李直方刻石題名寶慶三年提刑林介司理章巽亨建廳後正堂曰清安軒曰盡欽廳東舊有軒曰甘竹改名務平按李莊簡公奏疏云朱勗展南宅以奪司理院則非舊處明矣或爲今院乃政和所遷雖與李疏合但今獄庭有塔浮屠中乃葛繁所記作熙寧己酉歲二年似與前說不同祥符圖經今移在子城外西南隅文獻通考五代以來諸州皆有馬步獄以牙校充馬步都虞侯掌刑法謂之馬步院宋太祖慮其任私高下其手開寶六年始置諸州司寇參軍後改爲司理掌獄訟勘鞫之事不兼他職

提幹廳六 吳郡志提點刑獄司幹辦公事廳在東廳後宋史職官志提點刑獄其屬有檢法官幹辦官又提舉常

宋平江城坊攷卷一

无

平其屬有幹辦官 盧志有超然堂北齋淳熙十年葉適在任賦詩開禧初陸子虞葺之及剏題名記寶慶三年趙時侑再新之嘉定尉趙希迈記 吳郡志常平司幹辦公事廳二一在檢法廳之北一在郡樓之西 盧志幹辦公事廳一在檢法廳北有東齋嘉定十六年沈省曾刻石題名一在郡樓西後改添差幹辦廳 吳郡志茶鹽司幹辦公事廳一在醋庫巷一在郡樓之東 盧志茶鹽司幹辦公事廳一在醋庫巷惠民藥局東有仁博堂一在譙樓之東後改發運司簽廳

司戶廳 吳郡志司戶廳在府院西 宋史職官志戶曹參軍掌戶籍賦稅倉庫受納 文獻通考乾道六年汪大猷乞令司戶專差主倉庫 盧志在府院西慶元二年重建廳西小圃有翫花池采香徑秀芳亭飛雲閣廳東有小山亭曰小蓬瀛池北有長嘯堂皆建人袁申儒所葺治並自撰題名記又鄭霖撰壁記

司法廳 吳郡志在平橋南 宋史職官志司法參軍掌議
法斷刑 文獻通攷紹興三年權行減罷後復舊 盧志
舊在子城內後以平橋南舊醋庫爲之紹定三年趙汝渠
重建並書額廳事之後有便坐東曰雲舍取狄梁公白雲
青舍之意西曰賦梅用何法曹故事也劉平國撰記

提刑司 吳郡志提點刑獄司在烏鵲橋西北紹興元年建
廳事後曰明清堂堂後小園種竹有亭曰留客曾逮創逮
父文清公幾命名且作詩徐戴題額乾道九年諸路添置
武提刑一員遂於舊司之東撤去幹官廳宇以其他作東
廳比年省罷使者來從其便而居焉 宋史職官志提點
刑獄公事掌察所部之獄訟而平其曲直所至審問囚徒
詳覆案牘凡禁繫淹延而不決盜竊逋竄而不獲皆劾以
聞及舉刺官吏之事熙寧六年置諸路提刑司檢法官紹
興初兩浙路以疆封闊遠差提刑二員乾道六年詔諸路
分置武臣提刑一員須選差公廉曉習法令民事之人如

宋平江城坊攷卷二

三

無聽闕其後稍橫遂不復除八年用臣僚言諸路經總制
錢委提點刑獄官督責 盧志浙西提刑使司在烏鵲橋
西北建炎四年置

檢法廳 吳郡志檢法官廳在提刑司東 盧志檢法官廳
在本司前紹定五年重建廳東便坐曰毋不敬池北有堂
曰肖野乃寶祐中新作淳祐二年陳价八年趙希覲再有
題名記 宋史職官志熙寧六年置諸路提刑司檢法官
鈐轄廳 吳郡志州鈐轄在狀元坊內 宋史職官志崇寧
四年置輔郡屏衛京師以大中大夫以上知州置副總管
鈐轄各一員知州爲都總管案平江爲南渡後陪都故其
制與北鄰四輔同

惠民局 盧志太平惠民藥局在醋庫巷慶元元年建
使馬院 盧志兵馬都監廨舍在州衙東偏按本圖已移西
偏

南省馬院 盧志兵馬監廨舍在州衙西偏有二所見祥符

圖經

北省馬院 見上

監酒廳 吳地記都酒務在子城南二十步 案吳地記係據祥符圖經著錄北宋制也盧志田賦門職田下有監贍軍酒庫一職疑即此 宋史職官志監當官掌茶鹽酒稅場務征輸及冶鑄之事諸州軍隨事置官其征權糧務歲有定額歲終課其額之登耗以為舉刺凡課利所入日具數以申於州

宣詔亭 頌春亭 吳郡志二亭紹興十四年郡守王喚建知信州吳說書額

土地廟

柴巷 盧王二志均著錄 姑蘇志子城下埒越絕書云小城門三皆有樓其二增水門其一增柴路今呼為柴巷 府前直街 未見著錄

衰繡坊巷 盧王二志均著錄

宋平江城坊攷卷二

三十一

船場橋 范志著錄 盧志張林浜 案盧王二志均著

張泥金浜巷疑即此泥金切吟字音與林為疊韻

衰繡坊 吳郡志烏鵲橋北以參知政事元絳所居得名

盧志續記云太子少保元絳宅在帶城橋公嘗參大政引年歸老是邦知州張祐因以命名 吳郡志元絳字厚之居帶城橋天聖五年進士屢典大藩以文章政譽名一時神宗欲選翰苑之才王荆公曰有真翰林學士恐不能用爾遂自外召入翰林未幾參知政事詳在國史後以太子少保致仕還吳中與程公闢諸公為九老會鄉人號其居曰衰繡坊卒年七十餘有玉堂集三十卷

醋庫巷 按本圖醋庫巷在富仁坊巷中攷盧志司法廳以平橋南舊醋庫為之是知醋庫巷乃舊醋庫也 吳門表隱乘鯉橋井闌石刻文有長洲縣上元鄉醋庫巷面南居住守吉州助教駱鎬淳祐戊戌三月開井字按吳郡金石

目駱鎬作郭鎬醋庫巷作醋芳巷均誤 宋史食貨志七
下酒類崇甯二年知漣水軍錢景允言建立學舍請以承
買醋坊錢給用詔常平司計無害公費如所請仍令他路
準行之初元祐臣僚請罷權醋戶部謂本無禁文後翟思
請以諸郡醋坊日息用餘悉歸常平至是景允有請故令
常平計之大觀四年又詔諸郡別遣倉官賣醋毋得越郡
城五里外凡縣鎮村並禁其息悉歸轉運司舊屬常平者
如故審按據此則醋庫以儲醋醋坊以賣醋今醋坊橋則
當年賣醋地也 盧志成齋在醋庫巷郡人黃雲爲鄉先
生授弟子經時所名也寧宗在嘉邸大書以賜其子由俾
以授雲雲字景祥時爲淮西總所酒官淳熙八年由魁天
下郡守遂立狀元坊

狀元坊 吳郡志醋庫巷黃由所居淳熙八年黃由魁天
下郡守韓彥質以表其閭

醫院前 未見著錄 今西瓦升巷

宋平江城坊攷卷二

十一

公孫巷

姑蘇志烏鵲橋東北 康熙志平橋南

永安橋 今西小橋 吳郡志小博橋在倉司前 盧志

小博橋慶元中改名永安橋 姑蘇志小博橋一名

永安在倉司前 乾隆元和縣志訛作永定橋

倉街巷 盧志南倉在子城西久廢但存倉街巷云按姑

蘇志倉場門作倉巷

瓦升巷 今東瓦升巷 未見著錄

宋平江城坊攷卷三

西北隅

大街 見前

鐵瓶巷

盧志箸錄

姑蘇志在西市坊口

康熙志在西

市坊內昔有仙人枕鐵瓶臥此故名

黃省曾鐵瓶篇仙

人飄飄自何至紺髮方瞳紫霞氣金瓶貯酒醉枕之玉山

傾倒干將市時人不識謂凡流轉眼飛空那可求鼓琴知

坐白羊石嘯月還應黃鶴樓此瓶昔把玄邱去至今猶記

仙人處吳王宮西碧草春千年空自思飄輪 吳門表隱

鐵瓶在仁德坊東唐初有仙曾作枕臥所遺明義夫馬蓉

家藏後歸金氏近屬汪氏內有鐵瓶書屋

西市橋 吳郡志及盧志姑蘇志均作西市門橋 按西

市橋在鐵瓶巷利市橋尚在少北康熙志以後均與利市

橋誤合為一

西市坊 吳郡志西市坊鐵瓶巷

盧志西市坊即西市

宋平江城坊攷卷二

門紹定二年重立

姑蘇志西市坊鐵瓶巷口即梅福所

隱西市門

穀市橋 祥符圖經吳郡志盧志著錄

姑蘇志鐵瓶巷

內 康熙志鐵瓶巷口

康王廟巷 今仁德里一名仁德坊

盧王二志均著錄

康熙志市曹橋北

周康王廟 盧志周康王廟在吳縣市曹橋正北嘗浚

河得唐建廟碑載基址甚廣即為居民所壞 姑蘇

志或云晉隋間嘗戮人於市曹橋因立康王廟取成

康幾致刑措意其廟宋後益傾圮天順初里人吳孟

融重建

永定寺巷 未見著錄

永定寺

吳地記永定寺梁天監三年蘇州刺史吳郡

顧彥先捨宅置陸鴻漸書額

吳郡圖經續記韋蘇

州罷郡寓居永定殆此寺耶舊在長洲界後於永定

鄉安仁里 吳郡志永定寺在吳縣西南前梁所置
章應物游永定寺北池僧舍密竹行已遠子規啼
更深綠池芳草氣閒齋春樹陰晴蝶飄蘭徑游蜂遶
花心不遇君攜手遂復此幽尋 盧熊志永定寺在
今縣治東建於前梁唐刺史章應物嘗題咏之於此
姑蘇志永定講寺在吳縣東南唐乾符間賜今額
章應物罷郡寓居寺中故多賦咏初寺在閶門北景
福五年始遷於此天福中更名普慈元僧聲九皋作
海印堂又取章應物詩語作間齋元末燬洪武中重
建 又章應物洛陽人貞元初自左司郎中爲蘇州
年五十餘在郡與秦系邱丹顧况釋皎然相酬唱罷
官後寓居永定精舍 陶齋藏石記宋開禧二年胡
六八將仕井闌題記恭入普慈教寺十六觀堂常住
開井一口案姑蘇志官署門吳縣至正末張氏遷於
永定寺後十六觀堂舊基則十六觀堂當在永定寺
中

宋平江城坊攷卷二 二

脩竹巷 盧志未著錄 姑蘇志尙書巷故吳文定公所
居舊名脩竹 案今名尙書里

利市橋 吳郡盧王三志均著錄在鐵瓶巷口少北案
舊志多誤合於西市門橋

鵝闌橋 范盧王三志均著錄 乾隆吳縣志尙書里
口利市橋北

彈子巷 盧王二志均著錄 案在尙書里北
鴨舍橋 范盧王三志均著錄 案在今彈子巷口

嘉魚坊巷 盧志未著錄 姑蘇志俗名孫織紗巷
楊舍橋 本圖有橋無名 范盧王三志未著錄 康

熙志楊舍橋琵琶橋南 案在嘉魚坊巷東口
濟川橋 吳郡志著錄 盧志濟川橋孫織紗巷 姑

蘇志嘉魚坊巷內
嘉魚坊 祥符圖經吳地記古坊著錄 吳郡志魚行

橋西 盧志紹定二年重立

光盪巷 今廢 盧王二志均著錄 姑蘇志黃土塔橋

南 攷本圖在古琵琶橋西今糜都兵巷孫織紗巷間

有室街一是其遺址土人云俗稱光盪子巷以許蘊子

巷顯子巷例之或古名也 吳郡志丁晉公師老郁光

生居光盪巷 琵琶橋 范盧王三志均失載 康熙志鞞鞋橋南

糜都兵巷 盧王二志均著錄案在光盪巷北同治志兵

作賓誤 盧志糜弄字伯升溧子師旦孫其先胸人端

平初監無為軍襄安鎮實濡須要衝三年北兵益張弄

習射訓兵修器械立旗幟軍容士氣一新知軍丁仁以

三鄉民兵俾弄總統提舉羅愚薦於朝嘉熙二年以吳

射發策弄即所閱歷數陳知貢舉游似異之擢進士第

差行在豐儲西倉斛面譏察官淳祐初北兵至通州時

議以防江為急弄上五事後知安慶府境有嘉穀之瑞

父老為立生祠轉朝議大夫封吳縣開國男卒年七十

七 石志集福庵在西北隅糜都兵巷宋嘉定間僧智

明建 宋淳祐庚戌集祥里人井泉題記集祥里黃土

塔橋南糜都兵巷云云 鞞鞋橋 吳郡志以下著錄作鞞鞋橋 盧志小平橋

東 乾隆吳縣志吳縣東橋南 按集韻小兒履謂

之鞞廣雅釋訓鞞鞞行也當以鞞鞋為長

小平橋巷 未見著錄今慶元坊 案府前有平橋故縣前

稱小平橋 祥符圖經著錄作吳縣前橋 吳郡志著錄

盧志吳縣前橋今各小平橋 姑蘇志小平橋醫學前

百花巷 見盧志疑即今金太史場

絲行橋 吳地記吳郡志著錄 盧志絲行橋百花巷

口 康熙志小平橋南 同治志今訛為私行

諸先生巷 今訛查先生巷 盧王二志均著錄在小市橋東

北俗又訛官宰街 盧志氏族門諸姓音遮後漢洛陽令諸
施吳郡人今吳郡有此氏

丁家橋 吳郡志盧志均著錄 姑蘇志西橋東嘉定六年
建 康熙志吳縣西橋東南

永定寺後橋 范盧王三志均失載 康熙志小市橋側
乾隆吳縣志小市橋東側

道堂巷 盧志著錄

褚家巷 今馬醫科 姑蘇志著錄作流化坊巷云在吳縣
治東 盧志吳縣治雍熙寺菜圃官與之互換以褚家巷
爲雍熙寺砧基

流化坊 吳郡志吳縣東 盧志紹定二年重立
縣東橋 吳地記祥符圖經吳郡志盧志均著錄 姑蘇

志吳縣東橋流化坊內舊吳縣治于此
縣西橋 吳地記祥符圖經吳郡志盧志均著錄 姑蘇
志吳縣西橋宣和元年建

宋平江城坊攷卷三

吳縣 吳郡志吳縣在府治之西二里廨宇紹興二年知
縣蔣結建縣門淳熙十二年知縣趙善宣重建并書額
廳之西有平理堂無倦堂堂之西有延射亭天聖七年
知縣徐的建亭之南北各有小山山有小亭南曰松桂
北曰高蔭皆淳熙五年知縣趙不忿建吳令壁記二范
成大又爲續記一世代氏姓猶可攷云 宋史職官志
縣令建隆元年令天下諸縣除赤畿外有望緊上中下
掌總治民政勸課農桑平決獄訟有德澤禁令則宣布
於治境凡戶口賦役錢穀振濟給納之事皆掌之以時
造戶版及催理二稅有水旱則有災傷之訴以分數蠲
免民以水旱流亡則撫存安集之無使失業有孝悌行
義聞於鄉里者具事實上於州激勸以勵風俗若京朝
幕官則爲知縣事有戍兵則兼兵馬都監或監押 盧
志宋縣治在府治西北二里秦漢時故治在子城東北
打急路橋之東唐分州城東南地置長洲縣與吳分治

遂移今所縣基本雍熙寺菜圃官與之互換云

縣丞廳 盧志丞廳在縣門內東隅 宋史職官志縣丞初不置天聖中因蘇耆請開封兩縣始各置丞一員在簿尉之上仍於有出身幕職令錄內選充皇祐中詔赤縣丞並除新政官人熙寧四年編脩條例所言諸路州軍繁劇縣令戶二萬以上增置丞一員以幕職官或縣令人充元祐元年詔應因給納常平免役置丞並行省罷如委事務繁劇難以省罷處令轉運使存留崇寧二年宰相蔡京言熙寧之初修水土之政行市易之法興山澤之利皆王政之大請縣並置丞一員以掌其事大觀三年詔昨增置縣丞內除舊額及萬戶以上縣事務繁冗及雖非萬戶實有山澤坑冶之利可以興修去處依舊存留外餘皆減罷建炎元年詔縣丞係嘉祐以前員缺并萬戶處存留一員餘並罷紹興三年以淮東累經兵火權罷縣丞十八年置海陵丞一員嘉定後小邑不置丞以簿兼

宋平江城坊攷卷二

五

主簿廳 盧志祥符圖經云在縣廨東今在丞廳之後

宋史職官志開寶三年詔諸縣千戶以上置令簿尉四百戶以上置令尉令知主簿事四百戶以下置簿尉以主簿兼知縣事咸平四年王欽若言川陝縣五千戶以上請並置簿自餘仍以尉兼從之自後川蜀及江南諸縣各增置主簿中興後主簿掌出納官物銷註簿書凡縣不置丞則簿兼丞之事凡批銷必親書押不許用手記仍不許差出以防銷註

斑竹巷 盧志著錄斑訛班姑蘇志不誤 康熙志雍熙寺西橋東堦轉南

周武狀元巷 今郡廟前 盧志未著錄見姑蘇志

雍熙寺東橋 今狀元橋 吳郡盧王三志均著錄 姑

蘇志周武狀元坊口

武狀元坊 吳郡志慶元二年周虎爲廷魁以名坊在雍

熙寺之東 盧志吳周公瑾宅在雍熙寺西故井猶存
按漢建安三年孫策爲瑜治第於吳今猶云周將軍巷
宋太尉周虎所居遂改爲武狀元坊 又武狀元坊周
將軍巷吳周瑜故宅雍熙寺東今周虎所居慶元二年
立紹定二年重立

雍熙寺 今郡廟址 吳地記雍熙寺在縣北十步梁天
監二年置舊名流水水法等寺後於雍熙中失火燒燬
遂改今名流水寺吳郡陸襄捨宅置三殿三樓高僧清
閒建吳郡縣令田業伯業書額 盧熊志雍熙寺在今
縣治東北舊名法水寺舊有方塔今廢 吳郡圖經續
記雍熙寺在吳縣北故傳郡人陸氏捨宅以置號曰流
水舊有三殿三樓高僧清閒所建也雍熙中改今額寺
之子院三曰華嚴曰普賢曰泗州皆爲講教之所 吳
郡志雍熙寺舊法水寺有方塔燬於兵燹至今未能復
姑蘇志雍熙寺在城武狀元坊內本周瑜故宅梁爲

陸襄太守宅天監二年捨以爲寺僧清閒開山名法水
寺唐僧壁法重建宋始改今額元燬洪武初以其地爲
城隍廟僧廣宣乃卽城隍廟左重建洪武歸併寺觀隸
吳縣八都黃蘆寶壽教寺

普賢院 疑卽今寺基 盧志學道書院宋咸淳五年知
府趙順孫度武狀元坊北普賢子院故址未成去

廣惠廟 在今華嚴寺左近 道光志在雍熙寺東祀烏

城祠山神張大帝宋慶元三年建莫子純記 姑蘇志

祠山廟在雍熙寺東 吳郡金石目平江府新建廣惠

行祠記慶元四年六月朔日莫子純記孫應時正書並

篆額在郡城城隍廟 案顧廣圻思適齋集答葉紉之

論廣惠廟碑書烏城當作烏程 吳郡金石目張真君

行祠免賦府帖石刻咸淳六年七月行書後及書寫典

級等銜及姓而不署名又張真君行祠免苗稅記下已

斷與上及廣惠行祠碑俱葉紉之訪得亦列銜及姓

雍熙寺後橋 吳地記吳郡志盧志著錄姑蘇志以後不載今廢

雍熙寺巷 未見著錄 寺直南今神道街

雍熙寺西巷 未見著錄

雍熙寺西橋 今郡廟橋 吳地記祥符圖經吳郡志

盧志姑蘇志均著錄 康熙志周武狀元巷口

芝草營巷 盧志著錄 今范莊前

文正范公之坊 吳郡志范家園 盧志范家園雍熙寺

後 姑蘇志普濟橋東文正書院前成化間郡守邱霽

配立義澤坊徐有貞書 又范家園在雍熙寺後范周

無外所居有石刻三大字郡守李大異書後移置文正

公書院之右 又宋范文正公祠在義宅之東即文正

書院也天平山有忠烈廟蓋公先祠此則專祠公而諸

子配焉宋咸淳十年知府潛說友奏建自元及今皆因

之祝文曰學冠天人才兼文武義敦九族名垂千古

宋平江城坊攷卷二

七一

芝草營橋 吳郡志盧志著錄 姑蘇志文正書院東

案今誤芝草營橋

普濟橋 祥符圖經吳地記吳郡志盧志著錄 姑蘇志

文正書院西

蒲菱巷 盧王二志均著錄 按橋名蒲老則巷名於古當

亦為蒲老

蒲老橋 吳郡志盧王二志均著錄 盧志氏族門蒲氏

本出山陽有蒲中行者元祐間為臺官論列蘇軾不學

無術收買私鹽時多薄之建炎南渡占藉吳中弟安行

嫁趙不衰 康熙志蒲老巷內

艇船橋 吳地記作艇 吳郡志盧志著錄 姑蘇志方

廣橋側 乾隆吳縣志作錠 道光志即行善橋案俗

訛定善橋

雙林巷 盧王二志均著錄 案在蒲菱巷北

六通橋 吳郡志盧王二志均著錄 康熙志六通橋雙

林巷口 乾隆吳縣志雙林巷內

安民橋 吳郡志盧志均著錄 吳郡金石目安民橋題

記正書三行十五字云淳熙十三年七月初六日重建

安民橋 姑蘇志石馬匯 姑蘇志冢墓門梁朝公主

墓在乘鯉坊即傳法尼寺後大土邱也相傳梁武帝女

出降郡人孫暘寺其故宅也尙祀之稱爲妙嚴公主寺

西路百步許河濱有石馬號石馬匯即其神道

艾家巷 盧志著錄 姑蘇志作盍簪坊巷

盍簪坊 祥符圖經吳地記古坊中著錄 吳郡志張馬

步橋北 姑蘇志張馬步橋

艾家橋 吳郡盧王三志均誤文家橋 康熙志艾家橋

盍簪坊巷內 案乾隆吳縣志作盍簪坊巷西雅石馮

均沿其誤

崇利橋 范盧二志均著錄 姑蘇志與盧提刑德慶二

橋連俗稱三條橋 乾隆吳縣志安民橋北

宋平江城坊攷卷二

八

德慶坊巷 姑蘇志著錄今砂皮巷

德慶橋 范盧王三志均著錄 乾隆吳縣志艇船橋北

盧秉奉親居吳表德慶坊故又有德慶橋康熙庚寅橋

石中斷職方司章豫獨力營造加以崇欄廣砌堅緻完

厚侍講彭定求爲撰碑記 吳郡金石目重建德慶橋

題記嘉定壬午八月甲申在橋內正書 吳郡志盧秉

父革本德清人舉神童慶歷之後累監司有聲請郡自

效神宗嘉其恬退未幾告老累進太子賓客官制行累

改通議大夫退居於吳年八十二今盧提刑橋因其宅

以名其家遂爲吳人秉皇祐元年進士元豐中爲發運

使父革退老於吳秉每歲上計必請還鄉省侍後帥涇

原懇辭歸養手詔慰勉時以爲榮

德慶坊 吳郡志禪興寺橋西 盧志祥符禪興寺橋西

直龍圖閣盧秉奉其親年八十餘故以表坊紹定二年

重立

盧提刑橋 本圖有橋無名 吳地記著錄吳郡志盧革
自德清退老於吳以通議大夫致仕嘗除廣南提點刑
獄後郡人以提刑名橋子秉為發運使 盧志郡人盧
革居此嘗除廣南提刑故名 乾隆志盧提刑橋即停
雲橋在德慶坊巷明待詔文徵明居是里有館曰停雲
人慕其高風遂以名橋 康熙志停雲德慶崇利三橋
俗名三條橋

盧家橋 吳郡志盧志著錄在德慶坊巷東 姑蘇志以
下失載

開家巷 盧志著錄 吹網錄舊府志冢墓門長洲縣管
山有宋浙西總管團練使開趙墓據凌壽祺澣墅關志
謂即今開家山斷碑在山前東嶽廟壁間見拓本始知
碑係埋銘不審何年出土今城中有開家巷疑即其私
第所在 按巷在德慶坊巷中本圖無其址

甘節坊巷 未見著錄 今接駕橋巷

甘節坊 吳地記祥符圖經著錄古坊中 吳郡志承天
寺東 盧志紹定二年重立

能仁寺東橋 今訛接駕橋 吳郡志盧志著錄 姑
蘇志承天寺東橋相傳吳王屈駕於此名屈駕橋今
名闕家橋

都亭橋南河沿 未見著錄

都亭橋 祥符圖經吳郡志著錄 吳地記都亭橋壽夢於
此置都驛招四方賢客基址見存 吳郡圖經續記在吳
縣西北故傳吳王壽夢嘗於此作都亭以招賢士 盧志
陸續於都亭賦民饘粥疑即此地 姑蘇志承天寺西
本圖東南有小塔

桑園巷 盧志著錄 姑蘇志在承天寺前 按今俗訛桑
葉巷

能仁寺前橋 范盧二志失載 姑蘇志著錄作承天寺前
橋

能仁寺後橋 范盧二志著錄 姑蘇志以下不載

能仁寺水陸院 寶幢院 福昌院 普賢院 圓通院

吳郡圖經續記承天寺在長洲縣西北二里故傳是梁時陸僧瓚故宅因覩祥雲重重所覆請捨宅爲重雲寺中誤書重玄遂名之韋蘇州登寺閣詩云時暇陟雲構晨霽澄景光始見吳都大十里鬱蒼蒼山川表明麗湖海吞大荒卽此寺也錢氏時又加繕葺殿閣崇麗前列怪石寺中有別院五曰永安曰淨土禪院也曰寶幢曰龍華曰圓通教院也所謂寶幢者舊曰藥師院昔有錢唐僧道贊者作紫檀香百寶幢覆以殿宇翰林晁承旨與當時諸公凡二十三人爲之贊云又有聖姑廟蓋梁時陸氏之女吳人於此祈有子頗驗 吳地記重玄寺梁衛尉卿陸僧瓚天監二年日暮見住宅有瑞雲重重覆之遂奏請捨宅爲重雲寺臺省誤寫爲重玄賜額大梁廣德重玄寺 吳郡志能仁禪寺在長洲縣西北二里卽梁重元寺入國朝爲承天寺

宋平江城坊攷卷二

十一

庭列怪石相傳護王立前有二土山中有銅無量壽佛象高丈餘宣和中禁寺觀橋梁名字以天聖皇王等八字改今額孫覲有能仁寺重鑄鐘銘 盧熊志能仁禪寺在今縣治東北梁時衛尉卿陸公僧瓚捨宅以建初名重玄寺至宋初改爲承天宣和中又改爲能仁寺俗傳有二異石於庭前因改爲雙峨前有二土山中有銅無量壽佛高丈餘後至順間寺燬於火至正間復一新之詳見太史黃潛記寺內有福昌寶幢圓通三小寺 姑蘇志承天能仁禪寺在府治北甘節坊元並存故額稱承天能仁今因之又名雙峨寺以寺前有二土阜也或云舊有二異石故名寺有無量壽佛銅像及盤溝大聖祠靈祐廟萬佛閣寺屢燬至元間僧悅南楚重建黃潛鄭元祐記至正末張士誠據以爲宮尋復爲寺僧綱司在焉宣德十年尙書周忱建賜經閣尋燬 案五子院名圖經續記著錄與此微有不同同治志福昌卽舊永安圖經續記永安禪院在承天垣中

舊號彌勒院太宗朝以藏經鏤板本有餘杭道房禪師者
詣闕借版印造景德又以太宗御製四表及新譯經一十
四表並賜之道原歸藏於此院大中祥符八年又編修景
德傳燈錄以進勅賜今額每歲度一僧姑蘇志福昌寺在
寺內本寺之子院舊名永安宋寶元間僧道昇建舊有正
偏知間高宗書扁圓通寺在寺內亦子院也宋元豐二年
僧淨梵建築以水陸疑即淨土龍華疑即普賢而黃潛記
則云析其地爲寶幢永安龍華廣福四院久之復歸於一
尋又別立圓通禪院於其後而分立寶幢永安兩教院於
其前五子院之源流可考見者如此

報恩寺前街 未見著錄

西石塘橋 今駱駝橋 見吳郡志盧志姑蘇志 康熙志

西石塘橋報恩寺西

立義坊巷 未見著錄

立義坊 吳地記祥符圖經著錄長洲古坊中 吳郡志

宋平江城坊攷卷二

十一

北寺西 盧志紹定二年重立 姑蘇志臥佛寺西

朱司徒廟 馮志朱司徒廟在官庫巷明洪武八年知府

王興宗建築疑重建或云即漢循吏朱邑勅封靈蹟司

者也

單家橋 吳郡盧王三志均著錄 康熙志單家橋在石

塘橋西

曹使橋 范盧王三志均著錄 乾隆志在單家橋北

盧志曹豳字西士瑞安人嘉泰二年進士歷祕書丞出

爲浙西提舉常平陳和糴折納之弊建虎邱書院以

祀尹焯移浙東提刑台爲左司諫與王萬郭磊卿徐清

叟俱負直聲時號嘉熙四諫卒諡文恭

鴻橋 吳郡志以下均不載案即今西校場街橋吳地記

有鴈門橋乃梵門橋之又名非此橋也

北營巷 未見著錄

威果六十五營 吳郡志營寨門禁軍威果第六十五指

揮 宋史兵志禁軍熙寧以後之制下宣毅一百七十四兩浙路蘇一熙寧三年十二月兩浙路杭二越潤蘇各一皆改威果 吳地記宣毅第十九指揮在州西南三里二十步 盧志威果第六十五指揮元額四百一十人在報恩寺西

全捷營曲 未見著錄

全捷第二十一營 吳郡志營寨門禁軍全捷第二十一指揮 宋史兵志禁軍下全捷中興後置 盧志全捷第二十一指揮元額四百一十人在城西北鴻橋西

曹使橋巷 未見著錄

桃花塢街 未見著錄 姑蘇志章氏別業在閶門裏北城下今名桃花塢當時郡人春遊看花於此後皆爲蔬圃間有業種花者

崇真宮前 未見著錄

崇真宮 吳郡志崇真宮在能仁寺西宣和中爲神霄宮燬

宋平江城坊攷卷二

十一

於兵門有青石橋扶闌雕刻之工細如絲髮爲吳中橋闌之最 姑蘇志崇真宮在承天寺西宋政和八年道士項舉之開山初郡人黃悟微捨宅創建賜額崇真聖壽宮宣和中改神霄宮建炎間再改崇真廣福宮有宋宸翰二碑 吳郡金石目徽宗時賜劉旣濟手詔石刻紹興甲戌重刻行書在崇真宮又賜道士項舉之宸翰刻前碑之陰亦行書

宮橋 范盧二志著錄 姑蘇志崇真宮前青石扶闌雕刻

工巧細如絲髮爲吳中橋闌之最者 乾隆吳縣志後圯重建盡失舊制

紅橋 范盧二志均著錄 姑蘇志福濟觀東

北過軍橋 今訛曰暉橋

南過軍橋 吳地記僅著錄過軍橋一 吳郡志盧志兼載

南北二橋 姑蘇志僅著北過軍橋 康熙志橋二一在

崇真宮東各南過軍一在崇真宮後各北過軍

過軍橋巷 未見著錄 今河沿街

都亭橋巷 未見著錄 今東中市

王天井巷 盧志著錄 姑蘇志城隍廟西 康熙志雍熙寺

西北

曹家巷 案盧志列曹虞部巷於高師巷湯家巷之間疑即

此巷又顏家巷列曹家巷則今之小曹家巷也又王天井

巷後諸先生巷前亦列曹家巷豈此曹家巷外其附近復

有曹虞部巷歟又附近有劉迪功巷亦不詳所在 姑蘇

志著錄

高師巷 盧王二志均著錄

馬大錄巷 盧王二志均著錄

方廣橋 范盧二志均著錄 姑蘇志馬大錄巷口 范

志於此左近著錄翁家橋本圖失載

普濟巷 今花駁岸 康熙志普濟橋西社學在內

沈家橋 吳郡志著錄 盧志艇船橋西南 乾隆吳縣

宋平江城坊攷卷二

三一

志方廣橋南 按姑蘇志以下府志均不載

倪巷 今義巷 康熙志范莊前 按姑蘇志列東北隅盧

志附近復有石家泥巷不知當以何者為準俟攷

東百花巷 姑蘇志著錄 盧志著錄槐花巷於曹家巷下

未知即此巷否

廣書橋 范盧王三志均著錄 康熙志雍熙寺橋西側

席家橋 范志著錄 盧志普濟橋西南 姑蘇志失載

康熙志東百花巷口

清嘉坊巷 未見著錄 案其北今名中街路 盧志吉祥王

廟在西中街路景定間因瓦塔而剝神姓劉也 姑蘇志吉

祥菴在中街路即猛將堂

清嘉坊 吳郡志朱明寺橋北 盧志陸士衡詩云土風清

且嘉紹定二年重立 姑蘇志朱明寺西

通濟巷 盧志未著錄 案疑即盧志之劉迪功巷 今名

宋筦帚巷亦名宋仙洲巷 吳門表隱宋仙洲巷陸廣文

沈宅內井闌石刻文有紹興二年□□義井願百一娘子
早生淨土十五字附陸準案語云宋時民家產亡必開井
以資冥福云

虎蹲橋 范盧二志均著錄 姑蘇志湯家浜一名通濟

乾隆吳縣志華嚴寺西

十九勝巷 令三茅觀巷 盧志著錄 姑蘇志作仁風巷

又三茅觀在中街路仁風坊內

仁風坊 吳郡志十九勝巷 盧志陸士衡詩泰伯導仁

風紹定二年重立

純孝坊巷 今包衙前 盧王二志均著錄 案坊嘉熙中

吳潛建以表里人刮心療母病者故本圖闕如

徐家橋 范盧王三志均著錄 盧志黃牛坊橋北 康

熙志虎蹲橋南 今訛包衙橋

王洗馬巷 姑蘇志著錄 盧志未載

仰家橋 范盧王三志均著錄 康熙志朱明寺橋北

宋平江城坊攷卷三

四

姑蘇志高參政宅參政名定子蜀人賜第在仰家橋一

云在朱明寺橋後有敬身堂魏鶴山銘 氏族譜仰汝

南宮音今吳興新安常有此姓案宋有仰仁謙吳興人

明史虞謙傳附仰瞻長洲人疑吳中之仰自吳興移來

吳門表隱三家村在平江路北張士誠時止存仰胡

沈三姓聚族死守婁門 又仰家莊在葑門外明大理

仰瞻所居

錢附馬橋 祥符圖經吳郡志盧志均著錄 姑蘇志五

代楊行密女歸錢元璩故名 康熙志徐家橋南

鳳皇橋 吳郡志盧志均著錄 姑蘇志以鳳皇鄉爲名

康熙志仰家橋西案今廢其北有鳳皇街

西百花巷 姑蘇志著錄 盧志作百花巷

朱明寺後橋 或景德寺後此橋適在二寺之間本圖著

錄作寺後橋故不能確定吳郡志不載祥符圖經著錄

朱明寺中橋或卽此

朱明寺前 未見著錄

朱明寺 吳地記晉隆安二年郡人朱明孝義立身而家大富與弟同居聽其妻言樹壞宅欲棄兄異居明知弟意乃以金帛餘粟盡給與弟唯留空宅忽一夕狂風驟雨悉吹財帛還歸明宅弟與妻羞見鄉里自盡明乃舍宅為寺號朱明寺 吳郡志作朱明尼寺 盧熊志朱明尼寺在今縣治東南

景德寺前 未見著錄

景德寺 吳地記景德寺在縣西北一里三十步晉咸和二年獻穆公王珣弟珉舍宅建 吳郡志景德寺在黃牛坊橋東寺有廢塔未復 盧熊志景德寺在今縣治北黃牛坊橋之東 姑蘇志景德寺晉隆安中僧法雲建本王珣故宅元楊載本朝姚廣孝俱有記 又王珣宅在日華里今景德寺也其別墅在虎邱

楊家橋 范盧王三志均著錄 康熙志錢附馬橋南

宋平江城坊攷卷二

五

華家橋 吳郡志盧志均著錄 姑蘇志黃牛坊橋東

康熙志黃牛坊橋側

黃牛坊橋 祥符圖經吳地記吳郡志盧志均著錄 姑蘇志莫詳其始皇祐五年重建 康熙志西成橋北

今 訛黃鸞坊橋 吳郡金石目義泉景定甲子上谷重修在郡城內黃牛坊橋西巷內十廟前八角井上正書寰宇訪碑錄黃鸞坊橋題記正書無年月 葉夢得避暑錄話朱伯原吾鄉里其居在吾黃牛坊第之前有園宅幽勝號樂園與林樞密子中尤厚善紹聖間力起為太學博士遷秘書省正字卒

湯家巷 姑蘇志皋橋東側有湯家浜 盧志氏族門宋有道

人湯惠休正元道人湯靈澈宋州刺史湯柔並吳人

陸侍郎巷 未見著錄

朱明寺橋 古名般若橋 吳郡志般若臺在吳縣西二里晉穆侯何準舍宅置東北角有般若橋時人呼作朱明寺

橋是也 吳郡金石目須菩提像碑戊辰歲王澣作行書
字徑二寸許紹興□辰吳門妙□正書字徑八九分碑在
朱明寺妙應龍興寺僧事詳吳中舊事當即其文 又天
台五百尊者圖碑在朱明寺右邊上題姑蘇朱明寺五字
左邊上題東晉永和元年正月十一日立十一字正書徑
六七分玩其字體乃後代妄人續刻此即須菩提像碑之
一面据吳中舊事亦妙應所刻 按本圖所繪處今名水
潑粉橋姑蘇志所謂沈垸粉橋也朱明寺橋尚在其北疑
本圖有誤抑亦沈垸粉於古爲朱明寺橋而今朱明寺橋
爲後人補建者歟攷姑蘇志稱仰家橋朱明寺橋同在中
街路沈垸粉橋乃在清嘉坊南似本圖實有誤繪然吳郡
志盧志均不著錄沈垸粉橋則不可解矣

陸侍郎橋 吳地記吳郡志著錄 盧志陸侍郎橋吳郡續
志云郡人陸慶所居陳天嘉中召爲散騎侍郎不就 康
熙志三太尉橋南 吳郡志陸慶郡人少好學通五經尤

宋平江城坊攷卷二

明左氏春秋節操甚高仕梁爲婁令陳天嘉中召爲散騎
侍郎不就永陽王爲吳郡太守聞其名欲與相見辭以疾
王微服穿壁觀之曰陸君風神凝峻殆不可測嚴君平鄭
子真何以尙茲慶後築室屏居以禪誦爲事故傳經授業
者鮮焉

吳殿直巷 盧志著錄 姑蘇志小市橋北宋吳感所居因
名 吳郡志吳感字應之以文詞知名天聖二年省試第
一九年中書判拔萃科仕至殿中丞子純文行亦高鄉人
目曰吳先生 盧志紅梅閣在小市橋天聖中殿中丞吳
感所居感字應之有姬曰紅梅因以名閣又作折紅梅詞
傳於一時王琪知歙州應之以此詞寄之末句云有花堪
折勸君須折琪答詩云山花冷落何堪折一曲紅梅字字
香楊元素本事集誤云侍郎蔣堂小鬟號紅梅吳作詞贈之 蔣希曾亦
有吳殿丞新葺兩園詩有云深鎖煙光在樓閣旋移春色
入門牆其後閣爲林少卿家所得 按巷在小市橋西南

姑蘇志云北誤

小市橋 祥符圖經吳地記吳郡志盧志均著錄 康熙

志吳縣西橋南

烏盆橋 祥符圖經吳地記范盧王三志均著錄 康熙

志鎮撫司東北

澄虛觀 吳郡志澄虛觀在永定寺西 盧志唐曹珪使

君之宅宋開禧初重建

長春巷 盧王二志均著錄 康熙志小市橋西

慈悲橋 范盧王三志均著錄 姑蘇志吳縣東巷口

康熙志縣東陸侍郎橋南

洞橋 范盧王三志均著錄 康熙志烏盆橋北 乾隆

吳縣志烏盆橋北小市橋側

許蘊子巷 盧王二志均著錄 姑蘇祇園庵在許蘊子巷

內宋景定初僧居祐建元僧遠石泉重建鮮于樞書扁猶
存成化初僧綱永瑞及其徒文德重修里人杜瓊記按洪

宋平江城坊攷卷二

十七

武初與獅子林庵等同歸併能仁寺 康熙志在陸侍郎

橋東今名麒麟巷

鵝家橋 祥符圖經范盧二志著錄 姑蘇志許蘊子巷

口

海紅花巷 盧王二志均著錄今訛海宏坊巷 康熙志舊

吳縣西橋西側 乾隆吳縣志作海宏坊云高家橋轉西

本草綱目海紅一名海棠梨李德裕花木記云凡花木

名海者皆從海外來如海棠之類是也又李白詩註云海

紅乃花名出新羅國甚多則海棠之來自海外有據矣飲

膳正要果類有海紅不知出處此即海棠梨之實也狀如

木瓜而小二月開紅花實至八月乃熟鄭樵通志云海棠

子名海紅即爾雅赤棠也

高家橋 范盧二志均著錄 姑蘇志吳縣西橋下

樂園坊巷 盧王二志均著錄今慕家花園

樂園坊 吳郡志二太尉橋北 盧志吳越時金谷園也

知州章帖以表朱長文所居 姑蘇志清嘉坊南 吳郡志樂圃朱長文伯原所居在雍熙寺之西號樂圃坊圃中有高岡清池喬松壽檜此地錢氏時號金谷朱父光祿始得之伯原營以爲圃名德所寓邦人珍之因號其巷曰樂圃坊朱自有記 吳郡志朱長文字伯原光祿卿公綽之子公綽居鳳皇鄉集祥里園亭甚古長文擢第號其居曰樂圃時俊咸師仰之號樂圃先生米芾撰墓表略云十九歲登乙科病足不肯從吏築室樂圃有山林趣著書閱古樂堯舜道郡守監司莫不造請謀政所急士大夫過者必奔走樂圃以不見爲恥公卿薦以自代者甚衆天子賢之起爲本郡教授又召爲太學博士祕書省正字元符元年卒鄉人立祠於郡庠家徒藏書萬卷天子知其清特賜其家絹百匹 盧志其居室有樂圃堂朋雲齋歸隱橋後改招隱蒙齋詠齋邃經堂琴臺灌園亭華嚴菴墨池亭筆溪亭冽泉峨冠石鶴室

宋平江城坊攷卷二

六

釣渚見山岡西圃草堂西邱千齡檜寶幹山茶臨溪檜隔溪竹施柏花鼎足松偃柏方子通有樂圃二十咏元厚之程公闢盧仲辛三大老詩刻石存焉 盧志劉舍人震孫宅在樂圃坊西南

壽聖橋 今紅板橋 范盧王三志均著錄 康熙志華家橋南

金銀巷 盧志未著錄見姑蘇志今廢其半名半仙街

小蓮湖橋 范盧王三志均著錄 康熙志壽聖橋南 乾隆吳縣志休休菴西

龍興寺巷 盧志著錄今吳縣前

龍興寺 吳地記則天皇后置御書額八方開元五年再興此寺刺史張廷珪模勒御書於碑 吳郡志龍興寺在吳縣西南梁所置紹興間於官倉瓦礫中得房琯所撰碑韋夏卿再立者 吳郡金石目龍興寺唐斷經幢止存下截尺五六寸八面面寬四五寸正書字徑五分

在郡城內財帛司廟北間壁龍興寺內志乘失載攷郡志寺在吳縣西南梁朝置紹興中得房瑄碑今寺規模甚隘也非舊址碑亦訪之不得文載志中尙可攷耳盧熊志龍興寺在今縣治之西建於梁唐房瑄撰寺碑韋夏卿再立 姑蘇志在吳縣治西房瑄所撰碑與吳地記吳郡志所云不同 房瑄龍興寺碑序略云此龍興寺則孝和之天下諸州各建同號所以慶王業也雖棟宇已畢而裝持未嚴開元十七年天火下焚僅獲半存州將皇三從叔無言以家率先施錢數萬合境僧尼等道會一體物通十方同力來奉佛塔標吳中之巨麗實天下之景福

三太尉橋 祥符圖經吳地記吳郡志王志均著錄 盧志昔廣陵王諸子各治園第此橋之西巷蓋第三子居也 康熙志朱明寺橋南

龍興寺西橋 范盧王三志均著錄 盧志衛司門院子

宋平江城坊攷卷二

九

在龍興寺西橋北巷內 康熙志西成橋側 道光志今訛興隆橋 案吳地記著錄龍興寺橋

女冠子院橋西巷 未見著錄 今梁撫司前及其西

劉家橋 范盧王三志均著錄 康熙志縣學西側

女冠子院橋 吳地記范盧二志均著錄 姑蘇志四

天燈巷口 康熙志慈悲橋南 道光志今名女冠

子橋

太平坊 吳郡志太平橋

太平橋 范盧二志著錄 姑蘇志有太平坊皇祐五

年建

渡子橋 吳地記范盧王三志均著錄 康熙志昇平

橋東南側

四天燈巷 盧王二志均著錄今通和坊 康熙志女冠

子橋西案卽今温將軍廟前

吳趨坊巷 未見著錄

吳趨坊 吳郡志皋橋西 盧志古迹趨歌曲陸士衡有吳趨行紹定二年重立 案吳地記古坊中著錄祥符圖經無

昇平橋巷 盧志未著錄見姑蘇志案在昇平橋街東後蓮花巷北

昇平橋 范盧王三志均著錄 姑蘇志吳縣學西皇祐五年建 祥符圖經吳地記作升平均著錄 盧志企鴻軒在昇平橋越人賀鑄所居 前志誤云在醴坊橋 又有水軒其親題書籍云升平地鑄字方回嘗作吳趨曲能道吳中景物又別墅在盤門外橫塘常扁舟往來其青玉案詞云淩波不過橫塘路黃魯直詩云解道江南斷腸句至今惟有賀方回即此章也

梵門橋巷 盧王二志均著錄 案今名楊衙前西北小街名梵門橋弄

梵門橋 吳地記著錄作鴈門 范盧二志均著錄 姑蘇志黃牛坊橋西 康熙志徐胡橋南 姑蘇志要離墓相傳在今梵門橋西城下馬婆墩舊有炮座墓嘉定十六年提刑司修城此地多得古塚皆莫詳其姓氏漢書注要離塚在西伯鸞墓在北范志又云在閶門外金昌亭傍傳記不同

夏駕湖 吳地記壽夢盛夏乘駕納涼之處鑿湖爲池置苑爲園故今有苑橋之名 姑蘇志夏駕湖在吳縣西城下吳王避暑駕游於此故名今城下猶存外濠有灣亦名夏駕連運河而水浸甚廣舊產菱芡今多堙爲民居其半在城內者爲民田惟二水匯處猶存舊名吳郡志今城下但存外濠即漕河也河西悉爲民田不復有湖民猶於河之旁種菱甚美謂之夏駕湖菱云

徐大船巷 盧志作徐胡橋巷案即今劉家浜在徐胡橋側

徐胡橋 范盧二志均著錄 姑蘇志吳趨坊內 康熙志蔣家橋南

蔣家橋巷 盧王二志均著錄

西蔣家橋 范盧王三志均著錄 吳地記有蔣侍郎橋

未知卽此橋否 康熙志鄭使橋南 吳門表隱蔣家

橋在吳趨坊漢蔣漸避雖居姑蘇大皇里卽其地見樂

安家乘

鄭使橋巷 本圖有橋無巷案卽今天庫前

鄭使橋 吳郡志作使橋 盧志天聖中鄭文肅公所建

吳人以鄭嘗建奉國鎮節故稱鄭使云 姑蘇志宋鄭

戩天聖中拜奉國軍節度使卒官歸柩於吳所居有橋

名以識之 吳郡志鄭戩字天休吳人居皋橋九歲而

孤長客京師師事楊億天聖三年進士第三累歷龍圖

閣學士知開封府戩強敏善聽決假貸細民繩治豪宗

大姓流姦吏馮士元於海島執政威度程琳皆坐黜朝

議畏其皦核康定元年同知樞密院出知杭州發丁數

萬開闢西湖民賴之歷陝西四路都總管經略安撫招

宋平江城坊攷卷二

三一

討使行邊至鎮戎軍天寒與將佐置酒會塞塵起有報

西戎至者戩曰此必川兵按邊回耳非賊騎已而果然

以資政殿大學士知并州時契丹與元昊交惡邊奏互

上獨戩不以聞上問戩對戎狄相攻中國不足憂仁宗

嘗曰戩氣質英豪朕欲爲相地屢試於外尋爲宣徽北

使院檢校太保奉國軍節度使卒年六十二贈太尉諡

文肅

望雲館 吳郡志望雲館在閩門河南 盧志望雲館在

閩門裏河南紹定二年李壽朋剽相傳卽金昌亭故地

土地廟

桃花橋北街 未見著錄 今桃花橋弄

錢橋 吳郡志盧志均著錄 姑蘇志以下不載

桃花橋 范盧二志失載見姑蘇志 康熙志水倉橋西

隆興橋 吳郡志隆興元年建 盧王二志均著錄 康熙

志桃花橋北

張廣橋北街 未見著錄 今西街

張廣橋 祥符圖經吳地記吳郡志盧志均著錄 姑蘇志

皋橋下

至德坊 吳郡志泰伯廟前 盧志紹定二年重立

皋橋 祥符圖經吳地記范盧二志均著錄 圖經續記皋

橋在吳縣西北皋伯通字奉卿所居之地也伯通爲漢朝

議郎卒葬胥門西二百步號伯通墩昔梁鴻妻孟光同至

吳居伯通廡下爲人賃舂伯通察而異之乃舍之於家鴻

卒又爲之葬是可稱也哀江南賦云皋橋羈旅亦謂此

姑蘇志閶門內漢議郎皋伯通居其側梁鴻所寓也 康

熙志居民架木作屋延燬明崇禎十一年解元楊廷樞倡

議易石僧如淨董成

柳毅橋 范盧二志均著錄 姑蘇志張廣橋西毅或嘗居

此 康熙志至德廟東

至德廟 圖經續記泰伯廟在閶門內舊在門外漢桓帝時

宋平江城坊攷卷二

三

太守糜豹所建錢氏移之於內蓋以避兵亂也延陵季子

侑祠焉 吳郡志至德廟卽泰伯廟東漢永興二年郡守

糜豹建於閶門外辨疑志載吳閶門外有泰伯廟廟東又

有一宅祀泰伯長子三郎吳越錢武肅王始徙之城中纂

異記又云吳太伯廟在閶門西皮日休詩云一廟爭祠兩

讓君蓋併祀仲雍舊矣今廟在閶門內東行半里餘門有

大橋號至德橋乾道元年郡守沈度重建有修廟記 姑

蘇志宋元嘉中劉損爲郡修葺宋元祐六年黃履奏改今

額元符間制封至德侯崇寧初進封王 又糜豹東海人

爲吳郡太守永興二年建吳太伯廟嘗按行屬城問功曹

唐景風俗所尙景曰處家無不孝之子立朝無不忠之臣

文爲儒宗武爲將帥時人以爲善言 寰宇訪碑錄泰伯

廟兩浙西路提點刑獄司公據知府節制撰修史侍郎撥

田公據均正書無年月又泰伯世系圖在碑陰 吳郡金

石目泰伯廟楊簡詩碑八分書無年月簡宋史有傳 又

吳太伯廟迎享送神辭碑龔頤正撰淳祐壬子季秋望日
重刊陳信伯行書潘紀立在泰伯廟刻於重修至德廟碑
之陰

廟橋 吳地記作泰伯廟橋 圖經續記作至德橋云在泰
伯廟前以廟名也 吳郡志作至德廟橋云在泰伯廟前
以廟故名 吳縣志在至德廟前宋乾道初平江知府沈
度建明嘉靖四十二年巡按御史陳瑞重題皇甫撰記
馮志金石門至德廟橋有元祐元年八月題字
皋橋西巷 未見著錄 今西中市



宋平江城坊攷

地750.22

179.924

部=3

宋平江城坊攷卷四

東北隅

大街 見前

交讓里

今干將坊巷

吳郡志交讓瀆在羅城之東北隅

盧志考證門交讓里令訛甘漿巷

姑蘇志交讓瀆在

子城北今湮為民居僅有污池丈許又有交讓巷

乘魚橋

吳地記著錄

吳郡圖經續記乘魚橋者故傳

為槩高乘鯉升仙之地據劉向列仙傳云槩高趙人嘗

入涿水中取龍子與弟子期二日皆齋潔待於祠旁果

乘赤鯉來出坐祠中留一月復入水去涿一作礪不云在

吳也列仙傳有英子者亦乘赤鯉升天吳中門戶皆作

神魚遂立英祠未詳孰是

吳郡志乘魚橋在子城之

西北昔槩高乘鯉升仙之地事具異聞

吳郡金石目

重建乘魚橋記沙門釋達本述至和元年八月初二日

後列捨錢人姓名正書碑在橋側吳郡志載其文多誤

宋平江城坊攷卷四

碑文天禧作天禧他碑所未見

又邵必達義井題記

咸淳辛未十月正書在乘魚橋側葛家巷乃邵必達為

其女身亡而立記內自稱慈父頗古雅勝於妻亡稱孝

夫者遠矣 至和元年僧達本重建橋序乘魚橋當姑

蘇之要津茂苑之靈跡按吳地誌云古者賢士丁法海

琴高於此地見大鯉魚長可丈餘有角有足鼓二翼而

舞琴高見其異遂乘魚騰飛宛轉駕空上昇因立橋名

盧志乘魚橋在子城西北按列仙傳宋子英乘鯉升

天故吳中門戶皆作神魚遂立子英祠今至和元年橋

記引吳地記槩高事不足據

干將坊

吳郡志東市門

祥符圖經吳地記古坊中著

錄一本有和令無干將

姑蘇志因干將墓對峙而名

寶鐵齋金石文字跋尾貞元廿年五月龔夫人墓志

刻於方磚康熙年間干將坊居人造屋發土得之今歸

我里顧氏 案吳郡金石目文中有葬於干將鄉和令



坊字知古和令坊不在紹定二年重立處也

閻橋北巷 今舒巷 未見著錄

建善坊巷 今廢未見著錄

建善坊 祥符圖經吳地記古坊著錄 吳郡志千將

巷

乘魚橋北巷 今闊巷未見著錄

吉油巷 盧王二志均著錄 康熙志作吉由巷云尙書巷

對

條坊巷 盧王二志均著錄 姑蘇志鄭所南宅在樂橋東

條坊巷 同治志調豐巷宮巷西舊名條坊巷 潘志萬

金石補編隆興二年傅氏妙喜塔磚題記條坊巷街北面

南居孝妻傅氏妙喜按是磚出宮巷口塔中

管家橋巷 今土堂巷 未見著錄

管家橋 范盧王三志均著錄

馬黃橋巷 今廢 未見著錄 玉海楊存中增損舊制

宋平江城坊攷卷四

造馬黃弩制度精密彼一矢未章而此三發矣按姑蘇

志土貢門明貢吳中歲造墨漆角弓三百二十張弓弦

一千二百條黑漆透甲箭四萬枝雜造局造則知吳中

夙擅作弓矢馬黃橋則當時製造地也

馬黃橋 范盧王三志均著錄 又於此左近著錄換

馬橋本圖失載今不能攷而知其地矣

李師堂橋巷 今橫巷未見著錄

李師堂橋 吳地記范盧王三志均著錄 范盧二志

作金師堂橋 戒菴老人續吳郡志衍慶道院在李

師堂橋南宋咸淳間建

富仁坊巷 盧志著錄 姑蘇志魚行橋東

富仁坊 東育塔 吳郡志魚行橋東 祥符圖經吳地記

古坊著錄

魚行橋 吳地記祥符圖經范盧二志均著錄 姑蘇志

宋紹興四年重建

紅爐子橋 吳地記范盧王三志均著錄 康熙志富仁坊巷內

醋庫 盧志陳振孫字伯玉安吉人博通今古爲浙西提舉仰體祖宗恤民之意舉行萬戶停廢醋庫邦人至今德之案餘醋見庫巷下

大酒巷 吳郡圖經續記大酒巷舊名黃土曲唐時有富人修第其間植花濬池建水榭風亭醞美酒以延賓旅其酒價頗高故名 吳郡志中隱堂在大酒巷都官員外郎分司南京龔宗元所居取樂天詩大隱住朝市小隱入邱樊不如作中隱隱在留司間乃作中隱堂與屯田員外郎陳適太子中升陳之奇游從極文酒之樂皆耆德碩儒掛冠而歸者吳人謂之三老 盧王二志均著錄 今訛大井巷

塔兒巷 姑蘇志織染局前

黃土塔橋 吳地記范盧王三志均著錄 姑蘇志有黃

宋平江城坊攷卷四

三

土曲故名

寶積寺後巷 寺門西向 今邵磨針巷 盧王二志均著錄

天心橋 姑蘇志織染局前宋鄭起潛所居 盧志肯堂

郡人鄭起潛尚書所居在天心橋又有立庵皆理宗御書 姑蘇志鄭起潛字子升父時發閩縣人游學吳中

寓居天心橋生起潛起潛篤志力學長通易寧宗朝登甲第累遷崇政殿說書侍讀侍講爲大禮執綏官除禮部侍郎遷中書起居舍人轉直學士權兵部尚書貶贛州起潛好浮圖說以端午日坐逝有旨歸葬陽山

北倉橋 范盧王三志均著錄 盧志引新志云府城內

有南倉橋北倉橋政和中朱勗拆北倉爲養種園 姑

蘇志察院東

寶積寺 吳郡志寶積教院在黃土塔橋之東舊靈巖山

廡院也 盧志寶積教寺在縣治西北黃土塔橋之東

偏梁天監中建舊爲靈巖山廡院 北禪寺門左井闌

題記云平江府吳縣永定鄉太平橋南富郎中巷口街東面西居住奉三寶女弟子母親尚氏八娘與家眷等
□砌□寶積教院殿前大井貳口功德追薦亡女俞氏念八娘超生淨土 紹興叁拾年拾壹月初拾日謹題
九勝巷 盧王二志均著錄 盧志和致堂在于九勝巷洛人趙思所居又有別業號西園在閭門之西 姑蘇志寶積寺北

周太保橋 吳地記范盧王三志均著錄 姑蘇志宋慶曆三年建 案近志多誤合於禪興寺西橋

宮巷 姑蘇志玄妙觀前唐稱紫極宮故今猶名 吳郡金石目沈文罕修塔石刻嘉祐五年九月正書舊在玄妙觀前宮巷塔中今藏古泉山館制爲硯

宮橋 今稱觀橋 范盧王三志均著錄 姑蘇志玄妙觀前舊爲紫極宮故名 吳地記作天慶觀橋
棟木巷 盧志著錄 俗訛蓮目巷音訛蓮蓬巷 本草綱

宋平江城坊攷卷四

四一

目棟實名金鈴子羅願爾雅翼棟葉可以練物故謂之棟其子如小鈴熟則黃包名金鈴象形也

真慶坊 吳郡志天慶觀巷 姑蘇志宮巷口

曹家巷 盧志著錄 今俗稱小曹家巷

顏家巷 盧志著錄 吳中舊事顏度字魯子克國公五十三世孫由唐魯公之兄子 案萬姓統譜顏魯公兄子顯爲常熟令

原本作魯公之孫子誤今改正 仕常熟遂爲吳人舉進士以文章政事名一時仕至工部侍郎孝宗嘗謂度每出一言不動如山弟愿字叔修子叔平字景晏從子叔玠字景珪叔瑜字粹中叔剛字某皆據高第叔并字景容叔瓊字器之特奏名其子孫皆居在真慶坊
更衣亭

油巷 盧志著錄本圖未載其址

新街 今觀音街 未見著錄

新街橋 范盧王三志均著錄

永福寺前 今蔡匯河頭 未見著錄

永福寺西橋 范盧王三志均作永福寺橋 康熙志以

下作永福橋云宮橋南

永福寺 吳地記永福尼院在長洲縣南一百六十步唐

咸通年置 吳郡志永福尼院在長洲縣南 盧熊志

永福尼院在今縣治東北唐咸通元年置

北壹廂 盧志廩祿門職田下南一廂官一百七十三石六

斗一升南二廂官一百九十三石一斗七升北一廂官二

百三十四石一斗五升北二廂官二百四十九石六斗二

升 朝野類要廂官之名取廊廡間分職佐治之義今二

城南北廂比通判資序蓋比擬開封府左右四廂舊制也

若在城兵馬都監則又廊廡管押之義也故無刑禁 文

獻通攷宋大中祥符元年置京新城外八廂真宗以都門

之外居民頗多舊吏惟赤縣尉主其事至是特置廂吏命

京府統之天禧五年增置九廂熙寧三年五月詔以京朝

宋平江城坊攷卷四 五

官曾歷通判知縣者四人分治京城四廂凡民有門訟事

輕者得以決遣九月詔許留後使臣一員分左右廂管勾

十一月臣僚言逐廂一月之內斷決事件不多欲止令京

朝官二員分領二廂決斷所元祐四年知開封謝景温請

於新城內外左右置二廂通爲四廂四年罷紹聖元年復

置紹興中臨安府先依開封例於城外南北廂置主管公

事近又於城內左右廂 官二員分減在城詞訟其後臣

僚言將在城左右廂廢罷其廂官二員移往城南北廂

審按據盧志則蘇城亦當有四廂也又攷宋史職官志臨

安府官制多與吳郡盧熊姑蘇三志同蓋高宗嘗駐蹕於

此陪都當於京畿同也惟本圖只載北一廂而缺其餘三

廂官殊不可解

珍珠巷 王志著錄 康熙志宮巷中

瓶場橋 范盧王三志均著錄 同治志永福橋南

錢官人巷 王志著錄作碧鳳坊巷 康熙志顏家巷北按

在蔡匯河頭北

碧鳳坊 吳郡志天慶觀前 盧志天慶觀橋南東巷俗

云錢官人巷

宮橋南西巷 今太監街未見著錄

顧周橋巷 今落瓜橋浜未見著錄

顧周橋 今落瓜橋 范盧王三志均著錄 姑蘇志

醋坊橋側

雙板橋巷 今小太平巷未見著錄

雙板橋 吳地記板橋疑卽此 范盧二志著錄姑蘇

志以下不載案在蔡匯河頭口

天慶觀前 今觀前街

天慶觀 吳地記天慶觀在縣西南一百五十步唐開元

中置爲開元觀至道中改玉清道觀大中祥符二年改

今額大元元貞元年改元妙觀 朝野類要天慶觀諸

州皆置建之所以奉聖祖天尊大帝 吳郡圖經續記

宋平江城坊攷卷四

六

天慶觀唐置爲開元宮孫儒之亂四面皆爲煨燼惟三

門正殿存焉其後復修祥符中更名天慶觀皇祐之間

新作三門尤峻壯 吳郡志天慶觀在長洲縣西南卽

唐開元觀也兵火前棟宇最爲宏麗紹興十六年郡守

王暎重作西廊畫靈寶度人經變相召畫史工山林人

物樓櫓花木各專一技者分任其事極其工緻淳熙六

年聖祖殿火提刑趙伯驥攝郡重建三清殿淳熙三年

郡守陳峴建初道士募緣御前亦有所賜始克成就八

年至尊壽皇皇帝賜御書金闕寥陽寶殿六字爲殿額

伯驥有跋語郡人龔頤正作上梁文以進壽皇嘉焉觀

中有金寶牌真宗所賜永鎮於地者兵火獨全六朝舊

物也殿後通神菴淳熙八年左街道錄李若濟奉命建

菴額三字亦御書先是有何道人者自紹興初往來提

舉司或觀前真武堂草積中披髮顛狂以蓑衣蔽形故

號蓑衣道人寒暑不避不與人親或云時有一語中人

災福兩朝間遣使降香問其安否然庵則未始遷也

盧志玄妙觀在府城真慶坊北晉時號真慶道院唐爲

開元宮宋爲天慶觀元貞元年始改今名 姑蘇志

玄妙觀在長洲縣東北唐名開元宮宋改天慶觀建炎

中燬於兵紹興十六年重建元貞元年始改今額東

廡通神庵有高孝二廟問安書及金字牙牌洪武中清

理道教爲正一叢林置道紀司於此正統間造彌羅閣

賜道藏經

聞德坊 吳郡志周太尉橋東 盧志周太保橋東武狀

元周虎圖經在吳縣

關王廟 姑蘇志關王廟祀漢壽亭侯關雲長也在武狀

元坊東大街元甲午歲道士李原祐建 石志關帝廟

在臥龍街周太保橋北宋淳熙中建廟 按姑蘇志元

甲午歲頗不辭石志淳熙中云者不知何所據疑姑蘇

志元字上有奪文一或淳熙元年甲午歲耳 報恩寺

宋平江城坊攷卷四

七

石柱題刻云平江府長洲縣樂安下鄉關王廟北街東

居住奉三寶弟子萬應伏見報恩寺香花亭柱久損謹

□□財換造石柱二口功德伏用報答 五年七月

二十日勸緣僧懷竦謹題

醋坊橋 吳地記祥符圖經范盧二志均著錄 姑蘇志

治平乙巳建 同治志元至元二十四年重建 治平

二年重建醋坊橋碑記治平乙巳歲八月十五日勸緣

天慶觀主兼監庫道士方希辨題都勸緣觀內道正賜

紫孔應期立石 顧湘舟玄妙觀志重修醋坊橋題記

大乘陀僧智淨募緣到施主錢米并自己衣資重新建

造醋坊橋至元丁亥年□月□日立

大雲坊巷 盧王二志均著錄 吳郡金石目張成等義

井題記紹熙□年五月後有嘉定改元寶祐四年重修

題字皆正書在玄妙觀前大臣坊巷按井闌後爲姚彥

置侍方伯觀元所得藏蕭家巷寓邸尺進齋後寒秀草堂

庭前按瞿氏大雲作大臣係沿俗稱之誤

大雲坊 吳郡志天慶觀西林處所居處自號大雲翁

祥符圖經著錄 盧志賢竹齋在大雲坊林處所

居朱伯原記處字德祖號大雲翁 吳郡志林處字

德祖旦之子好古嗜學擢第累遷朝奉郎太學錄開

封府司錄以府尹不之禮移疾告歸不復出仕所居

在大雲坊因自號大雲翁屏置朝章不入州縣先達

稱其高有大雲集百卷神宗聖訓十卷

寧國寺 吳地記寧國尼寺在縣西南一里五十步

建隆二年置為永安院祥符二年改今額 吳郡志

寧國尼禪院在天慶觀西南 按吳地記著錄寧國

寺橋

廣化寺橋 范盧王三志均著錄 康熙志舊縣治西

吳郡金石目方氏口娘造橋題記紹熙四年三月

正書在玄妙觀西南廣化寺橋洞內

宋平江城坊攷卷四

八一

社壇巷 盧志著錄

縣社壇 長洲縣社稷壇在縣廡西南四十九步慶元四

年知縣黃宜修孫應時記淳祐元年趙汝壽闢地立屋

又一新之寶章閣待制李心傳記

土聖巷 未見著錄

徐鬼橋 范盧二志著錄均訛作徐思橋涉形似而訛

也以吳地記姑蘇志徐貴子橋證之從本圖作鬼為

是楊循吉吳邑志學道書院下作徐季子橋不知何

據

喬司空巷 盧王二志均著錄

崇義坊 祥符圖經著錄 吳地記作從義 吳郡志禪

興寺橋南

四通橋 范盧二志均著錄 吳郡志紹興二十六年建

姑蘇志乘魚坊內按魚字疑鯉字之誤

禪興寺橋 吳地記著錄 吳郡志作禪興寺西橋誤當

作後橋 姑蘇志作禪興寺後橋云郡城臥龍街 康熙志吳長二縣合治禪興寺橋

乘鯉坊巷 今俗名因果巷 盧王二志均著錄 姑蘇志

乘鯉坊巷俗名鸚鵡巷

乘鯉坊 吳郡志張馬步橋南

傳法寺 吳地記傳法尼寺在縣西一里唐大中五年置

後廢梁乾化六年重置為禪興寺祥符二年改今額

吳郡志傳法尼寺在長洲縣西舊禪興寺也 姑蘇志

傳法寺在乘鯉坊內舊名禪興寺大中祥符元年改今

額相傳梁天監二年刺史孫文捨宅建或云孫瑒瑒尚

主寺後後有妙嚴公主墓別有妙嚴寺亦瑒所建 又

梁朝公主墓在乘鯉坊即傳法尼寺後大土邱也相傳

梁武帝女出降郡人孫瑒寺其故宅也尚祀之稱為妙

嚴公主寺西路百步許河濱有石馬號石馬匯即其神

道 吳門表隱王整復禪興寺記略梁武帝女公主妙

宋平江城坊攷卷四

嚴下嫁郡人孫瑒並修梵行異室以居瑒居西曰禪興

公主居東曰妙嚴址周各四千一百三十五丈天監二

年建歿則葬於寺內顧震濤按語云公主墓今在息園

中孫家園有大阜疑即瑒墓其後與廢併合不一明正

德丁丑併廣化寺為學寺僧恩露徙居興復云

妙嚴寺 吳地記妙嚴尼禪院在縣西五十步太平興國

元年置 吳郡志妙嚴尼院在長洲縣西北

弦歌里巷 盧王二志均著錄 康熙志俗名舊學前

吳郡金石目財帛司廟前井闌題字嘉定辛巳四月正

書在明澤橋北中有稱弦歌里西菓行等名不見於志

盧志學道書院祠吳公言偃在府城東北隅今長洲

縣學之南至元二十九年集賢學士閻公復浙西廉訪

使徐公琰在吳更議爽塏山長郡人祖宗震金德脩共

買徐貴子橋高氏園第改創奉安聖賢遺像即今書院

也按書院原在武狀元坊普賢院故址故曰改創也吳

郡志常熟一名琴川本弦歌之說也是弦歌里之名一若始於元初者然攷盧志鄉都門樂安鄉仁壽里之下已早有清波鄉弦歌里之名且吳郡金石目載財帛司廟前井闌題字早在嘉定辛巳其施主所居里巷已有弦歌里之名是宋立學之後已有弦歌里之名也遷言子廟此里之南不過因勢利導耳

縣東橋 吳地記范盧二志均著錄 姑蘇志縣橋長

洲舊縣治東故又名縣東橋 盧志俗云石底

縣前橋 范志著錄 盧志長洲縣前橋低不通舟語

云長洲縣前難過淳祐中縣官改作取韓吏部語名可過 姑蘇志作可過橋按橋闌青石有己亥臘月

陳文庫造字

金獅子橋 范盧王三志均著錄 康熙志皮市西

廣化寺 吳地記廣化寺在縣西梁貞明二年錢氏置

為崇吳院祥符二年改今題 吳郡圖經續記廣化

宋平江城坊攷卷四

禪院在長洲縣西錢氏時大校捨所居以置久而摧敝自嘉祐以來稍稍繕完門廡嚴新有藏院所以安衆 吳郡志廣化寺在長洲縣西一十步梁乾元三年諸葛氏捨宅為之名崇吳禪院本朝大中祥符元年改賜今額中更兵火夷為煨燼都僧正清立以醫藥利施一方所得貲不以厚其藏而以建大殿塑三世佛大菩薩齋堂十方佛殿淳熙二年其徒復以餘橐剏經樓龔頤正為之記其略如此

廣化寺後橋 吳地記范盧王三志均著錄 康熙志

以下不載

長洲縣 吳郡志長洲縣在府治之北三里長洲縣分

自吳縣自唐以來為名邑本朝王禹偁嘗為之宰哦

詠最多邑望益高縣有茂苑歲寒二堂掬月蟠翠二

亭 盧志宋縣治在府治後東北三里蓋本府所屬

縣惟吳長洲二縣附於城故縣治立於此縣樓知縣

廳紹興初重建祥符圖經縣令廨舍在州東北一里
二十步 吳郡志蟠翠亭仲并建呂存中重修龔頤
正記 盧志淳熙五年呂存中重修 吳郡志企賢
堂在縣治淳熙九年知縣曾栗求王元之像於虎邱
繪之堂上黃由之跋 盧志茂苑堂在廳事之東紹
興九年石堙重建中有百花亭尊美堂維摩丈室綠
野軒綠筠庵米友仁記淳熙九年曾栗繪王元之像
以祀改曰企賢慶元中復舊名 又泰民堂在縣圃
淳祐十年龔濬建取王元之詩命名 芳秀樓在廳
事後寶祐五年李念祖建

縣丞廳 盧志丞廳在縣治西淳熙初重建方杼爲記
主簿廳 盧志祥符圖經云在縣西一十步紹興十七

年知縣尹機重建慶元六年黃士特白于知縣黃宜
復作新之 姑蘇志主簿廳密邇縣西 吳郡金石
目重修長洲縣主簿廳記慶元六年庚申三月長樂

宋平江城坊攷卷四

十一

黃士特記山陰孫應時書行書俊義盧瑤隸額在長
洲縣學儀門東壁

資福廟

圓通橋 按本圖在南新橋西南側范盧王三志均失

載

閻邱坊巷 盧王二志均著錄

閻邱坊 吳郡志張馬步橋北 盧志朝議大夫閻邱孝

終所居故以表之 吳郡志閻邱孝終字公顯郡人嘗

守黃州蘇文忠公在東坡時與交從甚密公後經從必

訪孝終賦詩爲樂孝終旣挂冠與諸名人耆艾爲九老

會 盧志閻邱孝終宅在張馬步橋北 又信安郡王

府在閻邱坊孟忠庵所居有靜寄堂清心亭萬卷堂等

扁皆孝宗御題後有藏春園 姑蘇志孝終嘗知黃州

作棲霞樓爲野中勝絕未幾挂冠歸與崇大年輩以耆

德著稱鄉里蘇軾云蘇州有二邱不到虎邱卽到閻邱

其爲名流推重如此 又孟忠厚字仁仲其先洛州人
昭慈聖獻太后兄子也靖康元年知海州東京陷忠厚
持后書遺康王王卽位後以保寧軍節度使判平江改
紹興浙東安撫使忠厚遠避權勢不敢以私干朝廷
張馬步橋 吳郡志著錄 盧志大街

院子橋 范盧王三志均著錄

祥符寺東橋 今名祥符寺橋 范盧王三志均著錄

靈鷲寺西橋 吳地記范盧二志均著錄 姑蘇志作靈

鷲寺橋 康熙志鶴舞橋北

祥符寺巷 盧王二志均著錄

祥符寺橋 吳郡志著錄 盧志大街 姑蘇志宋嘉祐

四年建

祥符寺 吳地記大中祥符尼寺在縣西北一里半梁天

監二年置後廢 梁龍德二年復置爲福田寺 吳郡

志大中祥符尼寺在長洲縣西北舊福田寺

宋平江城坊致卷四

鶴舞橋 吳地記夫差女勝玉出葬日仙鶴舞引羣鳴於

市因號橋曰鶴舞或又云春申君所立也 范盧王三

志均著錄 姑蘇志鄭虎臣宅在鶴舞橋東居第甚盛

號鄭半州四時飲饌各有品目著集珍日用一卷皆言

其奢侈於飫饜也當宋末殺買似道於木棉庵卽其人

也 按謝氏詩源云孫吳時二鶴集舞於此飛至楓橋

東化爲鳳皇因名其橋

故市巷 盧王二志均著錄 姑蘇志俗名袴子巷

西章家橋巷 盧志著錄作莊家橋巷王志著錄如此今作

裝駕橋巷 盧志氏族門嘉祐中浦城章棗爲蘇州教官

就居於此故南北二族棗居城北號北章惇居城南號南

章其後二氏甚盛

西章家橋 范盧王三志均著錄 橋西南有小塔 盧

志大街 姑蘇志祥符二年重建

皮市上 今皮市街 康熙志自天妃宮直南至玄妙觀西俱

稱皮市上

中路橋 今天妃宮橋 范盧二志均著錄 案姑蘇志稱

天妃宮前大德元年建疑重建

縣後巷 今史家巷 未見著錄

樂鼓巷 王志著錄 康熙志史家巷南小街按疑即今

板壁街

南新橋 今曹胡徐橋范盧二志均著錄 姑蘇志作曹

胡徐橋 審按南新橋題記云大宋歲次辛巳嘉定十

四年仲冬十一月朔十五日重新改造南新橋幹緣人

蔣世榮王璿謹題都幹緣僧了操

花橋巷 今西花橋巷盧王二志均著錄

花橋 盧志唐白刺史揚州驛裏夢蘇州夢到花橋水閣

頭即此

東故市巷 今西白塔子巷 王志著錄

東章家橋 范盧王三志均著錄 康熙志白塔子橋舊

宋平江城坊攷卷四

三

名東章家橋 馮志金石門白塔子橋有咸淳五年二

月重建字 吳郡金石目常熟縣將仕郎朱□典重建

白塔子橋記咸淳五年三月初六日正書在橋洞內橋

名不見於平江圖按瞿氏未攷東章家橋源流故誤會

如此

碎銀巷 康熙志白塔子巷北今謝衙前

靈鷲寺 吳地記靈鷲院在縣北三百步梁乾化三年錢

氏改爲永光院祥符中改今額 吳郡志靈鷲寺在長

洲縣北舊永光院 姑蘇志靈鷲教寺在城東北隅舊

名永光院又名東林院梁天監中僧永光建

靈鷲寺東橋 吳郡志盧志未載 按康熙志云善耕橋

白塔子橋北即此可按姑蘇志仁壽橋碎金巷東元和

志碎金巷白塔子巷南北橋不知在今何處

碎金巷 盧志著錄 姑蘇志仁壽橋碎金巷口按橋毀

於髮逆之亂又案本圖未載其址

任蔣巷 王志著錄如此盧志著錄作廟巷今名正作廟巷

任蔣橋 范盧王三志均著錄 姑蘇志嘉定十四年建西北街 未見著錄

香花橋 祥符圖經作報恩寺前橋 吳郡志未著錄 姑蘇志香花橋在報恩寺前一名永安橋 寰宇訪碑錄報

恩寺香花橋記正書無年月審按今碑尚在橋拱中

報恩寺 吳地記報恩寺在縣西北一里半吳赤烏二年置

後廢周顯德二年重置 吳郡志報恩寺在長洲縣西北

即吳先主母吳夫人捨宅所建通元寺基也支硎山亦有

報恩寺或云錢氏建移額於此寺有小院五曰文殊曰法

華曰泗州曰水陸曰普賢有塔十一級兵燹後有行者金

大圓募衆復建僅能九級所費計數十萬緡寺有臥佛北

人多呼爲臥佛寺舊又有不染塵觀音像高數丈今復塑

者徒存其名云 盧志報恩賢首教寺在今縣治東北半

宋平江城坊攷卷四

古

居長洲縣界即吳先主母吳夫人捨宅所建通玄寺基也

或云支硎山有報恩寺後錢氏重建此寺移額名之舊有

小院五曰文殊曰法華曰泗州曰水陸曰普賢今皆不存

舊建浮屠十一級兵燹後有行者金大圓募衆復建僅能

九級寺有不染塵觀音像高數丈今復塑者徒存其名大

殿後高閣五間下有臥佛人因稱爲臥佛寺 姑蘇志報

恩講寺在城北陲故呼北寺即玄通寺舊基吳越錢氏移

支硎山報恩寺改建於此宋崇寧中加萬歲尊尊爲賢首

教寺舊有子院曰文殊曰泗州曰水陸又有曰法華曰普

賢今皆廢浮圖十一級兵燹後行者金大圓募建九級又

有不染塵觀音殿宋邊知白記後殿七楹下塑釋迦滅度像

長六十六尺高十二尺張士誠據吳以臥佛非祥更造立像國初僧復之

宋濂撰碑宋張卽之書華嚴性悔四字皆徑丈刻榜猶存

石塘巷 姑蘇志北寺東案康熙志作北寺北誤

東石塘橋 范盧二志均著錄 姑蘇志作石塘橋 同

治志在報恩寺東咸淳五年建有石刻字

官沙巷 姑蘇志天妃宮前 康熙志亦名官庫巷

狄勝橋 范盧王三志均著錄 康熙志狄作迪訛

車闌巷 姑蘇志寶光寺西案即今石皮街

北觀音院前 未見著錄

北觀音院

北新橋巷 王志著錄作新橋巷齊門內

北新橋 范盧二志均著錄 姑蘇志誤作北僂橋

洋澳橋巷 今齊門下塘未見著錄

洋澳橋 范盧王三志均失載

華家橋 范盧二志著錄 姑蘇志失載

齊門路 未見著錄

程橋 吳郡志僅載程家橋一與棧橋相次 姑蘇志程橋

一一近婁門一近齊門

跨塘橋 范盧王三志均著錄 同治志作定跨橋誤攷本

宋平江城坊攷卷四

五

圖定跨橋即今訛為平化橋者 淳熙癸卯曹經譔橋記

北禪寺前 未見著錄今寺前浜

北禪寺 吳地記乾元寺晉高士戴顓舍宅置乾元初蘇

州節度採訪使鄭桂清書寺額奉敕依年號為乾元寺

吳郡圖經續記大慈院在長洲縣北唐咸通三年陸

侍御以宅為院號為北禪祥符中改今額皮陸有北禪

避暑聯句注云院昔為戴顓宅後司訓陸郎中居之即

此是也 吳郡志大慈寺在長洲縣北皮陸集云晉戴

顓宅也至唐司訓陸郎中居之後以為寺號北禪院

盧熊志北禪天台教寺在今縣治北齊門內 姑蘇志

北禪講寺在齊門內晉戴顓宅也唐司勳陸郎中居此

後以為寺號北禪院按吳郡志乾元寺唐有之今不知

所在然顧况以乾元寺為晉戴逵宅而皮陸集又以北

禪寺為戴顓宅據此則今北禪即古乾元寺宋祥符初

賜名大慈屢燬於兵洪武中重建寺有大通閣趙孟頫

記觀堂黃潛記兩華堂禁蛙池 吳郡志載顓字仲若父達隱遯有高名顓以父不仕復修其業自桐廬徙居吳下士人共爲築室聚石引泉植林開澗少時繁密有若自然乃述莊周大旨著逍遙論禮記中庸篇三吳守將及郡內衣冠要其同遊野澤堪行便去不爲矯介宋國初建辟召並不就文帝每欲見之嘗謂黃門侍郎張敷曰吾東巡之日當宴戴公山下耳 盧志晉高士戴顓宅唐司勳郎中陸洵所居今北禪寺花橋水閣見白樂天寄馮侍御詩今鄭大卿於此作閣以追故事

安齊王廟

廟堂橋 范盧二志均著錄

北禪寺東橋 寺西橋 寺前橋 范盧王三志均著錄

北禪寺巷 未見著錄

吳郎橋巷 未見著錄

吳郎橋 范盧王三志均著錄 盧志北新橋南

宋平江城坊攷卷四

六一

棧橋 吳郡志著錄 盧志北草場 案姑蘇志以下

不載

平家巷 康熙志齊門內

崇甫巷 盧王二志均著錄 同治志在北園卽油車

浜 元和志作油車街

百家巷 盧志著錄 姑蘇志以百口橋故名康熙志

百口橋邊 案俗名百家弄

百口橋 吳地記祥符圖經均著錄 吳郡圖經續記

百口橋在長洲縣東故訓東漢之顧訓五世同居家聚百口衣食均等尊卑有序因其所居以名之 吳

郡志百口橋在長洲縣東東漢顧訓五世同居聚族

百口衣食均等尊卑有序因其所居以名橋俗傳子

孫多不能辨架上之衣歲朝會集子孫悉坐依次行

酒三歲以上者並自知坐次不虧其禮故俗又名試

飲橋 盧志劉倚莊集類引蘇州志云宋太原太守

顧訓之五代同居子孫富盛闔門雍睦家有百口時人重之前志云東漢顧訓所居又名試飲橋今迎春坊

迎春坊巷 王志著錄

迎春坊 吳郡志百口橋 祥符圖經吳地記古坊著錄

迎春橋 范盧王三志均著錄 康熙志華陽橋西 乾隆

元和志俗名周通橋

寶光寺前 今婁門大街

程橋 今水浮香橋吳門補乘程橋一名水浮香橋浮一作鳧 姑蘇志著錄見齊門內程橋下范盧二志失載

寶光寺 案今婁門內關帝廟今寺在西北街明時所建

吳郡志寶光院在長洲縣東北婁門 盧熊志寶光

寺在今縣治東北 姑蘇志寶光講寺在城東北隅跨

塘橋本鬱林太守陸續故宅宋紹熙間僧蘊仁元至元

間僧紹隆先後重建初寺在婁門內鬱林石在焉石今

宋平江城坊攷卷四

遷察院前洪武中卽寺爲軍營遂廢其後普熏庵善識捨

本庵地改建於此學士曾榮記 吳郡金石目東京啓

聖禪院真身瑞象歷年記元豐四年五月望日正書在

婁門內小關帝廟上鐫佛像下刻記文攷北宋建都汴

梁開豐縣曰東京則院在開豐卽以開豐石刻重摹者

案小關帝廟卽護國禪院順治間寶光寺燬後所改

胡家橋 范盧二志著錄 姑蘇志以下失載

楚勝橋 范盧王三志均失載

斜路橋 范盧王三志均著錄今訛迎春橋

寺莊橋北碑 范盧二志著錄 姑蘇志以下不載

東營街 今倉街 未見著錄

威果二十八營 吳郡志營寨門禁軍威果二十八指揮

盧志威果第二十八指揮元額五百一十人在萬壽寺北

張香橋巷 今稱灣未見著錄

張香橋 范盧王三志均著錄 荻樓雜鈔昔有女子名

香與所懽會此故名一曰女子姓張名香

營南巷 未見著錄

平江路 未見著錄

華陽橋 范盧王三志均著錄 康熙志通濟橋北 石志

金石門華陽橋洞題記慶元四年九月建 吳門表隱

華陽橋洞碑有聖宋慶元四年戊午九月十三日戊申

鼎新重建華陽橋正書二十二字

騎龍巷 今訛東麒麟巷 姑蘇志張香橋南 同治志麒麟

表隱龍潭在三家村 郡中有十三處 左右支河時有萬鯉來

朝之異故東偏橋曰聚 今誤作徐鯉魚橋里名騎龍巷明洪

武時孽龍為患殃民害禾里士沈道基延承天寺名僧某

驅之去鯉不復聚因建水神廟在潭前以鎮之

徐鯉魚橋 范盧王三志均著錄 康熙志張香橋西南

今訛麒麟橋 吳門表隱庫塔在徐鯉魚橋北康熙初

宋平江城坊攷卷四

記下有古井

奚家橋 范盧王三志均著錄 康熙志慶曆橋東側

今訛大羅家橋 吳門表隱宋善士奚仁三世居曾孫

明初登榜

東周太保橋 范盧王三志均著錄 康熙志蘇巷倉西

中營基巷 盧王二志未著錄 今訛中由吉巷 康熙志

胡廂使橋巷北

魏家橋 范盧王三志均著錄 康熙志打急路橋東南

側

胡廂使橋巷 今名胡廂使巷 盧王二志均未著錄 康

熙志俗名唐巷

東開明橋 范盧王三志均著錄范作開明橋今分為南

北二開明橋攷盧志引祥符圖經吳縣東西橋左近有

開明橋註云即禮門橋則西開明橋也

丁香巷 盧王二志均著錄 康熙志流真巷北

唐家橋 范盧王三志均著錄 康熙志胡廂使橋東側

流真巷 盧志作劉真巷 康熙志新橋巷北 同治志有

貞女柳氏故名舊名流真 案俗名大柳貞巷 吳郡金

石目報恩寺塔磚殘字道義鄉大木巷內居孝男陸綱與

盧志大木巷與流真巷相次今不知所在

新橋巷 盧志著錄 今大新橋巷

朱馬交橋 范盧王三志均著錄 通利橋橋銜石刻星

橋朱馬菱橋年深坍塌蒙發運判府鄭侍郎助錢叁阡

貫提舉寶章判部趙郎中助錢貳阡貫長洲判縣龔郎

中助錢壹阡伍百貫並係十七界會重行展闢建造勸

緣崇禧上官右史幹緣碧雲庵僧守常淳祐十年十一

月朔題據此則新當作星交當作菱書費誓峙乃芻菱

說文菱乾芻也有稂料意與馬字合近人著作有稱朱

烏交橋者尙嫌附會也

衆安橋 范盧王三志均著錄 按此即通利橋洞中石

宋平江城坊攷卷四

九

刻所稱之星橋今訛大新橋

北張家橋 范盧二志著錄 姑蘇志只著錄張家橋一

同治志新橋在衆安橋東側以地址考之當即此今

訛小新橋

南張家巷 今中張家巷 盧志著錄

羅家橋 范盧王三志均著錄

熙寧橋 范盧王三志均著錄 康熙志訛爲衆善橋

案今俗名青石橋

南張家橋 范盧二志著錄 姑蘇志只著錄張家橋一

朱張巷 元時朱清張暄居之朱張古逸民姓名疑元以前

即有是名 盧志著錄 姑蘇志萬壽寺後

廟堂橋 范盧王三志均著錄

報恩光孝寺前今新學前 未見著錄

光孝寺 圖經續記承天萬壽禪院 長洲東南錢氏時

中吳從事丁守節即晉公之祖也於其所居東南隅唐

長壽寺之舊基鉏荒架宇祥符中晉公請賜改今額天聖初闢爲禪刹高僧住持相繼崇飾最爲閎廣又有華嚴閣祥符中有浮圖自京趨蜀刻造十六羅漢像乃來錢唐布飾之將還京師至蘇感夢遂留此閣下郡中士民祈請數應去年久雨太守章公迎禪月像於郡廳致請俄遂晴霽 吳郡志報恩光孝禪寺在長洲縣東卽舊天甯萬壽禪院也徽宗時以爲祝壽道場後卽以爲薦嚴之地改今額 盧熊志萬壽禪寺在今縣治東北卽舊報恩光孝禪寺又名天寧萬壽禪院梁時置爲安國院唐長壽二年改爲長壽院宋大中祥符二年丁晉公謂奏改爲萬壽禪院紹興七年詔改爲萬壽報恩光孝禪寺爲徽宗薦嚴之地卽今額也寺門外有尊勝石幢幢周廣順三年癸丑所立中吳軍節度上柱國邵思寶周承禮等題名其上 姑蘇志萬壽禪寺在府治東北晉義熙中西域僧法愔建名淨壽院梁改安國唐改

宋平江城坊攷卷四

二十

長壽宋大中祥符二年丁謂奏改萬壽禪寺崇寧中詔加崇寧尋改天寧紹興中改萬壽報恩光孝禪寺爲徽宗薦嚴之地唐僧貫休嘗居此休號禪月大師故寺有禪月閣寺前周廣順中所立尊勝石幢猶存 吳越軍節度上柱國邵思寶周承禮等題名 元末兵燬洪武間重建宋濂記 朝野類要高宗皇帝中興以來令諸州軍各建置報恩光孝寺觀一所追崇佑陵香火

北軍寨 吳郡志忠順官寨在報恩光孝寺後淳熙二年建

臨頓里 吳郡志五柳堂胡稷言所居在臨頓里陸龜蒙之舊址也 又如村胡峯所居峯父稷言作五柳堂至峯又取老杜宅舍如荒村之句名其居曰如村 又胡稷言字正思則之姪學古文宋景文公以特奏補官爲山陰丞致仕築園鑿池追陶靖節之風種五柳以名堂清修寡學延納後進日晡後不飲食客坐蕭然具湯一杯而已年八十餘卒子峯字仲

連居五柳松窗蓬戶人以為隱君子步趨言動皆有尺度賓
嘉喪祭率遵古法用杜甫詩名所居曰如村自號如村老人
累舉命官終不仕卒年七十九詩文簡古如其為人 又陸
龜蒙字魯望元方七世孫賓虞子舉進士一不中往從張搏
辟居松江甫里多所論撰雖幽憂疾痛資無十日計不少輟
有田數百畝與江通常苦饑躬畚鍤之勤嗜茶置園顧渚山
下歲取租焉不許與流俗交雖造門不肯見不乘馬升舟設
蓬席齋束書茶竈筆牀釣具往來時謂江湖散人或號天隨
子甫里先生自比涪翁漁父江上丈人後以高士召不至李
蔚廬雋素與善及當國召拜左拾遺詔下而卒光化中章莊
表龜蒙及孟郊等十人皆贈右補闕唐書龜蒙善爲賦妙絕
人有收得賦林皆綴緝屬對差次比擬凡數首有題而未就
其用功如此談苑龜蒙與顏荦皮日休羅隱吳融爲益友性
高潔家貧思祿與張搏爲吳興廬江二郡倅著吳興實錄四
十卷松陵集十卷笠澤叢書三卷疾終吳融爲作傳貽史官

宋平江城坊攷卷四

三

章莊譔文陸希聲撰碑文顏堯書北夢瑣言 盧志吳鬱林太

守陸績宅門有巨石初績任鬱林罷歸無裝舟輕不可越海

取石爲重人稱其廉號鬱林石世保其居見唐史龜蒙傳據

此卽龜蒙臨頓所居也 姑蘇志陸績宅在臨頓里

臨頓橋 吳地記祥符圖經均著錄 圖經續記在長洲縣

北臨頓者亦吳時館名也陸魯望嘗居其旁皮日休贈之

詩以謂不出郭郭曠若郊野今此橋民居櫛比蓋此郡又

盛於唐世也 吳郡志臨頓橋在長洲縣北臨頓吳時館

名取之臨頓宅者是也又吳地記吳王親征夷人頓軍憩

歇宴設兵士因此置橋唐陸魯望嘗居其旁

顧家橋 吳郡志顧悌仕吳爲虎頭將軍父亡五日絕漿而

死郡人爲之造橋 盧王二志均著錄今訛過駕橋 姑

蘇志鄒國公祠在城東顧家橋五十三世孫孟潼以祖信

安王府請于有司改立爲祠裔孫文龍守之文龍之後不

存祠屬周氏蓋孟之壻也 石志津梁門宋慶元二年重

建金石門題記作慶元三年十一月 吳郡金石目重建
顧家橋題記慶元三年十一月正書在橋側橋在長洲縣
境記後列捐錢人銜名

布德坊 吳郡志布德坊顧家橋 盧志顧家橋東 又葉

少蘊舊宅在鳳池鄉前有魚城橋政和中寓布德坊

資壽寺巷 王志著錄 康熙志濂溪坊巷舊名資壽寺巷

按姑蘇志濂溪祠在萬壽寺西濂溪坊內正統元年幾

世孫淵等建

仁王寺 吳地記仁王寺在縣東南一里唐天福四年奏

置爲安吳院祥符二年改今額 吳郡志仁王尼院在

長洲縣東南舊名安吳院 盧熊志仁王尼院在今縣

治東北唐天祐四年置

苑橋 吳郡志苑橋在報恩光孝寺之西故傳闔閭有苑

園在其旁定跨橋下長洲縣前舊爲闔閭故跡縣前東

南故傳皆闔閭苑園游憩之地

宋平江城坊攷卷四

豸冠坊 吳地記祥符圖經古坊著錄 吳郡志仁王寺

前直龍圖閣范師道所居以其出入臺諫有聲故名

盧志范公之前已有豸冠蓋倣古也 吳郡志范師道

字貫之天聖九年進士累知廣德縣縣多淫祀歲殺牛

以祀神一切禁絕之擢侍御史數以論事忤宰相劉沅

出知常州復召爲起居舍人同知諫院會百官上尊號

乃言災異數出而崇尚虛文非所以答天戒又言宮人

多遷除恐女寵因緣以害政事上皆嘉納之又言陳升

之不當進用出知福州復入爲三司鹽鐵副使終直龍

圖閣知明州有奏議二十卷文集五十卷子世京世亮

皆登科

丁晉公巷 盧王二志均著錄 今丁家巷 姑蘇志俗

名丁家巷甫橋北 又丁晉公宅在大郎橋堂宇甚古

有層閣數間臨其後號晉公坊 吳郡志丁謂字謂之

長洲人少與孫何善袖文謁王禹偁大驚重之以爲自

唐韓愈柳宗元後二百年始有此作世謂之孫丁淳化三年進士甲科累遷夔州路轉運使蠻酋爲寇謂諭以禍福蠻感泣作誓刻石立境上五年不得代詔舉自代者乃入爲三司鹽鐵副使大中祥符五年參知政事九年請外爲平江軍節度使知昇州天禧初復參政改樞密使代寇準拜中書門下平章事加司空晉國公仁宗卽位進司徒侍中爲山陵使授太子少保分司西京又貶崖州司戶參軍在崖五年累徙光州授秘書監致仕卒年七十二謂機敏有智謀文字累數千百言經覽輒誦善談笑爲詩至圖畫博奕音律無不洞曉嘗建鄉郡節鉞以至宰相國朝吳人至相位者始於謂又嘗爲鄉里請於朝特免丁錢鄉人至今德之祠於萬壽寺

慶源坊巷

今大郎橋巷 未見著錄

慶源坊

吳郡志大郎橋東 盧志丞相丁謂所居舊名

晉公坊今有丁家巷嘉泰初易今名

宋平江城坊攷卷四

三十一

資壽寺

吳地記資壽尼禪院在縣東南二百步唐天福

三年置

吳郡志資壽尼陀在長洲縣東南 盧熊志

資壽尼陀在今縣治東北唐天復三年置 姑蘇志資

壽尼院在長洲縣治東北宋紹興間建紹定初重修有

正法堂張卽之書又有磚浮屠靖康初邑人翁氏建又

有盧舍那閣僧居簡記

寺東橋

今師婆橋 吳郡志著錄萬壽寺東資壽寺西

二橋盧志承之於此均不合疑有誤字

藍家巷

盧志著錄今訛鈕家巷 又萬華堂在資壽寺

後藍師稷提刑所居植牡丹至三千株多得洛中名品

如玉盃白景雲紅瑞雲紅勝雲紅間金之類無不有之

後以游宦不能愛護惟勝雲紅存焉師稷字叔誠開封

府人 康熙志作鑾駕巷顧家橋之訛過駕橋是其例

吳門表隱吳武真家在鈕家巷 韓洽重修張武安

君廟碑夷考鳳池始於周宣王時有鳳集於泰伯十六

代孫吳武真家故名 按今鈕家巷附近屬鳳池鄉
丁晉公廟

錢都衙橋 范盧王三志均著錄 康熙志作吳赤烏
年建不知何據

九曲牆巷 一名周將軍巷亦名蕭家巷 盧志著錄作
蕭家巷 姑蘇志誤分爲二 盧志閑貴堂在醋坊橋

東本蕭氏雙節堂也既爲周虎所得遂易今名後有臺
環以古桂數千本名曰凌霜宅東又有陂陀立亭其上
曰已高其地稱九曲牆巷

雪糕橋 范盧王三志均著錄
資壽寺後橋 范盧二志均著錄 姑蘇志著錄資壽
寺橋二 康熙志作資福橋

大樹巷 盧志著錄 康熙志以下作大儒巷云以明王敬
臣得名

兵馬司橋 范盧王三志均著錄 康熙志錢都衙橋北

積慶橋 范盧王三志均著錄 康熙志雪糕橋北

顯子巷 盧志分南北姑蘇志同惟別出顯子巷 盧志仁
美坊南獻子巷表右史上官渙西所居靜庵上官渙西元
之所居王遂爲記中有采菊堂董槐爲記

蘇軍橋 范盧王三志均著錄案在南顯子巷東今其半
名南石子街

迎春巷 盧志著錄 今縣橋巷
天宮坊 吳郡志迎春巷 盧志天宮寺西南 祥符圖

經吳地記著錄
定跨橋 吳地記闔閭於行苑內置游賞之處 吳郡志
吳王闔閭造

陸家巷 盧志著錄今名葦葭巷 案姑蘇志大聖庵在城
西南隅陸家巷疑非此

天宮寺 吳地記天宮院在縣東北五十步唐景福元年
置爲武平院祥符中改今額 吳郡志天宮禪院在長

洲縣東北舊武平禪院 姑蘇志天宮寺在城東北隅

唐景福元年僧淡然建

天宮寺前橋 吳地記范盧二志均著錄 姑蘇志著錄

天宮寺橋二

天宮寺西橋 今俗名小日暉橋 范盧王三志均著錄

通利橋 范盧王三志均著錄

南新橋巷 盧志著錄作曹胡徐橋巷

衆善橋 吳郡志訛作衆喜橋 盧志即徐胡橋 潘志

萬金石補編天慶觀石柱題字平江府長洲縣道義鄉

衆善橋南街東居住奉道弟子朱振并妻張氏四七娘

家眷等按此爲衆善橋南北向之碣證若以盧志所云

徐胡橋即以衆善橋爲曹胡徐橋則不倫矣

胡廂使橋 范盧王三志均著錄 康熙志通利橋北

白塔子巷 今東白塔子巷 盧王二志均著錄

打急路橋 范盧王三志均著錄 康熙志胡廂使橋北

宋平江城坊攷卷四

差

今俗名保吉利橋 迮家園在保吉利橋南古名笮

里吳大夫笮融所居見吳門表隱

靈鷲寺東橋巷 今獅林寺巷 未見著錄 吳郡金石目

第一泉井題記存第一泉及大宋國峇宋開慶數字餘不

可辨在郡城獅林寺正書

慶曆橋 范盧王三志均著錄 康熙志打急路橋北

姑蘇志修真道院在慶曆橋南

章家橋巷 明潘時用巷今潘儒巷 舊志未見著錄 吳

門表隱潘儒巷舊名章家橋巷因宋章綜宅故名

周通橋 范盧二志均著錄 姑蘇志大弘寺前

宋平江城坊攷卷五

城外

城池

府城 吳地記闔閭城周敬王六年伍子胥築大城周圍四十二里三十步小城八里二百六十步陸門八以象天之八風水門八以象地之八卦吳都賦云通門二八水道陸衢是也吳郡圖經續記闔閭城卽今郡城也舊說子胥伐楚還師取丹陽及黃濱土以築蓋利其堅也郡城之狀如亞字唐乾符三年刺史張傳嘗修完此城梁龍德中錢氏又加以陶甃吳郡志闔閭城吳王闔閭自梅里徙都卽今郡城闔閭委計於伍子胥乃使相土嘗水象天法地築大城周圍四十七里陸門八以象天之八風水門八以法地之八卦築小城周十里門之名皆伍子胥所制東面婁匠二門西面闔胥二門南面盤蛇二門北面齊平二門唐時八門悉啓劉夢得詩云二八城門開道路許渾詩云共醉八門回畫舸今惟啓五門

宋平江城坊攷卷五

八門吳地記所紀而不載葑門續經載葑門而謂平門一名巫門與赤門二門皆不在八門之數蓋考之於今者如此方故吳時東門不開欲以絕越也梁吳均吳城賦曰古樹荒烟幾百千年云是吳王所遷東有鑄劍殘水西有舞鶴故塵繁具區之廣澤宕姑蘇之遠山僕本蓄怒千悲億恨况復荆棘蕭森叢羅網蔓亭梧百尺皆歷地而生枝階筠萬丈或至杪而無葉不見春花夏薰惟聞秋蟬冬蝶水魅晨定山鬼夜驚不復四海九州乃復有此吳城 盧志羅城按吳地記周圍十二里三十步吳越春秋云闔閭元年作舊圖經云乾符三年因王郢之亂刺史張搏重築梁龍朔二年四月甄贊高二丈四尺厚二丈五尺裏外有濠寰宇記云今闔閭城周圍三十里水陸十有二門政和中修治於諸故門雖已廢塞皆刻名於石以識之宣和五年又詔重葺淳熙中知府謝師稷以郡中羨餘錢四十萬繕繕完遂爲壯觀開禧中半已隕圯而池隍亦多爲菱蕩稻田所侵時史彌遠提舉常平有意興繕

及爲相奏請其事賜錢三萬米二萬知府趙汝述沈鯨相繼
經度以嘉定十六年正月歲事明年二月畢工爲一路城池
之最寶祐二年趙汝歷仿淮郡女牆之制再增葺之開慶元
年有旨增築元初既定江南凡在城池悉許夷堙故民雜居
遺堞之上雖設五門蕩無關防至正壬辰他郡盜起始詔天
下繕完城郭時監郡六十太守高履寔董其事乃於所隸州
縣定役徒分丈尺聚磚石築壘工畢周遭濠深廣有加因
掘土姑蘇驛下得石鐫胥門二字於此又闢爲胥門凡爲門
有六至張士誠入據增置月城等項及歸我朝再加修築高
廣堅緻度越疇昔至今一切修築不勞民力官量見數自西
閩門南至胥門得六百三十九丈五尺自胥門南至盤門得
三百八十八丈七尺自盤門東至葑門得一千一百二十八
丈自葑門北至婁門得八百六十四丈二尺自婁門北西至
齊門得五百八十丈自齊門西門至閩門得八百九十二丈二
尺五寸總計四千四百八十二丈六尺五寸而爲一萬二千

宋平江城坊攷卷五

二百九十三步九分計三十四里五十三步九分濠塹深闊
不等 姑蘇志今城爲亞字形南北一十二里東西九里城
內大河三橫四直各門上爲畫樓周循雉堞每十步爲鋪舍
內外夾以長濠廣至數丈門皆有釣橋以通出入方故吳時
東門不開欲以絕越也唐時八門悉啓宋初惟閩胥盤葑婁
齊六門 實字記云水陸十有二門 後胥門又廢迨元而復 有各水陸
門惟胥無水門 今因之門置官軍晝夜守衛啓閉而鑰鑰蘇州
衛掌焉

閩門 吳地記閩門亦號破楚門吳伐楚大軍從此門出陸
機詩曰閩門勢嵯峨飛閣跨通波又孔子登山望東吳閩
門數曰吳門有白氣如練今置曳練坊及望館坊因此 望
館姑蘇志作望舒 吳郡圖經續記閩門故名閩閩門吳王闔
廬時有之或云魯匠般所製也有高樓閣道吳兵後由此
出伐楚改曰破楚門吳屬楚復曰閩門 吳郡志閩門文
選註吳王闔閩立閩門象天閩閩門吳越春秋曰城立昌

門者象天通閩闔風也南史及傳記中或書作昌門蓋字之訛吳越春秋又曰昌門亦名破楚門吳伐楚自此門出也孫堅母夢腸繞昌門俗傳昌門魯班所造又傳楚封春申君於吳號曰破楚改曰昌門亦非是小說或謂名望齊門乃與齊門相犯非是陸機吳趨行云吳趨自有始請從閩門起文選註引吳地記昌門者閩闔所作名曰閩闔門高樓閣道按陸機所賦此門在晉之時樓閣之盛如此本朝承平時門上亦有樓三間甚宏敞蘇舜欽嘗題詩於上今廢 盧志閩門西門也在胥門北按吳越春秋閩門以象天門通閩闔風也閩闔欲西破楚楚在西北故立閩門以通天氣因名破楚門越絕書作昌門陸士衡詩云閩門何峨峨飛閣跨通波唐人亦屢見於題詠宋承平時有樓三間甚宏敞蘇舜欽嘗題詩其上續記云此門舊有李陽冰篆額建炎中門廢寶祐二年趙汝歷始復建俗說昌門魯班造又云楚封春申君於吳諱破楚之名改曰閩門或

宋平江城坊攷卷五

三一

謂望齊門皆不足據又說孔子與顏淵登魯東山望吳閩門亦謬論也 姑蘇志越絕書別有楚門以爲春申君所造楚人從之故云恐卽破楚門耳

胥門 吳地記本伍子胥宅因名石碑見存出太湖等道水陸二路今陸廢門南三里有儲城越疑作吳王貯糧處十五里有魚城吳王養魚處門西南五里有越來溪 吳郡志胥門伍子胥宅在其旁吳地記云石碑見在今亡此門出太湖道也今水陸二門皆塞而新姑蘇臺館乃據其上 盧志胥門西門也在閩門南越絕書云姑胥門又云胥門外有九曲路閩闔造游姑胥之臺以望太湖據此則取姑胥山爲名今有胥門塘通太湖吳地記胥門水陸二路今陸路廢其後水陸二途均塞紹興中王喚作驛館據其上亦號姑蘇臺祥符圖經伍胥家於此後以諫死抉目懸於門因名續記云夫差代齊胥門巢將上軍蓋以巢所居爲號按城門皆閩闔子胥所作二說後出豈足爲據又吳

越春秋云吳懸伍胥頭以懼越軍怪妄尤不可信楚門按越絕書春申君所造楚人從之故云又吳越春秋闔門亦名破楚門 姑蘇志按子胥云懸目東門而此門在西又門名卽子胥所命亦不應以己居稱要之前說闔閭游姑胥山說近是

盤門 吳地記盤門古作蟠門嘗刻木作蟠龍鎮此厭越又云水陸相半泓洄屈曲故名盤門又云吳大帝蟠龍故名門內有武烈大帝廟在祀典東南二里有後漢破虜將軍孫堅墳又有討逆將軍孫策墳 吳郡志補注門有樓寶慶三年秋大風兩樓門俱壞紹定二年冬郡守李壽朋新作之規制視舊有加 盧志盤門西南門也陸廣微云以水陸紆回屈曲改字爲盤又云嘗有龍潛伏於此以鼓仗擊逐之卽今五樓門是也續志云舊說吳說題額視寶祐新作諸門最爲宏壯陸廣微又云吳嘗刻木作盤龍以厭越故祥符圖經云或名蛇門者皆非是

宋平江城坊攷卷五

葑門 吳地記匠門南三里又有葑門赤門赤門東南角又有魴鱖門 吳郡志引作解魴 吳曾魴鱖見因號並非八門之數也 吳郡圖經續記封門者取封禺之山以爲名封山故屬吳郡今在吳興方言謂封曰葑葑者菱土摻結可以殖殖者也其事或然 吳郡志今但曰葑門葑門陸路嘗塞范文正公開之今俗或訛呼富門 盧志封門東南門也又云葑門按梁簡文帝石象銘云望葑門而一息圖經云取封禺二山名韋昭曰山在吳郡永安縣晉改武康屬吳興今東南有朝宗蕩通吳松江續記方言謂封曰葑吳有葑田謂菱土摻結可以殖殖者也舊志引史記正義吳世家吳東門解云闔閭城無東門吳俗傳伍胥見夢越軍令從東南入越乃回向三江口岸築壇祭子胥門渠自羅城東開門入吳至今猶名示浦門曰鱖鱖又伍子胥傳吳東門解亦云東門鱖門謂鱖門也今名葑門越軍開示浦子胥以濤蕩羅城開此門有鱖鱖隨濤入故名顧野王云

鱒魚又名江豚欲風則涌據此鱒封音相近也埤倉鱒魚也說文鱒魚出樂浪番國一名江豚多膏少肉有兩乳鱒與鱒同示音奇鱒音舖鱒音浮鱒居六反陸廣微亦云葑門一名鱒解門今有浮墩非八門之數又云赤門今葑門非也門裏今有龍舌堞見朱長文詩此門陸衢中或湮塞范公希文闢以便往來至今但曰葑門吳音又訛爲傳舊此與婁齊二門俱未有樓寶祐二年新作景定末風壞婁齊二樓咸淳初重建

婁門 吳地記婁門本號嚠門東南秦時有古嚠縣至漢王莽改爲婁縣東南二里有漢吳郡太守朱梁墳本名肇避後漢和帝諱改爲梁今吳郡朱氏皆梁之後塘北有顧三老墳見存 吳郡圖經續記其東曰婁門者婁縣名也蓋因其所道也秦謂之嚠留漢謂之婁今之崑山其地一也 吳郡志婁門秦婁縣所置又謂之嚠今謂之崑山崑山縣東北三里許有村落名婁縣蓋古縣治所寓也 盧志

宋平江城坊攷卷五

五

婁門東門也越絕書云昌門到婁門九里七十二步按秦婁縣所置故名今崑山縣東北三里許有聚落尚名婁縣卽古邑也顧夷吳地記松江東北入海爲婁江今此門東指古婁江則名縣之義蓋以此耳陸廣微列作嚠未知何據

齊門 吳地記齊門北通毗陵昔齊景公女聘吳太子終纍闔閭長子夫差兄也齊女喪夫每思家國因號齊門後葬常熟海禺山東南嶺與仲雍周章等墳相近葬畢化白龍冲天而去今號爲母塚墳東二里有廬江太守關臻墳 吳郡圖經續記北曰齊門齊景公女嫁吳世子者登此以望齊也 吳郡志齊門齊景公與吳戰不勝以少女嫁吳太子終纍所謂涕泣而女於吳者終纍闔閭長子夫差兄也早亡齊女思家吳王於此作九層飛閣令女登以望齊故名陸廣微吳地記 盧志齊門東北門也越絕書云闔閭伐齊取齊女爲質子爲造齊門置於水海虛其臺在車道

左水海右吳越春秋云闔閭十年既破齊齊女爲質於吳
吳爲太子波聘之齊女少日夜號泣成病闔閭乃造北門
名曰望齊門令女往游其上女思不止病益甚曰死必葬
我虞山之巔以望齊國所謂涕泣女吳卽此事舊志引陸
廣微說作太子終纍及九層飛閣事非是

增蛇門

吳地記蛇門南面有陸無水春申造以禦越軍

在巳地以屬蛇故號蛇門前漢梅福字子真爲南昌尉
避王莽亂政得稱仙棄妻子易姓名有人見福隱市卒
卽此門也 吳郡圖經續記曰蛇門者爲其於十二位

屬巳也又云以越在巳地爲木蛇北向示越屬吳也
吳郡志吳地記謂有陸無水卽與陸門入之說相迥然
今巳位正是漕河通過安得無水但門已廢不可攷爾

盧志蛇門東南門也按吳越春秋闔閭立蛇門以象
地戶欲并越故立蛇門以制之吳在辰其位龍也故小
城南門上反羽爲兩鯢繞以象龍角越在巳其位蛇也

宋平江城坊攷卷五

六一

故南大門上有木蛇北向首內示越屬於吳也勾踐歸
國夫差送於蛇門之外羣臣祖道洛陽舊經云初吳於
陵門格南上有蛇象而作龍形越勾踐作雷門以勝之
樂書又云越擊鼓雷門而蛇門聞者妄也紹興間胡舜
申謂東南長生之水由此門入不可阻塞乾道初祕閣
沈度淳熙二年修撰韓彥古皆欲闢之不果寶祐中寓
公列言於郡趙與籙力請諸朝適有建康之命咸淳中
朝議大夫周符復以上言時黃萬石委官按視亦會改
除與乾淳間事政同識者爲之惋惜也鯢大愈切大魚似鮎
四足見玉篇吳地記春申君造以禦越軍此不足據祥符圖經誤云盤

門卽蛇門

匠門

吳地記匠門又名干將門東南水陸二路今陸路

廢出海道通大萊

一作海

松江下滬瀆闔閭使干將

於此鑄劍採五山之精合五金之英使童女三百人祭
爐神鼓囊金銀不消鐵汁不下其妻莫耶曰鐵汁不下

曰有計干將曰先師歐冶鑄劍之類不銷親鑠耳以然後成物吾何難哉可女人聘爐神當得之莫耶聞語投入爐中鐵汁出遂成二劍雄號干將作龜文雌號莫耶作鱉文餘鑄得三千並號龜文劍干將進雄劍於吳王而藏雌劍時時悲鳴憶其雄也 吳郡圖經續記曰將門者吳王使干將於此鑄寶劍今謂之匠聲之變也 吳郡志匠門又曰干將門續經止曰將門吳王使干將鑄劍於此故曰將門今謂之匠音之訛此門本出海道通大海沿松江下滬瀆今廢 盧志匠門東門也越絕書吳地記又名干將門水陸二路今陸路廢出海道通大萊城沿松江下滬瀆閩使干將於此置冶鑄劍南有封門赤門門東南又有鱣鱣門皆非八門之數今外濠葑婁之間猶有匠門塘其旁有歐冶廟干將墓或云將門聲之訛也 姑蘇志或但云將門意聲之訛或省稱也

宋平江城坊致卷五

七

赤門

吳地記匠門南三里有葑門赤門有赤欄將軍墳

在蛇門東陸無水道故名赤門赤門東南角又有魴鱣門 吳郡志引作魴鱣 吳會魴鱣見因號並非八門之數也

吳郡圖經續記南有赤門北有平門蓋不預八數

吳郡志赤門平門續經謂不在八門之數今猶有赤門灣近葑門吳地記又云又有葑門赤門栗門魴鱣門葑赤已見上魴鱣之類皆無所據 盧志赤門正南門也

續志云南方屬火故在午位今郡治南城下有大溝號水溝頭外濠水從此屈曲北入星橋祝橋出淨河橋而東流近年此道堙塞乃自祝橋而西出燕家橋矣即古赤門水道也至今盤葑之間有赤門灣乃誤指蛇爲赤蓋承府圖而然祥符圖經云赤門外有澹臺湖

平門

吳地記平門北面有水陸通毗陵子胥平齊大軍

從此門出故號平門東北三里有殷賢臣申公巫咸墳亦號巫門西北二里有吳偏將軍孫武墳西北三里有

晉醋城漢劉濞築東北三里有潁川太守陸宏墳 吳郡圖經續記平門故謂巫門巫咸所葬也 吳郡志平門一名巫門巫咸所葬巫平字畫相近 盧志平門巫門北門也並見越絕書今有平門塘

子城坊 盧志子城周一十二里高二丈五尺五寸厚二丈三尺今譙樓西小石橋是子城泄水溝石上所刻隸書云有唐乾符二年七月十四日建並勾當料匠等姓名據越絕書云吳小城門三皆有樓其一增水門其一增柴路今卽爲柴巷 姑蘇志子城在大城內東偏相傳亦子胥所築周十二里高二丈五尺五寸厚二丈三尺歷漢唐宋皆以爲郡治張士誠僭竊時爲太尉府繼經敗燬城夷圯略盡今獨存南門頽垣上置官鼓司更覆以小舍及列十二辰牌按時易之郡人呼爲鼓樓城四面舊有水道所謂錦帆徑也今亦多淤其東尙存故蹟稱爲濠股蹇按姑蘇志古跡門云錦帆徑卽舊子城濠也世傳吳王嘗作錦帆以游故名在大街西貫樂橋南北市直抵報恩寺是不獨子城四面水道稱錦帆徑也

宋平江城坊攷卷五

驛館

高麗亭 吳郡志高麗亭二一在閶門外一在盤門外舊高麗使人入朝作此亭以館之今猶仍舊名 盧志續記云其後高麗入貢又於城中闢懷遠安流二亭及盤閶之外各建大館爲賓餞之所卽范志所謂高麗亭是也

官宇

贍軍務 宋史兵志紹興四年御前軍器所言萬全雜役額五百戶部廩給有常法比申明裁減盡皆遁逃若依部所定月米五斗五升日不及二升麥四斗八升斗折錢二百日餐錢百實不足贍詔戶部裁定月米一石七斗增作一石九斗宣撫使韓世忠言本軍調發老幼隨行緣効用內有不調月糧不增給日請軍兵米二升半

錢百效用米二升錢二百乞日增給贍米一升半庶幾
戰士無家累後顧憂齊心用命詔分屯口卽陳請十三
年詔殿司諸統領將官無別供給職田日贍不足差兵
營運寢壞軍政可與月支供給統制副統制月五百五
十千統領官百千正將同正將五十千副將四十千準
備將三十千皆按月給既足其家可責後効若仍前差
兵負販從私役禁軍法所取物計贓坐之必罰無赦州
縣知而不舉同罪審按據此則各州縣自當有贍軍務
以專司其事矣 盧志廩祿門宋咸平二年興復唐制
而天下郡邑之吏皆得職田以供祭祀慶曆定制數亦
如之自知府事而下至縣官兵官各有差監贍軍酒庫
二百六石一斗三升五合審按此疑卽本圖之監酒廳
是知贍軍之費出於酒稅也又宋史職官志紹興後常
平錢多取以贍軍則知餘錢亦可贍軍也

齊昇院 吳郡志在盤門外高麗亭東一里紹興元年提

宋平江城坊攷卷五

九

舉常平張體仁創建撥沒官田供院爲常住平民死而
家不能津送者則與之棺後焚瘞焉

漏澤園 盧志一在盤門外齊昇院屬常平司一在齊門
外屬本府又紹熙元年提舉張體仁創於城西南隅施
邁爲記先是崇寧三年指揮置漏澤園取德澤下漏泉
之義又紹興十四年十二月奉旨命臨府措置庵屋募
僧人主管月給常平錢五貫米一石埋壘及二百人者
申朝廷降給紫衣一道繼准指揮令諸路州軍一體措
置施行 宋史食貨志賑卹門崇寧三年置漏澤園初
神宗詔開封府界僧寺旅寄棺柩貧不能葬今幾縣各
度官不毛地三五頃聽人安厝命僧主之葬及三千人
以上度僧一人三年與紫衣有紫衣與師號更使領事
三年願復領者聽之至是蔡京推廣爲園置籍瘞人並
深三尺毋令暴露監司巡歷檢察 審按盧志漏載本
圖所載葑婁之間一處疑在今匠門塘橋附近一名黃

花徑橋俗訛王瓜橋

吳縣尉司 教場 盧志尉廳祥符圖經云在縣南七里盤門外按尉司舊在教場西北隅紹興十四年趙伯建移於今所慶元三年趙希實重修有范希文石曼卿所書韓文公伯夷頌開禧初羅相改勅廳事以伯夷聖之清因作師清堂又有軒屋下臨大路舊名排青有羅相手植柏後改平遠黃震又改柏臺皆景定三年重修教場在其西 宋史職官志建隆二年每縣置尉一員在主簿之下奉賜並同至和二年開封祥符兩縣各增置一員掌閱習弓手戢姦禁暴凡縣不置簿則尉兼之中興沿邊諸縣間以武臣為尉並帶兼巡捉私茶鹽礬亦或文武通差隆興詔不許差瘡老疾病年六十以上之人邑大事煩則置二尉紹熙中詔恩科人年六十不差嘉定十三年詔極邊縣尉獲盜受賞班改歲以二員為額

宋平江城坊攷卷五

十一

長洲縣尉司 教場 盧志尉廳祥符圖經云在齊門外

去縣三里續志云在齊門外綠塘一里許淳熙十一年

曾復重建廳西有臺下臨塘岸扁曰奇軒

通濟院 盤門外利濟院 闔門外利濟院 對門外

祠廟

白龍母廟 吳郡圖經續記龍母廟在吳縣陽山郡中嘗

於是祈雨而應民所欽奉 吳郡金石目重建陽山西

白龍母廟記李起撰文王炎書鄭羽題蓋寶祐改元高

彥博立石行書見舊撮本所述龍母事蹟與郡志所載

略同 姑蘇志靈濟廟祀白龍神在長洲縣陽山澄照

寺初廟在山顛太平興國中移建於山南曹巷熙寧九

年又遷於此建炎間主僧覺明重修紹興二十九年賜

今額乾道四年奏封龍母為顯應夫人今載祀典春秋

祠之祝文託育著靈變化不測興雲致雨普濟萬物

吳郡志陽山靈濟廟在澄照寺旁白龍母廟也無碑碣

可攷有僧祖照者以父老相傳述其事於壁云東晉隆安中山下居民繆氏家有女及笄出行風雨暴至天地陡暗辟於今所謂龍塘之側俄有一白衣老人語女曰氏族爲誰居何所女答姓繆指山之西曰我家舍於陽山三峯之下家有父母老人曰天色如此吾無所歸欲假館待旦而前可乎女曰當告父母老人強之再三遂首肯語竟遽失老人所在女歸有姓父母惡之逐出丐食鄰里明年三月十八日至今所謂龍塚之上產一肉塊居民怪之棄水中俟焉塊破化而爲龍天矯母前若有所告其母驚絕於地卽有風雨雷電飛沙折木咫尺不辨人物之異旣開霽但見白龍昇騰而去衆乃厚葬其母自後累降巫語始祀之於山顛而雨暘失候祈禱必應太平興國間建廟於山南曹巷熙寧九年遷於澄照寺之東隅建炎間主僧覺明復一新之相傳龍子分職瀟湘每歲是日必歸山間風雨淒冷人以爲龍子誕

宋平江城坊攷卷五

日云過是山中方有春意其去也或變怪之狀見於雲間紹興十九年六月某日犇雲變隸起於是山俄頃盲風驟雨大作龍自郡城過捲去女牆數百丈居人余氏家小亭吸入雲中及有負販者被吸復墮而無傷焉又云昔有白鬚老人至鎮江江步買船自云從長沙來與船人錢十千先付五千餘錢約至蘇州陽山看親處還登舟卽令篙工悉睡日暮抵許市上岸去蓋已三百六十里矣舟人至山下尋覓值風雨大作避於廟中於像前得錢五千方悟神龍之歸乃以錢設僧供辭謝而去註胡傳記云紹興三十二年正月二日也見廬志比歲祈龍母屢應大吏以聞紹興二十九年四月詔賜靈濟廟爲額乾道四年告下封顯應夫人 盧志胡偉碑云寺前有廟龍母在東龍子在西佛殿西有仙泉唐天成二年鱗物時見紹興十二年通判楊杭帥縣官致禱鱗物遽出大雨傾至紹興中無錫唐大受郡人沈鎔虔奉祀事四年

五月立碑偉爲製文本朝載在祀典每歲一祀官爲致祭乾道四年姚憲奏封顯聖夫人其後加八字妃按羅春伯見聞錄吳中三月十九日必有風雨俗傳白龍生日余以淳熙十三年丙午至吳門是日果風雨丁未十五六間大晴意謂不驗矣已而果然范至能云五代時陽山邢氏女子未嫁忽有老翁來通之後產一龍飛去其母驚死鄉人立廟陽山後有人見龍於湘中云吾生於陽山勅爲龍於此每春二月卽歸至三月十九日卽去其來去之日必大風雨有物橫亘數峯之間日光照耀鱗甲如銀盤或如牛形而長下至僧舍飲水或見小蛇玉色宛延其母塑像或龕帳間去日若喜則晴雲數片一小蛇隱隱而去否則風雨或大風揚沙掀簸屋宇木石人物城壁嘗有賣糖者爲所挽有糖數百瓶空中撞擊其糖飄揚兒童拾而食之數日不盡嘗挽去城磚數十丈又有賣糕人忽併所立石板爲所挽上後有

宋平江城坊攷卷五

十一

士人上書責之云何爲損物害人稍無所傷潭州瀏陽有龍潭卽陽山白龍也因母怖死謫居此處旁有道吾禪院每有司禱兩主僧入院先投文潭中則回旋而下否則乘流而出若拒絕者殊有靈應他如吳人所云海鹽縣乍浦陳山有龍湫歲三月十八日吳之陽山及此多雲霧晦冥雷雨之變俗傳白龍以是日生於陽山而歸藏其母而游焉故有祠事甚嚴崇寧三年詔號顯濟廟宣和五年封龍爲淵靈侯紹熙元年加封廣惠龍母爲慶善夫人三年知海鹽縣李直養新作龍殿時廟僧夢神人告以迎龍淮上事廟碑高郵率頭湖在興化縣東十里湖心有白龍潭俗傳龍之去來不常去則浮首滿湖來則泓澄澈底人以此爲驗今平江陽山寺有興化白龍祠卽此龍別居也其遇徙而南則有迅雷甚雨巖壑晦冥棟宇震動寺僧習知遂鳴鐘鼓集梵唄設祭於祠常有小蛇宛延供具之間及其來歸湖水暴漲邑

人升高望之但見水光橫陳於葭筆之上四旁村舍漁舟皆見目前如百步之內人謂龍歸湖矣翌日有經湖來者言湖中已無寸草率以爲常紹興初承楚義軍大破金人於此湖因名得勝

寺觀

修和觀 吳郡圖經續記太和宮在盤門外其地乃唐宰相畢瑊之別業也瑊之子師顏及其子宗逸避巢寇之亂徙而家焉有戴省甄者幼孤從其母嫁畢氏宗逸無子省甄嗣之後省甄入道居開元觀開寶二年請施祖莊爲宮錢氏賜額曰太和乃與弟子吳玄芝主其締架焉王元之嘗記其事仍有詩留題 吳郡志修和觀在盤門外五里舊太和宮政和中改賜今名紹興間道士朱至仁復建 戒菴老人續吳郡志修和觀始於唐神德起運九年丞相畢誠舍別業創建祖師戴省真甄開山開寶間賜額太和宮政和中改賜今額洪武二十四年歸併玄妙觀及屋宇聖像不要歸併許令留存

宋平江城坊攷卷五

三

盧熊志修和觀在盤門外五里舊太和宮宋政和五年改賜今額 姑蘇志修和觀錢氏神德啓運九年賜額太和宮切詳瑊未嘗爲相爲相者畢誠也瑊與誠兄弟爾然王元之記亦以爲瑊未知孰是

橫塘寺 吳地記楞伽寺在縣西南二里梁天監二年置 吳郡圖經續記楞伽寺在吳縣西南橫山下其上有塔據橫山之巔隋時所建有石記存焉白樂天及皮陸有詩載集中寺旁有巨井深不可測并有石闌闌側有隋人記刻蓋楊素移郡橫山下嘗居此地又有寶積治平二寺相傳皆近建也輿地碑目治平寺在吳縣橫山下山巔有塔隋時所建石記存焉旁有巨石闌闌側有隋人記刻 吳郡志寶積寺在橫山下亦名楞伽寺山頂有塔隋人所書塔銘碑石全好字畫秀整絕類虞褚大抵隋人書法兼傳晉宋間造意甚可珍今錄之 吳郡金石目近代金石家謂治平寺王以成題記文刻於石盤誤乃刻於井口之圓石板因譌爲盤耳文曰大隋

大業七年辛未歲七月甲申朔乙酉造邑主王以成凡二十四字八分書徑六寸許 盧熊志治平寺去縣西南一十二里臨石湖之北寶積寺去縣西南一十二里在楞伽山下亦名楞伽寺 姑蘇志治平教寺在上方山下梁天監二年僧法鏡建舊名楞伽寺宋治平元年改今名寺旁有石井隋人刻字蓋楊素移郡橫山時也洪武中歸併寺一寶積寺在橫山下隋大業四年僧永光建 歸安吳氏兩壘軒藏張叔未廷濟跋拓本云塔盤乾隆四十八年癸卯燬於火此刻遂亡 馮志金石明楞伽寺重修大井記廣明元年僧茂乾記 審按據姑蘇志所稱及圖經續記所言則范志以寶積爲楞伽者有舛訛

楓橋寺 吳郡圖經續記普明禪院在吳縣西十里楓橋楓橋之名遠矣杜牧詩嘗及之張繼有晚泊一絕孫承祐嘗於此建塔近長老僧慶來住持凡四十五年修飾完備面山臨水可以游息舊或誤爲封橋今丞相王郇公頃居吳門親筆張

宋平江城坊攷卷五

古

繼一絕於石而楓字遂正 吳郡志普明禪院卽楓橋寺也在吳縣西十里舊楓橋妙利普明塔院也孫觀記 盧熊志寒山禪寺去城西十里舊名普明禪院在楓橋人或稱爲楓橋寺 姑蘇志寒山禪寺在閶門西十里楓橋下舊名妙利普明塔院宋太平興國初節度使孫承祐建浮屠七成嘉祐中改普明禪院然唐人已稱寒山寺矣相傳寒山拾得嘗止此故名然不可考也紹興四年僧法遷重建洪武中僧昌崇重脩

半塘寺 吳地記半塘法華院在縣西北七里十步東晉時置 吳郡志半塘法華院在長洲縣西北七里綵雲橋西寺有稚兒塔晉道生法師有誦法華經弟子死葬此義熙十一年商人謝本夜泊此岸聞誦經聲旦尋求見墳上生青蓮華郡以聞詔建是塔號法華院紹興七年重修鳩工之始夜聞塔中誦經聲數夕不絕魏憲有重修塔記 姑蘇志半塘壽聖教寺在九都綵雲里寺有稚兒塔宋治平間賜今額紹興七

年重建 石志其旁有龍壽庵元僧善繼血書華嚴經藏其中
虎邱志敕賜半塘壽聖院碑常楸撰並書咸淳六年七月

雲巖寺 吳郡圖經續記雲巖寺在長洲西北九里虎邱山即
晉東亭獻穆公王珣及其弟珉之宅咸和二年捨建精廬於
劍池分爲東西二寺寺皆在山下蓋自會昌廢毀後人乃移
寺山上今東寺皆爲民疇西寺半爲榛蕪矣寺中有御書閣
官廳白雲堂五聖臺登覽勝絕又有陳諫議省華王翰林禹偁
葉少列參蔣密直堂真堂寺前有生公講臺乃高僧竺道生
談法之所舊傳生公立片石以作聽徒析松枝而爲談柄其
虎跑泉陸羽井見存比歲琢石爲觀音像刻經石壁東嶺草
堂亦爲佳致惜已廢壞 葉夢得避暑錄話虎邱山晉王珣
故居珣嘗爲吳國內史故與其弟珉皆卜居吳下舊傳宅在
城內日華里今景德寺即是虎邱乃其外第爾珣與珉分東
西二宅本在山前後捨爲寺號東西寺今寺乃在山巔下瞰

宋平江城坊攷卷五

五

劍池父老以爲會昌末寺廢其地歸於民今爲田者猶能指
其故處大中初乃復遷於上則非復珣珉之舊矣寺之西亦
有小院謂之西庵蓋但存其名余大父故廬與景德寺爲鄰
自虜入寇景德寺皆焚而虎邱偶獨存其勝概猶爲吳下第
一也 吳郡志雲巖寺即虎邱山寺晉司徒王珣及其弟司
空王珉之別業也咸和二年捨以爲寺即劍池而分東西今
合爲一寺之勝聞天下四方游客過吳者未有不訪焉

盧熊志虎邱寺去縣西北九里大中祥符間名雲巖寺蓋晉
司徒王珣及其弟司空王珉之別業也咸和二年捨以爲寺
姑蘇志虎邱禪寺在虎邱山宋至道中重建景祐中建御
書閣紹熙中宗達建藏殿張浚記尋皆燬於兵元祐至元四
年僧普明重建黃潛記永樂初重修楊榮記

西庵 吳郡圖經續記西庵禪院在虎邱西本屬雲巖後別爲
院蓋亦古西寺之地近歲頗增葺 盧志宋和靖先生尹肅
公祠堂在虎邱西庵公洛陽人程門高弟以篤行稱紹興中

辭禮部侍郎退而讀書於此者纔一歲榜所寓曰三畏齋嘉定七年知府陳芾通判丁熿始繪象祠之黃幹爲記
叢家庵 氏族譜堯時有叢枝見莊子今山東文登縣多此姓池北偶談謂係金日磾後其子孫遷文登縣之叢家峴因氏焉明有叢蘭

張家庵

橋梁

短橋

盤門外

吳郡志盧志著錄云見祥符圖經姑蘇志亦著

錄

堰橋

吳郡志著錄作堰橋盧志作堰橋云見祥符圖經姑蘇志亦作堰橋又清隱庵在盤門外舊堰橋南

虹橋

吳郡志作埤橋盧志虹橋跨運河上開禧二年重造更名如京橋周虎書二大字刻其下虹音絳俗書作埤

新橋

吳郡志新橋在盤門分爲三橋者製度甚宏而又著錄吳門橋與本圖合 盧志新橋卽吳門橋續記云

宋平江城坊攷卷五

六

盤門南出徒行趨諸鄉至木瀆者每以舟濟運河又當兩派交流之間頗爲深廣自昔未有爲梁者章帖爲郡有石氏請出錢造橋橋復分爲三往來便之紹定中重建環以三石洞尤爲壯偉號吳門橋

胥門橋

吳郡志著錄云見舊經盧志亦著錄

閶門外

虹橋

吳郡志盧志均著錄 姑蘇志虹橋閶門外初木爲之元時郡人鄧文貴易以石後復以木俗名釣橋成化六年改名永濟元虞集黃潛均有記

山塘橋 吳郡志盧志王志均著錄

渡僧橋

吳郡志著錄 盧志度僧橋跨運河咸淳十年重建

姑蘇志

釣橋西北 吳郡金石目攷渡僧橋石刻咸淳十年十月文云九卷洞橋者卷環古轉聲潛尙書者爲潛說友

後題上高都料作頭及監董贊助幹緣勸緣撰疏等名

彩雲橋

吳郡志半塘寺前 盧志彩雲橋在半塘寺政和元

年重建

楓橋 吳郡志楓橋在閶門外九里道傍自古有名南北客經由未有不憩此橋而題詠者事具楓橋普明院 又三瑞堂在閶門之西楓橋孝子姚淳所居家世業儒以孝稱蘇文忠公往來必訪之嘗為賦三瑞堂詩姚氏致香為獻公不受以書抵虎邱通長老云姚君篤善好事其意極可嘉然不須以物見遺惠香八十罐却託還之已領其厚意實為他相識所惠皆不留故也 盧志楓橋去閶門七里豹隱紀談云舊作封橋王郇公居吳時書張繼詩刻石作楓字相承至今天平寺藏經多唐人書背有封橋常住四字朱印知府吳潛至寺賦詩云借問封橋橋畔人筆史言之潛不肯改信有據也翁逢龍亦有詩且云寺有藏經題至和三年曹文迺寫施封橋寺作楓者非熊嘗見佛書曹氏所寫益可信云又楓涇橋通魯般塘即此

半塘寺前橋

宋平江城坊攷卷五

七

涇橋

吳郡志姑蘇志均著錄 盧志失載

便山橋

吳郡志虎邱寺前 盧志在虎邱山前

齊門外

虹橋

吳郡志著錄 盧志齊門外虹橋即大寧橋 姑蘇志

太寧橋齊門外釣橋

婁門外

虹橋

吳郡志盧志均著錄 姑蘇志虹橋婁門外釣橋宋慶

元中建

葑門外

斜橋

吳郡志盧志均著錄 姑蘇志斜橋安里橋旁今圯

安里橋

范盧二志均著錄 姑蘇志在葑門

山

虎邱山

吳地記虎邱山避唐太祖諱改為武邱又名海湧山

在吳縣西北九里二百步闔閭葬此山中發五郡之人作冢銅槨三重水銀灌體金銀為坑史記云闔閭塚在吳縣閶門

外以十萬人治塚取土臨湖葬經三日白虎踞其上故名虎邱山吳越春秋云闔閭葬虎邱十萬人治葬經三日金精化為白虎蹲其上因號虎山秦始皇東巡至虎邱求吳王寶劍其虎當墳而踞始皇以劍擊之不及僕中于石遺跡尙存其虎西走二十五里忽失於今虎嘍唐諱虎錢氏諱嚙改爲潞墅劍無復獲乃陷成池故號劍池池旁有石可坐千人號千人石其山本晉司徒王珣與弟司空王珉別墅咸和二年舍山宅爲東西二寺立祠於山寺側有真娘墓吳國之佳麗也行客才子多題詩墓上有舉子譚銖作詩一絕其後人稍稍息筆吳郡圖經續記虎邱山在吳縣西北九里舊經載之已詳吳越春秋越絕書之類皆以爲闔閭所葬有遠精之異故名虎邱然觀其巖壑之勢出於天成疑先有是邱而闔閭因之以葬也晉王珣撰山銘云虎邱先名海涌山又云山大勢四面周嶺南則是山逕兩面壁立交林上合升降窈窕亦不卒至蓋得其實褚淵嘗歎曰今人所稱多過其實今觀虎邱逾於所聞故傳以爲江左邱壑之表云舊傳秦始皇求劍地裂爲池太平寰宇記云山澗是孫權所發以求闔閭寶器是非未可必也澗側有平石可容千人故謂之千人坐俗傳因生公講法得名吳郡志虎邱山又名海湧山在郡西北五里遙望平田中小邱吳地記云去吳縣西九里二百步高一百三十尺周二百十丈比入山則泉石奇詭應接不暇其最者劍池千人坐也劍池吳王闔閭葬其下以扁諸魚腸等劍三千殉焉故以劍名池葬之三日有白虎踞其上故山名虎邱唐避諱曰武邱劍池浙中絕景兩岸畫開中涵石泉深不可測王禹偁序蘇文忠公軾詩形容甚工千人坐生公講經處也大石盤陀數畝高下如削刻亦它山所無又有秦王試劍石點頭石憨憨泉皆山中之景好事者云天下名山所見不及所聞獨虎邱所聞不及所見也其故事載傳記尤多晉王珣虎邱記曰山大勢四面周回嶺南則是山徑兩面壁立交林上合蹊路下通升降窈窕亦不卒至珣又爲銘序云

武邱山先名海湧山吳越春秋曰闔閭死葬於國西北虎邱穿土爲山積壤爲邱餘見雲巖寺及往迹考證冢墓等門盧志顧野王虎邱山序云高不抗雲深無藏影卑非培塿淺異棘林路若絕而復通石將斷而更綴抑巨麗之名山信大吳之勝壤也御史中丞沈禮明等游山賦詩並書屋壁梁郡守謝舉有虎邱山賦宋何求及二弟點胤陳顧越唐史德義並隱此山紹興中洛人尹焯游地山中書堂存焉舊有東西二寺卽王珣別館皆在山下隋著作王劭諸州舍利感應記虎邱山寺其地是晉司徒王珣琴臺他書未之見今雲巖寺踞其上山半大石陂陀數畝高下如刻削因其僧竺道生於此說法號千人坐石他山所無白蓮池虎跑泉亦王公遺跡陸羽泉卽藏殿側石井俗名觀音泉試劍石因大石中裂故名及望海樓真娘墓皆爲古人賦詠陸友云虎邱有清遠道士養鶴澗未詳所在按虎跑泉之名見續圖經而此山不著惟路側有憨憨泉恐卽虎跑泉今橫山自有醴醴泉在寶華寺

陽山 吳郡圖經續記陽山在吳縣西北三十里一名秦餘杭山一名四飛山有白堊可用坊塿潔白如粉唐時歲以供進故亦曰白礬山吳越春秋云越王葬夫差於秦餘杭山卑猶蓋卽此山也今澄照寺白蓮院在其下 吳郡志秦餘杭山卽陽山也越入吳夫差晝夜馳走達於秦餘杭飢得生稻而食之曰公孫聖所言不得火食走倥傯耶呼公孫聖三呼三應夫差大懼有頃越兵大至遂擒之 盧志秦餘杭山卽陽山也在縣北三十里一名四飛山一名白善山郡國志云一名萬安山戰國策云越王以散卒三千禽夫差於干隧在吳縣西北史記正義云干隧在萬安山西南一里又云夫差棲於姑蘇山轉戰西北敗於干隧在蘇州西北四十里萬安山有遂山吳越春秋云越王葬夫差於此越絕書云秦餘杭山越王棲吳夫差山也去縣五十里有湖水近太湖又云越敗吳於秦餘杭山禽夫差祥符圖經云山出白礬每歲官取萬餘斤爲錢塘寶興監鑄錢之用又可坊塿潔白如粉續志云

下有澄照寺謝濤讀書處又有白蓮院白龍洞 姑蘇志陽山一名秦餘杭山一名萬安在城西北三十里高八百五十餘丈逶迤二十餘里以其背陰面陽故曰陽亦云四飛以四面視之勢若飛動也大峯一十五而箭缺爲絕頂 相傳秦皇射於此故其下有射瀆戰國策云越王以散卒三千禽夫差於干隧今萬安山有遂山卽其地也箭缺下有文殊寺寺內石井大旱不涸有白龍洞嶺西有龍母冢東北有白鶴山以丁令威宅名山產白蟾亦名白蟾嶺又名白蓮峯以下有白蓮寺也今名澄照寺其前有龍湫白龍廟在焉自此一支東北過金芝嶺曰管山亦曰罐山山北大石湧出如蓮花上有雲泉庵西爲陽抱山西北彭山温山圖山皆近太湖其北竹青塘又北曰雞籠山又北曰甌山 山頂有七竅如瓦甌故名東南有象山卽福壽山盤迴不絕至南瓜山過爬石嶺而北北瓜山又徐侯山在陽山西北十里一名卑猶一名徐杭吳越春秋越王乃葬吳王以禮於秦餘杭山卑猶卽此山也越絕書云夫差冢在

宋平江城坊攷卷五

猶亭西卑猶位索隱曰猶亭亭名卑猶位三字共爲地名其下有沈尤村其西南出錦峯南出玉遮東南則鳳現嶺過嶺爲鳳皇山晉太康二年掘地得石鳳故名又南爲賀九嶺 相傳吳王於此慶賀重九崖壁有賀九嶺三大字過東南則爲花山 吳地記餘杭山又名四飛山在吳縣西北三十里有漢豫章太守陸烈墓東二里有漢山陰縣令陸寂墳山有白土如玉光潤吳中每取以充貢號曰石脂亦曰白堊白礬東三里有夫差義子墳十八所澄照山 陽山中之一峯白龍廟在此

何山 盧志何山在縣西南一十五里有廟 姑蘇志何山在獅山北一里其地舊名鶴邑墟故山名鶴阜山因梁隱士何求何點葬此改今名其坡有資福寺范志以若粵山爲鶴阜山吳郡志何求字子有其先盧江人何氏過江自司空充並葬吳西爲吳人求除中書郎不拜隱居波若寺足不踰戶人莫見其面宋明帝崩出奔國哀除永嘉太守求時寄住南澗寺不肯詣臺乞於寺拜受見許一夕忽乘小船逃歸吳隱武邱

山齊拜大中大夫又不就第點仕梁點字子皙求之弟居喪幾至滅性真素通素博通羣書善談論無所與屈世以點爲孝隱士弟胤爲小隱士士大夫多慕往之兄求卒於武邱點菜食不飲酒三年腰帶減半宋齊之間累詔不就嘗患渴累歲不愈後在吳中石佛寺講所晝寢夢一道人形貌非常授丸一掬夢中服之自此而差時人以爲純德所感 審按范志鶴阜山亦作峯萼山世傳禹治水時令童男童女入太湖引出此山欲以填水至鶴邑墟不肯進因此以名或云卽師子山也是訛認師子何山爲一矣

峯萼山 吳地記萼萼山在吳縣西十二里吳王僚葬此山中
有寺號思益梁天監二年置 吳郡圖經續記峯萼山在吳縣西南一十五里圖經云形如師子今以此名山也酈善長以此爲峯嶺山云俗說此山本在太湖中禹治水移進近吳又東及西南有兩山山皆有石如卷峯云禹所用牽山也太湖中有淺地長老云自峯嶺山麓自此以東差深蓋閭巷之

宋平江城坊攷卷五

談云吳地記云吳王僚葬此山山旁有寺曰思益游樂天嘗之 盧志峯萼山在縣西南十五里俗因其形名爲師子山 吳地記云吳王僚葬此山傍有思益寺按越絕書峯雄山故爲鶴阜山禹游天下引湖中柯山置之鶴阜更名峯雄又云峯雄山南有大石故爲墜星去縣二十里水經云吳國西十八里有峯嶺山俗說此本在太湖中禹治水移進近東又西南有二小山皆有石如卷峯云禹所用牽山也太湖中有淺地長老云是峯嶺山蹠自此以東差深也言是牽山之溝此山去太湖三十餘里前志云禹治水時令童男童女入太湖引出此山欲以填水至鶴邑不肯進因名鶴阜山山上有石巷兩小山今右曰鈴山左曰索山朱伯原謂牽山之事蓋閭巷之談因古詩所載姑存之熊按鶴邑卽鶴阜豈越絕所謂灌邑歟 姑蘇志峯萼在金山東俗稱獅子山以形名山南有大石相傳爲墜星今其東有落星涇山右有土阜曰鈴山左曰索山皆以獅子名山南頂上有巨石二如樓云是獅子

兩耳自元以來鑿石且盡

高景山 盧志高景山在縣西北三十里越絕書作高頸 姑蘇志高景山在定山羊山北三里自天平來漫衍數里至此而止越絕書作高頸山其西麓對花山覺林厓谷盤拱處曰金盆塢宋魏文清墓在焉其南爲斜堰鎮

華山 吳地記花山在吳縣西三十里其山蒼鬱幽邃晉太康二年生千葉石蓮花因名山東二里有胥屏亭吳王闔閭置吳郡圖經續記華山在吳縣西六十里於羣山獨秀望之如屏長林荒楚蒼鬱幽邃或登其巔者見有石如蓮華狀蓋亦以此得名或云晉太康中嘗生千葉蓮華也老子枕中記謂可以度難蓋巖穴深遠宜就隱也舊有與教院院據山半近歲改爲禪刹 吳郡志華山在吳縣西六十三里老子枕中記云吳西界有華山可以度難父老云山頂北有池上生千葉蓮華服之羽化因曰華山長林森天荒楚蔽目輿地志云山上有石鼓晉隆安中鳴乃有孫恩之亂比年有土人張

宋平江城坊攷卷五

氏買此山以葬開鑿巖石甚奇勝山半有大壑曰天池最佳處也 盧志華山在縣西六十三里 姑蘇志花山舊名華山去陽山東南五里山石峭拔巖壑深秀相傳山頂有池生千葉蓮服之羽化故名續圖經云或登其巔見有狀如蓮華老子枕中記云吳西界有華山可以度難疑卽此也山半有池在絕巘橫浸山腹逾數十丈故又名天池山石屋二間四壁皆鑿浮屠象又有龜巢石秀屏虎跑泉蒼玉洞紹興中張漢卿嘗居此號就隱山

南峯山 北峯山 盧志支硎山在縣西南二十五里所謂南峯東峯蓋山之支隴又有中峯北峯皆一山也晉沙門支遁道林嘗惕息於此相傳道林冬居石室夏隱別峯所遺故物有鐵柱杖鐵燈籠之屬有放鶴亭馬蹟石皆因之得名今南上雙跡類號泐者後人以小塔識其處其碧琳泉待月嶺石池新泉自昔著稱或云平石爲硎山有平石故因支遁以支硎爲號山中有楞伽院卽古報恩寺基吳越時觀音院也又

天峯院卽唐支山院五代南峯也及中峯北峯院皆在焉寰
宇記云定山在縣西二十一里按楞伽院石記云乾德二年
當州奏帖付蘇州西封定山龍宮里報恩寺勅賜觀音院豈
定山卽支硎之別號耶又按道林在吳縣土山墓下集同意
者合八關齋時道士白衣凡二十四人道林作詩三章攷之
越絕書土山者春申君治爲貴人塚次去縣十六里疑卽道
林齋會之地去支硎爲近者古今名號不同當俟知者按玉
篇吳有臨硎硎音耕切吳都賦云右號臨硎音同上 豈卽支硎
耶蘇州西封謂在州之西境道士卽沙門謂學道之士祥符
蘇州圖經云定山在浙江中又引謝靈運詩爲證按錢塘江
中定山又名浙山與此定山不同贊寧高僧傳剡縣洪州山
西北有支遁嶺養馬坡放鶴岑 姑蘇志支硎山在龍池山
東北以晉支遁嘗居此而山多平石故名山有石室寒泉遁
詩云石室可蔽身寒泉濯温手相傳遁冬居石室夏隱別峯
也泉上刻紫巖居士虞廷臣書寒泉二字徑丈又有放鶴亭

宋平江城坊攷卷五

三

馬跡石皆以遁得名山有南峯寺及中峯北峯二院北峯宣
德間移於鷄窠嶺中峯在寒泉上又名楞伽院南峯一名天
峯卽唐支小院也有碧琳泉待月嶺南池新泉馬坡本名養馬
坡諺云馬婆泉者誤也坡南有石門乃三巨石直上千霄西連危
峯東臨絕壑中猶棖臬然又有牛頭峯在寺峯門下東趾有
觀音寺故又名觀音山 又定山在支硎西相傳支遁創報
恩寺於其麓於此禪定故云舊志疑定山卽支硎之別號非
也其旁又有羊山與長洲縣分界

天平山 吳郡圖經續記天平山在吳縣西二十里巍然特高
羣峯拱揖郡之鎮也林木秀潤瞻之可愛遊者陟危磴攀巨
石乃至山腹其上有亭亭側清泉泠泠不竭所謂白雲泉也
自白樂天題以絕句范文正公繼之大篇名遂顯於世有卓
筆峯臥龍峯巾子峯五丈峯石龜照湖鑑毛魚池大小石屋
蓋因好事者得名 吳郡志天平山在吳縣西二十里此山
在吳中最爲蒼翠高聳一峯端正特立續圖經以爲吳鎮不

誣也山皆奇石卓筆峯爲最山半白雲泉亦爲吳中第一水
比年有寺僧師壽搜採巖巒別立數亭皆奇峭又於白雲之
上石壁中得一泉如綫尤清冽云 盧志天平山在縣西二
十里巍然特高羣峯拱揖郡之鎮也其林木亦秀潤可愛山
皆奇石環形異狀可喜可愕其卓筆峯爲最峯高數丈截然
立雙石之上坳著甚臬兀若將隊者餘者如屏如壘或甬或
倚備極奇怪飛來峯高二丈上銳下侈微坳盤石前臨崖谷
茲其異也大石屋三面壁立覆以二大石小石屋一石覆之
又小巖有蓋斜蔽其頂谷云頭陀又有五丈峯亦閣石上及臥
龍峯巾子峯飛來峯照湖鑑毛魚池皆山中奇跡寺後山頂
正平望湖臺卽遠公庵遺址山半有亭乃白雲泉所出爲吳
中第一水別有石壁中一泉如綫尤清冽宅如龍門穿山洞
蟾蜍石龍頭石靈龜石釣魚石皆奇山下有白雲寺宋參政
范魏公奏請賜名及公之先壠在焉山東皆翁家山鷄籠山
姑蘇志山有古松蟠糾如蓋者曰華蓋松南趾有白雲寺

宋平江城坊攷卷五

五

范文正公祖墓在焉其西有筆架峯其後羣石林立名萬笏
林

白坡山

赤山 姑蘇志秦臺山在天平之右與笏林相鄰其南則羊腸
嶺嶺右爲白羊山嶺之南爲赤山長可數里土石多赭色洪
武初詩人楊基家其下 又仰天山在赤山之東

明因山

卽橫山

吳地記明因院在縣西南二十五里晉天福

九年置後改爲薦福院 吳郡圖經續記明因禪院在橫山

下廣陵王元璩墓在其旁故號薦福昔義懷禪師居此終焉

院有藏經故傳廣陵姬媵所書 吳郡志明因禪院在吳縣

西南橫山下卽薦福山感慈禪院也 姑蘇志宋僧璿玠唯

廣重建凌民瞻記 吳地記橫山又名據湖山在吳縣西南

十六里中有朱植墳 吳郡志引作朱桓或形訛或避宋諱也及晉門

下侍郎陸雲墳 吳郡圖經記續橫山在吳縣西南十道誌

云山四面皆橫蓋以此得其名也又名踞湖山踞或作據山中

有陸雲墓今未審其處也觀是山鎮此邦之西南臨湖控越實吳時要地隋開皇中嘗遷郡於橫山東亦以是山爲屏蔽也山周圍甚廣環以佛刹如薦福楞伽寶華堯峯之類皆在焉薦福旁有五塢皇祐間篇度推官馬雲與山人仇道名之曰芳桂曰修竹曰飛泉曰丹霞曰白雲蓋因其佛象云 吳郡志踞湖山卽橫山也在城西南十五里以其背臨太湖若箕踞之勢然錢氏有國日造寺於山下曰薦福寺至今里人不以踞湖名山或以寺名各之山有五大塢圖經又云五塢山五塢舊名不雅皇祐五年節度推官馬雲三游此山求其林澗之美峯壑之秀雲景之麗泉石之怪因其物象各以美名各五塢踞湖卽總五湖之衆名爲六題焉 盧志橫山在縣西南二十五里隋志有之 姑蘇志後人又以堪輿家稱爲九龍隔山中舊有朱桓陸雲顧野王墳

靈巖山 吳地記胥屏亭東二里有館娃宮吳人呼西施作娃夫差置今靈巖山是也山上有池旱亦不涸中有草甚美夏

宋平江城坊攷卷五

五

食之則去熱吳中以爲佳品 吳郡圖經續記硯石山在吳縣西二十一里山西有石鼓亦名石鼓山越絕書云吳人於硯石置館娃宮楊雄方言謂吳人呼美女爲娃蓋以西子得名耳吳都賦云幸乎館娃之宮張女樂而娛羣臣卽謂此也山頂有三池一曰月池曰硯池曰玩華池雖旱不竭其中有水葵甚美蓋吳時所鑿也山上舊傳有琴臺又有響屨廊或曰鳴屨廊以梗梓藉其地西子行則有聲故以名云下有石室今存俗傳吳王囚范蠡之地山相連屬有雙村其山出石可以爲硯蓋硯石之名不虛也嘗登靈巖之巔俯具區瞰洞庭烟濤浩渺一目千里而碧巖翠塢點綴於滄波之間誠絕景也或曰晉陸玩施宅爲寺卽靈巖寺也 吳郡志靈巖山卽古石鼓山又名硯石山董監吳地記案郡國志曰吳王離宮在石鼓山越王獻西施於此山山有石馬望之如人騎南有石鼓鳴卽兵起亦名硯石山又有琴臺在其上越絕書云吳人於硯石山作館娃宮吳人呼美女爲娃故三都賦云幸

於館娃之宮張女樂而娛羣臣今吳縣有館娃鄉又云硯石
山有石城去姑蘇山十里闔閭養越美人於此上有兩湖湖
中有尊充貢按此卽今靈巖山以上皆董監所記今按吳越
春秋吳地記等書云闔閭城西有山號硯石山高三百六十
丈去人烟三里在吳縣西三十里上有吳館娃宮琴臺響屨
廊山上有西施洞硯池翫月池山頂之池有葵蕪夏能去熱
秋則去寒吳中每年曝乾供進其池至旱不竭葵蕪今不復
採琴臺下有偃松身臥於地兩頭崛起交蔭如蓋不見根
之所自出吳人以爲奇賞比年雷震一枝已瘁山下平瞰太
湖及洞庭兩山滴翠叢碧在白銀世界中亦宇內絕景山前
十里有採香徑斜橫如臥箭云梁天監中始置秀峯寺今爲
顯親崇報禪院 盧志山南有石射棚周益公游琴臺下視
川原華麗太湖數百里悉在眼中 姑蘇志靈巖山在天平
之南一名石鼓山又有石馬望如人騎館娃宮在焉西施洞
響屨廊香水溪吳王井皆其迹也其詳互見古跡山巔有琴
臺刻字猶存又有硯池翫花池山頂別有石池相傳生葵蕪
今不復見靈巖寺在焉近燬惟一塔存耳

宋平江城坊攷卷五

五

穹窿山 吳郡圖經續記穹窿山在吳縣西六十里舊傳赤松
子食桂寔石脂絕食仙去嘗於此採赤石脂吳都賦云赤須
蟬蛻而坳麗謂此也 吳郡志穹窿山吳中山最高深處赤
松子秦穆公魚吏也有寺名福臻 盧志穹窿山在縣西南六十
里越絕書云由鍾窮隆山者古赤松子所取赤石脂也子胥
死民思祭之又云漢武帝元封元年陽都侯歸義由鐘 由鐘
未詳故吳都賦云赤須蟬蛻而坳麗謂此晉陽泉五湖賦云
穹窿紆曲蓋此山實峻而深其形如釵郡之鎮也山有福臻
寺初學記引董監吳地記穹崇山東兩領相趨名曰銅領陸
龜蒙亦云太湖中穹崇山有銅闕熊按窮隆穹崇卽此山也
按神仙傳赤須子豐人也秦穆公主魚吏食柏實赤脂後去
之吳山吳都賦注但云後去之吳不云吳山 寰宇記涇州吳山縣有
吳山在縣西亦名吳嶽漢志吳山作研縣古文以爲研國語

謂之西吳豈說者以吳山訛爲吳郡之山遂以赤須爲赤松耶 姑蘇志穹窿山比陽山尤高五湖賦云穹窿紆曲蓋此峯實峻而深形如釵股吳地記兩嶺相趨名曰銅嶺越絕書謂古赤松子取赤石脂處又神仙傳赤鬚子豐人秦穆公魚吏也食柏實石脂絕穀後往吳山升僊去卽穹窿山也山高而平其頂方廣可百畝中壘石爲龕名國師菴半山有泉名法雨四時流不絕下注石堰可以灌田山東嶺下有盤石高廣丈許相傳朱買臣讀書其上後人號爲讀書臺穹窿寺在焉其北有紫藤塢百丈泉海雲庵西址有白馬寺

黃山 盧志在縣西南二十五里隋志有之諸山高下相聯俗稱筆格山按隋志王世充破劉元進坑其衆於黃亭澗卽此地也 姑蘇志黃山在茶磨山北四里胥塘之北諸峯高下相連俗稱筆格山隋志載王世充破劉元進坑其衆於黃亭澗疑卽此山其西山之半有二石洞深可三四丈俗名虎洞高峯山 姑蘇志胥山在太湖口今太湖口爲胥口其外爲胥

宋平江城坊攷卷五

五

湖南有高峯山 盧志胥山南有高峯院

治平山 姑蘇志楞伽山一名上方山在吳山東北其頂有淨屠五通廟在其下東南麓有丁家山唐人丁公著父喪負土作冢故名其北爲寶積山寶積寺在焉其北爲吳王郊臺東北爲茶磨嶼以其三面臨水故云嶼俗云盤磨山東南麓有普陀巖巖前石池深峻厓絕石梁跨其上兩崖壁立蘿木交映特爲奇勝案餘詳見橫塘寺下引姑蘇志

洞庭東山 盧志莫釐山在縣西七十里顧夷吳地記云莫里山洞庭記云本名毋山 毋音無 卽東山也相傳以爲莫釐將軍因以名山或謂西南山亦有將軍峯號吳猛者故兩山少有文士 姑蘇志莫釐山相傳莫釐將軍所居一名胥毋 音無以其在洞庭之東稱東洞庭山其山周圍八十里視西洞庭差小而岡巒起伏廬聚物產大略相同所不同者西石清而潤東石黃而燥西宜黎東宜枇杷西有兔無雉東有雉無兔耳山有九寺法海翠峯靈源最勝

洞庭西山 吳郡圖經續記包山在震澤中山有林屋洞昔吳王嘗使靈威丈人入洞穴十七日不能窮得靈寶五符以獻卽此洞也水經注云山有洞室入地潛行北通琅耶東武俗謂之洞庭魯哀公元年夫差敗越於夫椒蓋卽此山也或曰太湖中別有夫椒山蓋與此山不遠可以通稱湖中之山有謂之大雷者小雷者三山者昔人或號爲三山湖舊傳震澤有七十二山惟洞庭山最巨耳樂天嘗泛舟洞庭著於篇什陸龜蒙皮日休有太湖詩二十篇如神景宮毛公壇縹緲峯桃花塢明月灣練瀆投龍潭孤園村上真觀銷夏灣聖姑廟菴裏石版之類皆在此山蘇子美云洞庭民俗真朴歲歷未嘗有訴訟至縣吏庭下以桑柘甘柚爲常產每秋高霜餘丹葩朱實與長松茂木相差於巖壑望之若金翠圖繪之可愛云 吳郡志洞庭包山卽洞庭山也傳記所載多與洞庭相雜吳地記在縣西一百三十里中有洞庭深遠世莫能測吳王使靈威丈人入洞穴十七日不能盡因得禹書郡國志洞

庭山有宮五門東通林屋西達峨眉南接羅浮北連岱嶽東有石樓樓下兩石扣之清越所謂神鉦昔有青童乘獨飄飛輪之車尙傳至此其跡上有天帝壇山山有金牛穴吳孫權今人掘金石化爲牛走上山其跡存焉吳王闔閭作水精宮於此尤極水府之珍怪元中記云吳國西有具區澤中包山有洞庭入地下潛行通琅耶東武淮南子云斷修蛇於洞庭左傳云哀公元年夫差敗越於夫椒今太湖東別有夫椒山下有大洞大宮潛通五嶽又云包山上舊無三斑謂蛇虎雉侯景亂後乃有蛇虎五符云林屋山一名包山在太湖中下有洞潛通天岳號天后別宮夏禹治水平後藏五符於此吳王闔閭使靈威丈人入山所得是也真誥云包山下有石室銀房圍百里又有白芝隱泉其水紫色元中記云吳國西有具區中有包山洞庭地下潛通琅耶東武山山穴道一名椒山哀公九年越敗吳夫差於夫椒卽此是又名洞庭山吳大帝時使人行二十餘里而返云上聞波浪聲有大蝙蝠如鳥

拂殺火穴中高處照不見巔左右多有道人馬跡禹治水過會稽夢人衣元纁告治水法在此山北鈿函中並不死方禹得藏於包山石室吳人得之不曉問孔子云王居殿赤烏銜集庭此何文字曰此禹石函文也元中記又曰吳西具區澤中包山有洞庭室戰國策曰越王散卒三千擒夫差於千隧吳郡西北有地名千隧是也勾曲山聞有靈府洞庭四開古人謂爲天壇之靈區天后之便闕清虛之東牕林屋之隔沓衆洞相通七塗九便四方交達天后者林屋洞中之真君住在太湖包山下有石室銀戶方圓百里中有白芝亦名林屋山今洞庭山在太湖湖中有東西二山西山最廣林屋洞及諸故物悉在焉東山有柳毅井爲古迹房瑄云不游興德洞庭未見山水興德杭州寺也林屋館卽洞庭前代蓋有宮館非今龍宇處也 盧志周處風土記云包山洞穴潛行地中無所不通謂之洞庭地脈道書云林屋洞是十大洞天之首九洞一名左神幽虛之天洞有三門同會一穴內有石門爲

宋平江城坊攷卷五

五

隔凡一名兩洞一名賜谷洞向東更有丙洞中有石室銀房石鐘石鼓金庭玉柱又有白芝隱泉金沙龍盆魚乳泉石燕或云是蝙蝠洞側有神景宮唐時歲遣使投龍醮祭及毛公壇在焉漢王璋玄韓崇劉根梁楊超遠葉道昌唐周隱遙唐若山皆於此學道玄中記云山上舊無三班謂虎蛇雉侯景亂後有虎蛇爲害所出弓弩材絲棉甘橘椒茶梔子等山最高者縹緲峯望之意其一島而重岡複嶺四野廣袤雞鳴犬吠中設井邑仙庭佛刹鐘磬相聞最爲勝絕唐房瑄云不游興德洞庭未見山水信非溢美云興德杭州寺也 姑蘇志洞庭山在太湖中一名包山以四面水包之故名或又謂包公嘗居之陶隱居云包公爲句容人鮑觀 又名林屋山山週圍一百三十五里遙望一島而重岡複嶺茂林平野鐘梵相聞閭巷井舍不異市邑卽其地如人區別境其諸峯皆秀異而縹緲峯會高登其巔則吳越諸山隱隱在目又有上方下方石公龍頭金鐸相傳吳王藏金鐸於此渡渚 吳王嘗於此渡軍 諸山雖皆

山之支隴而逶迤起伏靈棲邃構隨高下各擅勝處有名叢
林凡十有八而林屋洞毛公壇桃花塢消夏灣菴裏諸迹尤
爲奇勝所產柑橘特佳所謂洞庭柑也

增三腦堆 案三腦堆疑三老墩之音轉吳郡圖經續記顧
三老墳在婁門外塘北蓋顧綜墳也綜字文緯吳人辟有道
歷御史大夫尚書令殿上三老漢明帝襲三代之禮正月上
踐辟雍嚴設几杖乞言受誨焉吳丞相雍其裔孫也綜於東
漢書無傳事見顧况所撰廟庭碑銘云刊石婁門德輝不滅
碑亡姑蘇志三老顧綜墳在婁門外塘北與朱梁墳相直

古迹

越城 吳郡志越城在胥門外越伐吳吳王在姑蘇越築此城
以逼之城堞髣髴具在高者猶丈餘闊亦三丈而幅員不甚
廣史記正義吳東門解引吳俗傳云子胥亡後越從松江北
開渠至橫山東北築城伐吳據此文卽今越城正是舊跡
盧志越王城在吳縣西南胥門外一云越城又云勾踐城越

宋平江城坊攷卷五

三十一

伐吳吳王在姑蘇築此城以逼之城堞髣髴具在

吳城 吳郡圖經續記魚城在吳縣西橫山下遺址尙存蓋吳
王控越之地宜爲吳城謂之魚城誤也橫山之旁岡勢如城
郭狀今猶隱隱然 吳郡志魚城在越來溪西吳王游姑蘇
築此城以養魚引吳地記 姑蘇志周益公南歸錄云魚城在
田間基厚而方其高二丈博倍之爲田百二十畝土極細故
久不壞 盧志魚城在縣西二十五里橫山下越來溪西吳
王養魚處吳地記云胥門西南二十里舊圖經云養魚城今
屬練墟趙氏

琴臺 姑蘇志琴臺在靈巖山

姑蘇臺 吳郡志姑蘇臺在姑蘇山舊圖經云在吳縣西三十
里續圖經云三十五里一名姑蘇一名姑餘史記正義云在
吳縣西南三十里橫山西北麓姑蘇山上山水記云闔閭作
春秋游焉又云夫差作臺三年不成積材五年乃成造九曲
路高見三百里勾踐欲伐吳於是作柵楣嬰以白璧鏤以黃

金狀如龍蛇獻吳王吳王大悅受以起此臺越絕書云闔閭造九曲路以游姑胥之臺柵楮之義未詳此柵所謂神木一雙大二十圍長五十尋者吳王將起臺子胥諫曰王既變禹之功而高高下下以罷民於姑蘇吳民離矣弗聽洞冥記云吳王夫差築姑蘇之臺三年乃成周旋詰屈橫亘五里崇飾土木彈耗人力宮妓千人臺上別立春宵宮爲長夜之飲造千石酒鍾又作天池池中造青龍舟舟中盛致妓樂日與西施爲嬉又於宮中作海靈館館娃閣銅溝玉檻宮之楹榱皆珠玉飾之吳地記云闔閭十一年起臺於姑蘇山因山爲名西南去國三十五里夫差復高而飾之越伐吳焚之又云闔閭十年築經五年始成高三百丈望見三百里造曲路以登臨吳王春夏游姑蘇臺秋冬游館娃宮興樂華池南城之宮又獵於長洲之苑太史公云余登姑蘇望五湖案五湖去此臺尙二十餘里越絕書云夫差伐齊越范蠡洩庸帥屯海道江以絕吳路敗太子友遂入吳國燒姑胥臺徒其大舟續

宋平江城坊攷卷五

三

圖經考之傳記謂闔閭食不二味居不重席器不雕鏤宮室不觀舟車不飾而吳越春秋言闔閭畫游姑蘇臺蓋此臺始基於闔閭而成於夫差庶可以合傳記之說云

川

太湖 吳地記太湖按漢書志云爾雅十藪曰吳越之間有具區是也郭璞云今吳縣西南太湖卽震澤也中有包山去縣一百三十里其山高七十丈周迴四百里下有洞庭穴潛行水底無所不通號爲地脈又有大小二雷山又越絕書曰太湖周圍三萬六千頃亦曰五湖虞翻云太湖有五道之別故謂之五湖國號曰吳越戰於五湖在笠澤一湖耳張勃吳錄云五湖者太湖之別名以其周行五百里以五湖爲名周處風土記曰舜魚澤之所也揚州記曰太湖一名震澤一名洞庭 吳郡圖經續記太湖在吳縣南禹貢謂之震澤周官爾疋謂之具區史記國語謂之五湖其實一也吐吸江海包絡丹陽義興吳郡吳興之境其所容者大故以太稱焉書云三

江既入震澤底定三江者中江北江南江也歷丹陽毗陵者
爲北江卽今之大江也首受蕪湖東至陽羨者爲中江分於
石城過宛入於具區者爲南江三江在震澤上下而皆入
於海震澤之流有所洩是以底定今二江故道中絕故震澤
有泛濫之患理勢然也所謂五湖者蓋所納之湖有五也郭
景純江賦云包五湖以漫漭言江水經緯五湖而包注震澤
也舊傳五湖之名各不同圖經以謂一曰貢湖二曰游湖三
曰胥湖四曰梅梁湖五曰金鼎湖又曰菱湖鄮善長以謂長
塘湖貴湖上湖瀟湖與太湖而五章昭云胥湖蠡湖洮湖瀟
湖就太湖而五虞仲翔云太湖東通長洲松江水南通烏程
霅溪水西通義興荆溪水北通晉陵瀟湖水東連嘉興韭溪
水凡五道謂之五湖陸魯望以爲太湖上稟咸池之氣故一
水五名又爲仙家浮玉之北堂故其詩曰嘗聞咸池氣下注
作清質至今涵赤霄尙且浴白日又云構浮玉宛與崑閬正
謂此也湖中有山大小七十二洞庭其一也其大雷小雷山

宋平江城坊攷卷五

五

相去十里其間謂之雷澤或謂舜之所漁非也又有三山白
波天合三點黛色陸士龍贈顧彥先詩云我家五湖陰君住
三山陽是此山也 吳郡志太湖在吳縣西卽古具區震澤
五湖之處越絕書云太湖周回三萬六千頃禹貢之震澤爾
疋云吳越之間巨區其湖周回五百里襟帶吳興毗陵諸縣
界東南水都也 姑蘇志太湖在郡西南三十餘里禹貢謂
之震澤周禮謂之具區謂之五湖左氏謂之笠澤其實今之
太湖也五湖之稱不同張勃吳錄云周行五百里故名虞翻
云太湖東通松江南通霅溪西通荆溪北通瀟湖東連韭溪
凡五道故謂之五湖陸魯望云太湖上稟咸池五車之氣故
一水五名今湖亦自有五名自莫釐山之東與徐侯山相值
者爲菱湖周圍二十里西口闊二里莫釐之西北與菱湖連者爲
莫湖南連莫湖東逼胥山者爲胥湖二湖各廣五十六里長山之
東曰游湖周五六十里西口闊二里其東岡卽樹里 長山之西北連
無錫老岸曰貢湖周迴一百九十里洞庭寶錄云禹治水嘗駐於此故名

有金鼎湖吳王泛舟鼎沈於此故名梅梁湖吳時進梅梁至此舟沈失梁故名東皋里湖其浸則通謂之太湖按此則五湖爲太湖名矣然周禮職方揚州其數具區其浸五湖則五湖當別有所在而范蠡乘舟入五湖口司馬遷登姑蘇而望五湖實又指此蓋不可考其大三萬六千頃東西二百餘里南北一百二十里周五百里占蘇湖常三州北有百瀆納建康常潤數郡之水南有諸瀆納宣歙臨安苕霅諸水東南之澤無大於此其東濬入於河爲三江

運河 吳郡圖經續記運河出震澤傳稱吳城邗溝通江淮國語亦云夫差起師北征闕爲深溝通於商魯之間蓋由此河以通江北也隋大業六年勅開江南河自京口至餘杭郡入百餘里面闊十丈餘擬通龍舟巡會稽陸士衡詩云閶門何峨峨飛閣跨通波樂天詩云平河七百里沃壤兩三州皆爲此水也歲旱或淺淤故常加浚治乃得無阻 盧志市衢舊有運河堙塞之後人皆聚閶而居開鑿爲難嘉定間郡守趙

宋平江城坊攷卷五

五

彥櫛自錦帆涇終始橫從四出凡開一千一百餘丈閶闔之地樓宇下瞰掩映可觀唐人詩有云夜市賣菱藕舡載綺羅復其舊矣謝南有重浚河記 姑蘇志運河一名漕河南自嘉興由石塘北流經郡城又北繞白公堤出望亭入無錫界

長蕩 姑蘇志沙盆潭之東遶出虎邱之北曰長蕩 又自東

塘北流經南濠至閶門釣橋與北濠山塘水匯曰沙盆潭

增錦帆涇 本圖有圖無題榜 吳郡志錦帆涇卽城裏沿城濠也

相傳吳王錦帆以游今濠故在亦通大舟間爲民間所侵有不通處 盧志錦帆涇在府治官街西縱貫樂橋南北市郭

俗傳吳王錦帆游樂於此嘉定十年趙彥櫛疏浚以達運河

姑蘇志錦帆涇卽舊子城濠也世傳吳王嘗作錦帆以游

故名在大街西貫樂橋南北市直抵報恩寺 楊循吉吳邑

志今按市郭之中徒杠相望無容掛帆范說是也趙彥櫛疏

浚此涇以達運河橫從四出凡開一千一百餘丈教授謝南

作記其文不存

胥口 吳郡志在木瀆西十里出太湖之口也上有胥山舟出口則水光接天洞庭東西山峙銀濤中景物勝絕 盧志吳地記云在姑蘇山北十二里因胥山得名周益公游山記云太湖東邊兩山對峙南曰胥山北曰香山中有一水曰胥口 姑蘇志三江之外其支流一派東出香山胥山之間曰胥口 胥口之水自胥口橋東行九里轉入東西醋坊橋曰木瀆香水溪在焉又東入跨塘橋與越來溪會曰橫塘由跨塘橋折而南爲走狗塘荷花蕩在焉

常熟塘 吳郡圖經續記常熟塘自齊門至常熟百餘里皆有涇浦入□□蓋醴其渠以洩水則有涇引其流以至江則有浦其名甚衆而崑湖陽城湖之水皆賴以泄焉 盧志常熟塘自齊門北至常熟凡百里唐元和中郡守李素命長洲宰李曠攝常熟今李仲方分任董役而成紀功立碑劉允文撰劉苑書元和四年二月也 姑蘇志雲和塘本名元和唐

宋平江城坊攷卷五

五

郡守李素所治成於元和四年故名後譌元爲雲今但呼常熟塘南連運河北入常熟界

至塘和 吳郡圖經續記崑山塘自婁門歷崑山縣而達於海卽婁江也塘之兩岸又爲六塘四十四浦六十四浮接引湖澤乃昔人所以泄具區之暴流便民疇之灌溉也 盧志至和塘自郡城東屬于崑山亘七十里北納陽城湖南吐松江舊名崑山塘由唐以來修築未備至和中調民與役始遂克成故號今名淳祐中水復大修之詳見鄭霖重修崑山塘記 姑蘇志至和塘一名崑山塘成於宋至和間故名其西自郡城婁門東行經沙湖又東入夷亭諸水或南或北並東入吳淞江

楊城湖 盧志陽城湖在長洲東北與崑山合界包湖傀儡蕩與陽城湖三水合爲一在崑山西北 姑蘇志崑山之水皆自陽城湖而入湖界長洲崑山之間其西納雲和塘尚澤蕩南納吳涇真義浦黃浦朱昌涇又南通大虞浦梁里浦北納

張茜涇上元涇 按本圖作楊不知何據

湖天蕩 盧志黃天蕩在長洲 姑蘇志黃天蕩之東為獨墅

湖為王墓湖為朝天湖三湖連綴中微隘如川其實一水也

按黃本圖作湖

赤門灣 盧志赤門灣在葑門外 按盧志城池門自言府圖

有訛與此文矛盾

燕塘匯 未見箸錄今俗稱其兩岸曰東匯西匯

石家匯 姑蘇志普利庵在葑門外宋淳熙間僧永寧建石

志海慧庵在葑門外古石家匯東即普利庵廢址

冢墓

程宅墳

平江圖攷終

宋平江城坊攷卷五

畫一



宋平江城坊致

地 750.22

179.924

部 = 4

宋平江城坊攷附錄

鄉都

吳縣二十都

吳門 利娃 永安 履仁 鳳凰 靈巖 橫山 太平

吳苑 至德 胥臺 南宮 西華 洞庭 長壽 蔡僊

姑蘇 震澤 長山 遵禮

長洲縣十九都

上元 樂安 鳳池 清波 道義 大雲 東吳 武邱

吳宮 陳公 蘇臺 金鵝 習義 依仁 儒教 尹山

彭華舊名徐杭 益地 東吳下鄉 右見吳地記

吳縣

吳門鄉采蓮里 麗娃鄉南宮里 永定鄉安仁里 鳳皇鄉

集祥里 履仁鄉義安里 至德鄉昌角里 靈巖鄉晏宮里

胥臺鄉石城里 橫山鄉青墩里 太平鄉全吳里 大吳

鄉南胥里 吳苑鄉勝化里 南宮鄉新安里 蔡里仙鄉白

宋平江城坊攷附錄

門里 遵禮鄉守義里 震澤鄉湖城里 洞庭鄉玄宮里

長壽鄉習義里 姑蘇鄉梅梁里 長洲鄉集嘉里 西華鄉

懷義里

長洲縣

上元鄉全吳里 樂安鄉仁壽里 清波鄉弦歌里 東吳上

鄉上顏安里 鳳池鄉澄胥里 道義鄉守節里 大雲鄉慶

雲里 彭華鄉功成里 武邱鄉采雲里 儒教鄉從化里

金鵝鄉金梧里 益地鄉金生里 依仁鄉仁義里 吳宮鄉

寶座里 習義鄉孝廉里 陳公鄉金棲里 蘇臺鄉貞豐里

東吳下鄉下顏安里 尹山鄉堵城里 右見廣熊蘇州府志

吳縣鄉二十四圖二十七都二十七

麗娃鄉南宮里管圖九南元一二南利一二南真一五

永定鄉安仁里管圖六南亭一南利三北元一二北亭一北貞五

鳳皇鄉集祥里管圖七北真一至四北元三北利一二

大雲鄉慶雲里管圖五北亭二至北利三



履仁鄉義安里今廢 以上城內

靈巖鄉晏宮里在縣南管都一第一

吳門鄉采蓮里在縣西南管都一第二

橫山鄉青墩里在縣西南管都二第三第四

太平鄉全吳里在縣西南管都二第五第六

吳苑鄉勝化里在縣西南管都一第七

大吳鄉南胥里在縣西管都三第八第九第十

至德鄉昌舟里在縣西管都二十一二十二

胥臺鄉石城里在縣西管都二十三二十四

南宮鄉新安里在縣西長沙山管都四十五至十八

長山鄉光福里在縣西北管都一十九

穹窿鄉阜安里在縣西管都三二十至二十二

長洲鄉集嘉里在縣西管都二十三二十四

西華鄉懷義里在縣西衝滿二山管都一二十五

遵禮鄉守義里在東洞庭全山界管都二二十六二十七

宋平江城坊及附錄

震澤鄉閭城里在東洞庭管都一二十八

蔡仙鄉白門里在東洞庭管都二二十九三十

姑蘇鄉梅梁里在西洞庭橫山陰山葉余山管都三三十二至三十四

十四

洞庭鄉玄宮里在東洞庭厥山澤山三山界管都一三十五至三十六

六

長壽鄉習義里在西洞庭管都二三十七三十八

長洲縣鄉十九都二十二圖二十九

樂安上鄉仁壽里管圖三文字一地字三元字一

上元鄉全吳里管圖四垂字二仁字二地字二四

東吳上鄉顏安里管圖三仁字一 二地字一

樂安下鄉仁壽里管圖三元字二亭字三四

鳳池鄉澄胥里管圖三亭字一 二利字一

大雲鄉慶雲里管圖三利字二至四

道義鄉守節里管圖三貞字一至三 己上城內

彭華鄉功成里在縣西北管都五第一至五

武邱鄉采雲里在縣西北管都四第六至八第九坊郭

儒教鄉從化里在縣北管都三第十至十二

金鵝鄉金極里在縣北管都三十三至十五坊郭

益地鄉金生里在縣東北管都二十六二十七

依仁鄉仁義里在縣東管都一十八

吳宮鄉寶座里在縣東管都二十九二十

習義鄉孝廉里在縣東管都二十一二十二

陳公鄉金樓里在縣東南管都二十三三十四

蘇臺鄉貞豐里在縣東管都二十五二十六

東吳下鄉顏安里在縣東南管都二十七二十八坊郭

尹山鄉堵城里在縣東南管都二十九 右見姑蘇志

坊市紹定一年後續立為平江圖所未及載者

純孝坊 盧志湯家浜東嘉熙中吳潛以表里人剖心療母病者

宋平江城坊攷附錄

狀元坊 盧志一在南星橋西阮登炳所居咸淳中知府陳均

立留夢炎書扁一在教授廳東淳熙中衛涇魁多士立於崑

山石浦市景定二年知府程元鳳以涇嘗列職郡學堂重立

於此仍自書扁

覺報坊 盧志舊以覺報寺名表於巷曲章巽亨題咸淳中黃

萬石一新坊扁林祖恭書因此改焉

鶴市坊 盧志故市巷口東有鶴舞橋淳祐初寓公鄭定大卿

請立

表忠坊 盧志祥符寺西橋北嘉熙中知府吳潛表里人焚香

祝聖人壽者

仁美坊 盧志南獻子巷口表右史上官渙西所居

大慈坊 盧志以大慈寺為名寶祐中知府趙與鑣書立

道義坊 盧志在宋舊縣治之左今縣學左

樂安坊 盧志在宋舊縣治之右今縣學右二坊皆取鄉名

橋梁本圖失載及紹定一年後新立者

惠政橋 盧志引續志云在西城裏之陽頗為壯偉夏駕湖正
在其南後為王桀梧州所得疑建炎兵火後為勢家所有故
不通人往還德祐之亂居於浮屠毀於甲午歲

歲有橋 盧志引續志平糴倉前淳祐中知府魏峻建審按平
糴倉在葑門內營橋東

朱勛宅前橋 案朱勛宅在侍其巷

景德寺橋 案寺在朱明寺西日華里

蔣侍郎橋 案疑即西蔣家橋

寧國寺橋 案寺在天慶觀西

菱薦橋 案吳地記著錄在通利橋前疑即朱馬菱橋

樂安橋 案著錄在菱薦橋附近疑即眾安橋之古名

蔣軍橋 案疑蔣家橋之誤即竹堂寺前東蔣家橋也

鵝鴨橋 案疑即鵝鴨舍二橋之合名

寶積寺橋 案寺在黃土塔橋東

至道橋 以上十橋見吳地記後集

宋平江城坊及附錄

帝師橋 姑蘇志長洲縣西宋咸淳間建審按今名帝師里橋

俗訛帝思蓮橋

鳳皇橋 姑蘇志子城內

義役倉橋 姑蘇志長洲縣治西傍有落星石

綠水倉橋 疑樂輸倉之訛

百獅子橋 王志著錄

觀音堂橋 王志列菴橋後紅橋前紅橋即雙紅橋

報恩橋 姑蘇志十郎巷口

萬壽寺前橋

善教橋 姑蘇志俗名新造橋積慶寺南

換馬橋 范盧王三志均著錄

金師堂橋 姑蘇志列北倉橋後四通橋前

威婆橋

通濟橋

東道橋

福民橋 姑蘇志府治前况鍾建

青雲橋 姑蘇志吳縣學前舊在文廟前名青龍弘治中知縣

鄭璠移置於此改今名

南寺後橋 盧志引祥符圖經列開元寺橋前杉瀆橋後 姑

蘇志列開元寺東寺後橋後廟橋前

通安橋 姑蘇志鄭使橋巷內

沈坏粉橋 姑蘇志清嘉坊南

治平橋 姑蘇志吳縣前

圓覺寺橋 姑蘇志列龍興寺西橋後

西成橋 姑蘇志吳縣西弘治八年知縣鄭璠建

孩兒橋 姑蘇志列廣書橋前

石灰橋 姑蘇志列西石塘橋後單家橋前

寶成橋

探橋 姑蘇志北潼子門 以上見姑蘇志

蔣家橋 吳郡志載入東北隅北新橋後院子橋前本圖未載

宋平江城坊致附錄

不詳所在

里巷 本圖未載巷址及無考巷名存疑

夾城巷 盧志列吳縣水糴巷前果子巷後

天燈巷 盧志列水糴巷後大石巷前 王志列西南隅水糴

巷後疑即今吳趨坊天燈巷也當並水糴巷改列西北隅

月樓巷 盧志列大石平權二巷間

明月巷 王志著錄列憩橋平權二巷間

府後巷 王志列西米柳巷間案此明移府治後名非宋名也

今此巷湮沒入府署即本圖院子橋南巷

孔家園巷 燈心園巷 五郎園巷 盧志列花街平權間亦

見王志疑即本圖院子橋四隅小巷

陳麻皮巷 王志著錄今俗訛乘馬避巷在今吳縣前南

余家巷 盧志列蒲帆巷後太師巷前

林家巷 潘家巷 章家巷 丁家巷 南顧家巷 北顧家

巷 盧志列太師巷後陸侍郎巷前案報恩寺塔磚殘字有白

礮橋北章家巷居住見吳郡金石目吳門表隱

六通巷 盧志列船場巷支家巷之間

常安巷 盧志列西包司巷前

壽寧巷 姑蘇志著錄案在今船場巷西南

石皮巷 盧志分東西二巷列蒲帆巷後柳巷前

石家泥巷 盧志列廟灣巷前百花巷後

泮環巷 姑蘇志著錄 右西南隅

寺巷 盧志列彈子巷前疑即本圖永定寺巷

仲家巷 槐花巷 盧志列王天井巷後諸先生巷前

萬家巷 盧志列馬大錄巷西採蓮巷之間

祭祀巷 王志著錄案在今范家園

開家巷 鄒家巷 神堂巷 官司巷 盧志列艾家巷後

支使巷 盧志列開家巷後道堂巷前疑即今俗訛之洙泗巷

在太平橋西

曹虞部巷 劉迪功巷 盧志列高師巷湯家巷之間

宋平江城坊攷附錄 六一

德勝巷 書巷 王志列湯家巷前後

繡線巷 石灰巷 盧志列梵門橋巷前

周五郎巷 王樞密巷 周巷 王志著錄王巷 盧王二志均著

錄

寨兒巷 鑽龜巷 石塔子巷 今俗訛賽兒巷穿珠巷石塔

頭本圖無其址見王志 右西北隅

白重章巷 倪真巷 王志列東楊家巷後五聖巷前

五聖巷 王志長洲縣前本圖無其址

魏家巷 魏家院子巷 林家院子巷 張家院子巷 盧志

列孝友坊巷龐耆巷附近

苑虹蛭巷 郭樂官巷 盧志列龐耆巷後干將巷前

金將仕巷 淨河巷 破樓巷 盧志列醋庫燕家二巷附近

案本圖淨河橋在燕家橋附近又案乾隆長洲志以破樓為

即蒲菱巷方隅隸縣均不合大誤

中央巷 盧志列醋庫巷後

通津巷 王志飲馬橋南案盧志有通真巷疑涉韻而訛

楊家院子巷 見盧志疑即王志東楊家巷

童家巷 鹽船巷 盧志列燕家巷左近

石皮巷 見王志在帶城橋東南俗稱石皮街

楊王廟巷 盧志列覺報寺巷後疑羊王廟巷之剝文

磚巷 盧志列黃師巷附近疑磚橋對巷本圖無其址

黃師巷 盧王二志均著錄

毛家巷 盧志列司馬巷前營橋巷後

石子巷 盧志列石匠巷前

居公巷 盧志列石匠巷後審按明有居節為文徵明入室第

子吳人據盧志則宋元之間吳中已有居姓矣

曹家巷 顏家巷 安甌巷 盧志列白蜆巷後大雲坊巷前

淨道橋巷 盧志著錄疑即清道橋巷

顏家巷 盧志著錄孔夫子巷後當即顏回巷 姑蘇志顏回

巷孔夫子巷後蓋後人擬此

宋平江城坊致附錄

廿八錢巷 張倪金浜巷 盧志列胡書記橋前 姑蘇志作

張泥金浜巷疑即張林浜說見前然盧志作張倪金浜巷則

似別有一巷其體例與曹胡徐橋同

儒學巷 蔣巷 盧志列槐樹巷王判司巷後儒學巷疑即姑

蘇志所稱之儒達巷本圖有其址今洞橋浜蔣巷疑在今東

蔣家橋西

道堂巷 王志著錄今鵝頸灣在馬津橋南

油巷 嚴家巷 章家巷 林家巷 新院子巷 盧志列十

郎巷後閻橋巷前又園第門林家院子張家院子在閻橋

庵巷 雙池巷 竹園巷 倪巷 黃家帶巷 通真巷 東

穀場巷 西穀場巷 南津巷 通新巷 蔡家巷 盧志

列閻橋巷後石皮巷前疑以上諸巷半在閻橋附近半在帶

城橋附近蔡家巷疑即今蔡貞坊巷戒菴老人續吳郡志靈

應道院故址在城東南隅蔡家巷又靈應道院在烏鵲橋東

南宋嘉定間建是蔡家巷在烏鵲橋東南也

那吒 院子巷 盧志列柴巷新街巷之間

水僊廟巷 王志著錄今名水僊廟街

金雀巷 王志著錄云在水仙廟前

皂莢巷 王志著錄

馬軍巷 盧王二志均著錄

四酒務巷 盧王二志均著錄 右東南隅

彭家巷 盧志列條坊吉由巷間疑即李師堂橋南巷今名橫

巷彭橫庚楊韻音轉極近也

巾子巷 王志列大酒巷乘鯉坊間

玄壇廟巷 王志著錄案即第一天門

丁家巷 盧志列喬司空巷南顯子巷間今丁家巷盧志作丁

晉公巷

水糴巷 盧志列祥符寺巷後藍家巷前在長洲縣下疑非胥

門之水糴巷

支史巷 大巷 新羅巷 盧志列故市巷章家橋巷間案支

史巷疑即今觀東之洙泗巷

運通巷 包婆巷 王志俱臨頓里

南王家巷 北王家巷 盧志有南巷不應無北巷疑失載北

巷也王志均著錄

王武功巷 疑即今殿基巷盧王二志均著錄

張家園巷 王志著錄云在北寺東康熙志遷建鄣伯書院在

內故名

唐家巷 石皮巷 羅家巷 婁門內盧志均著錄唐家巷亦

見王志案石皮巷今名石皮街羅家巷疑在羅家橋附近

障子巷 盧志列崇甫巷後條坊巷前

南寨巷 北寨巷 蘆荻巷 康熙志蘆荻巷張香橋小街南

寨巷周通橋北寨巷道觀街王志均著錄

大木巷 葛家巷 諸家巷 盧志列弦歌里巷後流真巷前

案葛家巷疑即今葛百戶巷元時名也大木巷見報恩寺塔

磚道義鄉人題刻以都圖推之當在倉街附近

北張家巷 盧志著錄

會道觀巷 盧志著錄

李計議巷 見盧志今誤麗姬巷 姑蘇志作李基巷

真慶坊巷 迎遷坊巷 積善坊巷 阜通坊巷 錦繡坊巷

姑蘇志列東北隅與紹定二年重立處均不合真慶坊重

立於宮巷既載宮巷不應復真慶坊巷知舊真慶坊必不在

宮巷中也

同坊巷 姑蘇志著錄疑古逕稱銅坊巷也

周通橋巷 盧志著錄疑即王志之南寨巷 右東北隅

官宇

提領官田所主管文字廳 盧志在禪興寺橋西北舊百萬倉

官廨廳東便坐曰東庵咸淳七年家之巽剋并撰記

發運司 盧志嘉熙三年九月置浙西兩淮發運司於平江以

守臣兼領時知府趙與簾遂兼副使仍以措置浙西和糴繫

銜既而又剋提領和糴所并節制司增置官吏先是和糴歲

數屬縣有田官民戶寶祐四年糴至一百五十萬五年至二

百五十萬景定中派買官民田為公田未免浙西之糴至四

年八月有旨省罷而節制司併歸于郡

運簽廳 盧志在府治儀門東寶祐二年主管文字曹澤長撰

題名記五年以茶鹽幹官廳改創扁其堂曰冰壺幙一在設

廳東寶祐五年以造酒庫剋為之

節制司 盧志節制司後有談笑堂籌勝樓景定四年趙宗源

撰題名記

節制司幹辦公事廳 盧志在吳縣西南寶祐五年以民居改

剋廳西有軒曰風雲壯懷傍曰燈基月析皆陳鎮入幕時名

前有臺亭曰橫舟有陳鎮題名記

節幹廳 盧志在子城內咸淳四年以濟民新藥局為節制司

準遣廨舍十年有劉坦題名記

戶部百萬倉 吳郡志補註在闔門裏開禧三年剋以府職漕

官兼嘉定二年始命官專掌以都司提領憲司措置 盧志

西倉開禧三年勅東倉嘉熙末勅

平糴倉 盧志在營橋東淳祐五年魏峻以壯城廢營改勅趙

與書書額提舉常平鄭霖記

寶祐百萬倉 盧志在至德廟後寶祐五年趙與憲請建教二

百五十間浚河通舟直抵倉岸置官與東西兩倉同

本府糴納倉 盧志在府治西景定五年趙與嘗立有亭在其

前

牌籍庫 盧志在大廳西

油榨庫 盧志在大廳東

炭庫牛皮庫 盧志並在大廳西北

甲仗庫 盧志在大廳西紹定中鄒應博別建於瞻儀堂後改

名安成庫中有鎮庫鐵槍其上款識云項王將鍾離昧者乃

淳熙中天慶觀造嶽神廟浚井所得

架閣庫 吳郡志在設廳西廊

糧料廳 吳郡志在譙樓西

宋平江城坊致附錄

十一

激賞西庫 激賞南庫 吳郡志一在景德寺東一在盤門內

並紹定二年李壽朋創 文獻通攷紹興十五年十二月詔

南北十一庫並隸左右司充贍軍激賞酒庫

武備庫 盧志在齊雲樓東城下寶祐中趙與憲立

造酒庫 盧志在平糴倉西寶祐五年移公使酒庫改創於此

醕酒庫 盧志在西館橋之東

竹青庫 盧志在閭門外今有竹青塘

香藥場 盧志在羅城內一云香藥司

菱草場 盧志在子城西三里一云菱草局並見祥符圖經

商稅務 盧志在子城西三里一百四十步

酒務 盧志在子城正南一百二十步

太平惠民藥局 盧志在醋庫巷慶元元年建

濟民藥局 盧志在魚行橋東紹定四年吳淵創於廣惠坊之

左自為記開慶元年馬揚祖重建於子城內路分廳之故址

繼又遷於其北

慈濟局 盧志在府治東南夫子巷嘉定中勅作棺以給貧民
慈幼局 盧志在府治東同樂園門裏寶祐中趙與憲創先是
淳祐七年十二月上令臨安府置慈幼局支給錢米收養遺
棄小兒顧倩貧婦乳養有民間願抱養爲子女者官與月給
錢米至三歲住支與憲蓋推廣上意云
廣惠坊 盧志在魚行橋東紹定四年吳淵自勅爲記

宋平江城坊考補遺

靈芝坊 徐大焯燼餘錄顧淡雲別號夢梁詞人著有夢梁集居靈芝坊亦歲寒社友

德慶坊 中吳紀聞著作王先生程門高弟諱蘋字信伯世居福之福清父仲舉徙平江先生爲人清純簡易達於從政有憂時愛君之心有開物成務之學子孫世守德慶坊故居云

甘節坊 虞圖南沼吳編建炎庚戌兀尤南寇離妓朱素素碎盃自刎於甘節坊

桃花隴街 燼餘錄入閶門河而東循能仁寺章家巷河而北過石塘橋出齊門古皆稱桃花河河西北皆桃隴地廣袤所至賅大雲鄉全境今大半爲菜園章園桃李十存一二梅園古樹幾難蹤跡然游人好事仍此探春杜荀鶴有桃花河詩人皆能誦之 又章申公有妻之喪殯於旃檀庵庵後有五畝園舊址漢張平子衣冠墓皆梅校理修復

宋平江城坊考補遺

者柳隄花塢風物一新西南卽章氏膏腴地阡陌交通溪流縈帶廣七百畝諸公子顧而樂之廣闢池沼旁植桃李曲折凡十餘里仍桃隴舊名又築走馬樓於五畝園西俯瞰園景歷歷在目莫春三月菜花油油黃金布地一望無垠其西卽申公功德祠曲室洞房環列左右極幽雅之趣其後章子詠華遂藏嬌其中長曰碧桃工詩詞著有微波集次曰紅豆擅絲竹兀尤陷城時碧桃隨章子殉難紅豆被辱不能起火化於樓臺一炬中有婢春雪檢章子碧桃之骨歸葬於西崦山 謝家福五畝園小志引閒亭日記云桃隴之名不始於宋宋范成大閶門泛槎詩有桃隴論今昔之句案錄中仍稱桃隴舊名乃不始於宋確証也又案申公誤用章子厚爵號莊簡實封秦國公

隆興橋 五畝園小志隆興寺在桃花橋街隆興橋北相傳宋時勅建寺基甚廣桃花橋街口石柱卽其寺門然不載郡志亦無碑記可証橋建於北宋隆興元年意寺亦建於

是時以祀蔡隆興者寺北有東蔡家橋西蔡家橋卽蔡莊舊址

柳毅橋 平江記事柳毅爲洞庭龍女傳書事乃荒唐之說今吳城有柳毅橋太湖濱有柳毅泉意毅乃吳人也彼橋乃住宅之路泉乃別業之井耳 燼餘錄朱勗毀閭門內北倉爲養植園事敗後養植園花木盡斫爲薪僅存二丈大石六七枝偃仰柳毅橋畔至今猶存

滄浪亭 中吳紀聞滄浪亭予家舊與章莊敏俱有其半今盡爲韓王所得矣按據此則滄浪亭曾半歸龔明之家爲自來志乘所未詳

烏鵲橋 燼餘錄方家閣在烏鵲橋方謙庵先生故居先生諱通父深究天人之學著有諸經粹說二十卷讀史評論三十卷非子十卷鄉里典型十卷經世大本錄四卷謙庵文集八卷家有藏書閣五楹環閣水池環池竹木日著書其中寒士無書可讀者任聽入閣借看質疑問難不少厭

宋平江城坊致補遺

倦有側讀斜揭者教以端坐正書輕揭平覆謂卽居敬之一端子二人督課甚嚴不使應試年八十二卒卒之日寒士環而哭者充其廬私諡惠達先生

儒學坊 雲麓漫鈔林高閩人擢第終屯田郎中子槩亦擢第爲集賢校理入儒學傳終於京師妻黃氏攜其孤扶柩將歸葬閩道出姑蘇時蔣公侍郎堂知姑蘇二子長子希次子曰方年十二三贊文上謁蔣大奇之留姑蘇給以戴城橋官屋後號儒學坊爲葬二櫬於寶華山蔣公遺其子與二林讀希字子言後爲樞密日亦爲從官蔣之子卽之奇字穎叔亦爲樞密子言昆第六人希日紹顏並登科遂爲姑蘇人按戴城爲帶城之誤中吳紀聞有辯證

帶城橋 中吳紀聞鄭景平字希尹居帶城橋爲人剛正不詭隨蒞官有廉聲

東禪寺 平江記事吳城東禪寺古佛象容貌端嚴頂珠圓徑數寸宋乾□甲午歲忽有毫光紅黃青紫頂中出現土

庶觀瞻檀施山積後三日有老翁疑其怪固請梯升卽佛
光燄而窺之乃見佛象之首開一穴以手捫之有二白鼠
長可尺餘自穴中躍出綠光燄燄入藻井內遂得碎幡數
片以紅幡映頂珠卽紅光青黃紫亦然人皆歎息而去或
曰佛金仙也而白鼠之禍作光於其頂得非金氣感乎是
後金孽遂與兀朮之來大被其虐

醋坊橋

中吳紀聞賀鑄字方回本山陰人徙姑蘇之醋坊
橋有小築在盤門之南十餘里地名橫塘方回往來其間

廬志云鑄廬在昇平橋云醋坊橋誤今姑附此以備一說

廣化寺

中吳紀聞徐師閔字聖徒仕至朝議大夫退老於
家日治園亭以文酒自娛樂時太子少保元公絳正議大
夫程公師孟朝議大夫閻邱公孝終亦以安車歸老因相
與繼會昌洛中故事作九老會章岵爲郡守大置酒合樂
會諸老於廣化寺又有朝請大夫王琬承議郎通判蘇温
與焉公賦詩爲信諸公皆屬而和之以爲吳門盛事

宋平江城坊致補遺

三一

官沙巷

李模撰燼餘錄序徐大焯吳縣人元初居桃塢慶
雲里卽今官庫巷

燼餘錄慶雲里在東荷池東亭額岳

少保手筆兀朮之難梅章園林鞠爲茂草亭偏以東獨存
地接慶雲里東皆農田菜花黃時士女如雲文丞相徵時
道出平江嘗題亭壁有一片黃雲萬頃田江南父老慶豐
年之句時張少保尙隨某軍府使令適亦過此兩賢相見
自此始 又城陷年前慶雲里陳明叔家吉祥草梅園書
帶草廬中帶草均長丈餘披拂及簷北兵至兩家多自經
者太湖鼠千萬成羣登岸食稼不知自來亦一奇也

北禪寺

燼餘錄大慈寺在東北園晉高士戴逵故居逵子

顯捨宅之半爲乾元寺其半歸陸司勳唐咸通中陸亦捨
爲北禪寺祥符中兼有乾元之地大起殿宇勅賜今名旁
闢池亭納皮陸詩石四圍栽樹花木一時稱盛游人過章
園梅園者必一至其地因稱爲東北園建炎之難爲兀朮
偏將所據在城老樨盡數就戮於此積薪焚屍寺亦俱燼

百口橋 燼餘錄簾影詞人某氏女工詞曲爲諸社冠家富
孤生又苛擇婿因是年二十尙未家也庚戌城陷被掠以
病見遺爲軍卒所得鬻入青樓班頭利其豔慧不肯輕脫
遺黎慕其名者窘於資乃爲嘉興李懶皮所贖懶皮不識
一丁贅於李業米豆至是內家被毀室人病痲遂擁婦資
買屋百口橋寔簾影故居爲尤姓軍官所鬻也簾影入內
見瘞藏無恙秘不言久之大婦益悍懶皮益懶乃與對天
要約發所藏四萬五千金歸懶皮自取三千金別嫁劉仲
高劉亦名士踰年死李不一月大婦死別買姬妾十餘人
氣燄益豪才命相剋如是哉

臨頓里 燼餘錄吳雲公雅善詩詞居城東之臨頓里著有
香天雪海集傳誦一時靖康國難後披髮伴狂更號中興
野人厭棄城市時往來於吳江李山民家李卽忠愍公諱
若水之姪避寇來吳就館吳江與雲公爲僚婿且同爲歲
寒社詩友也

宋平江城坊故補遺

四

萬壽寺橋 中吳紀聞張僅字幾道居萬壽寺橋與顧棠叔
恩皆爲王荆公門下士荆公修三經義二公與焉幾道登
第官至著作郎未幾捐館方子通作輓詩至今誦其書者
爲之出涕

南寨巷 北寨巷 燼餘錄兀兀陷蘇時荼毒生靈歷古未
有小兒十歲以下男子四十以上及四十以下不任肩負
與識字者婦女三十以上及三十以下向未裹足與已生
產者盡戮無遺尤奇者凡有書籍之民居有簿記之店肆
必盡火其屋盡殺其人雖婦稚不遺去時以一衾絡一女
一兒使兩男擔之大約裹脅以去者十萬人城中僅留有
病婦女四千一百餘人於南寨使遺黎邵登轍等四人守
護之留一萬六千七百餘人於北寨亦有病婦女使蔡隆
興等十人守護之去前夕封邵爲千戶蔡爲萬戶並給金
帛有差所據全城屋宇中男子病不能行者盡殺之婦女
或驅入寨或亦殺之謂之洗城 虞圖南沼吳編建炎庚

戊兀尢南寇二月二十四日犯胥盤葑婁四門闔城居民
麇集於城北土寨夜五漏兀尢破盤門入二十六日未明
寨亦陷先驅兵士戮寨外次脅丁男歸獻金金盡殺之次
斬老婦嬰兒於東北園積薪焚屍兀尢宴諸酋於天半樓
遂踞寨三月朔始出闔門去初三日諸軍凱旋寨中慶雲
菴旃檀庵報恩寺楊柳樓臺張家祠劉家祠梅園章園孫
園蔡莊以寇巢燬婦女二萬餘人以從寇籍蔡隆與倡義
瘞河中男屍五千餘女屍十一萬一千餘暴露男屍六萬
二千餘女屍二萬五千餘火化男女骨十五萬七千餘贖
回營妓二千三百餘人周宣撫陷以通寇駢於市里人於
蔡莊築庵祀之黃十二齡童衛母傷寇釘死臨頓橋門吳
邑吏曹行謙以擊寇支解伶人呂巧以罵寇拔舌吳永年
妻及姊擒酋投水雛妓朱素素碎盃自刎於甘節坊徐靈
姐破兀尢首鬻割於天半樓張采姑刺入對山閣不屈墜
樓死三女子從之失其姓劉士誠妻扼寇項入子城河死

宋平江城坊致補遺

五十一

五畝園小志宋制駐威果六十五指揮禁軍於報恩寺西
全捷二十一指揮於城西北建忠順官寨於北寺後

按寨在報恩光孝寺北見范盧二志光孝乃萬壽寺非北寺也御前拱衛水

步軍寨於北寺東御前游擊軍寨忠勁軍寨於北寺西元
代就其地駐鎮守平江十字路萬戶翼軍府明初移建衛
所於飲馬橋始以其地爲教場沼吳編稱城北土寨及大
營門之名實因乎此

宋平江城坊考再補遺

妙湛寺

吳門表隱城中七塔第七在望汎橋西宋開寶間

建建炎兵燬故地名七塔寺前巷地卽許氏石虹園後爲

金幢庵審案盧熊洪武志府城圖確駢立七塔顧氏第七

之實說因臆斷而誤

槐樹巷

府志皇甫信宅在南倉橋之西七十步皇甫氏宋

南渡時自朝那徙居以漢太尉食邑槐里樹兩槐曰槐樹

巷四傳至信六世孫沖爲居第記

錦帆涇

盧志今之市河南自憩橋北出香花橋之西乃昔

之新河卽錦泛涇也蓋自古沿河無民居兩岸栽植花柳

春時映水如泛錦故鄭虎臣閨燈實錄引圖經載杜荀鶴

詩曰夜市賣菱藕春船載綺羅亦以錦泛涇夾映花柳而

云然今俚俗乃指此爲錦帆涇相承旣久莫知其非蓋帆

乃泛音之誤耳使錦帆果曾游此則小橋櫛比檣桅起倒

不亦勞乎觀此則其訛不待言而可見矣

宋平江城坊考再補遺

燕塘匯

宋孝宗御賜通神庵碑蓑衣何真人卒葬燕塘之

原審案圖中燕塘匯本臆斷爲在今東西匯之間讀碑至

此始覺尙不武斷

吳中氏族志攷補

盧熊洪武蘇州府志有氏族門姑蘇志因之乾隆吳縣志據以纂入仍未能脫盧氏窠臼也且細覈之於盧氏原著幾視若不韋之書榜諸國門不敢改一字者亦云慎矣間嘗不揣冒昧據吳郡志以來坊巷橋梁所表列流寓土著之紀傳旁及國史所記瑣乘所錄金石竹帛之所遺留姓氏譜牒之所著錄於盧氏所未備者攷訂之蓋闕者勦補之而於異姓奇氏則尤三致意焉博雅君子就斯編而擴充之將見譜牒之學日益恢宏不讓世本路史專美於前而三吳故家喬木庶不致數典而忘祖云

成氏 周武王第五子邾叔武之後子孫以國爲氏後爲楚所滅子孫去邑爲成唐末有成及爲蘇州刺史有政聲見五代史吳越世家錢鏐傳中及吳郡志官吏傳吳郡志平江圖有成家橋盧志有成家浜巷

開氏 望出陝西姬姓衛公子開方之後宋有開趙嘗取肝救

吳中氏族志攷補

父詔曰開趙昔忠於國今孝於親以武功大夫英州刺史特轉團練副使府志冢墓門著錄宋浙西總管團練使開趙墓凌壽祺泚墅關志謂卽開家山斷碑在山前東嶽殿壁間吹網錄云見拓本始知係埋銘不審何年出土今城中有開家巷疑卽其私第所在案盧熊志坊市門亦著錄開家巷

燕氏 始興羽音召公奭封於燕其後以國爲氏又望出上谷范陽吳郡志著錄燕家橋平江圖載其旁有燕國夫人廟盧志廟爲孫權乳母陳夫人立宋淳祐中提刑胡穎拓四酒務隙地爲射圃鑿河引橋下水北入圃內於古墓得石函上刻燕國夫人首級六篆字遽命碎之舊傳酒務本夫人宅據此則知吳中之燕乃出燕國夫人後也盧志著錄燕家巷同治志燕家浜舊稱巷

佐氏 平江圖著錄佐家橋吳郡志亦著錄之攷通志氏族略左人以官爲姓也如封人雍人之類孔子弟子有左人郢字子行魯人見史記仲尼弟子傳佐氏疑左人之合文今俗作

祖家橋非

芮氏 吳郡志平江圖均著錄芮家橋乾隆吳縣志在馬禪寺後盧志引祥符圖經著錄芮橋吳郡志平江圖亦載之康熙志在穀市橋西側按芮氏平原徵音系出姬氏周司徒芮伯萬之後漢芮社從孫堅征伐有功薦為九江太守曆吳郡所在有聲見氏姓譜宋提舉常平茶鹽司題名有芮輝名宦所寓即以題橋其例至多

梅氏 平江圖梅家橋吳郡志作梅橋姑蘇志梅聖俞寓此因名又吳縣二都村有梅灣十五至十八都村有梅舍二十至二十二都村亦有梅舍

藍氏 盧熊志著錄藍家巷與蕭家巷相次案盧志園第門萬華堂在資壽寺後為提刑藍師稷所居植牡丹至三千株多得洛中名品師稷字叔誠開封人

上官氏 盧熊志坊市門仁美坊南獻子巷口表右史上官渙西所居又園第門靜庵上官渙西之所居中有采菊堂渙西字元之邵武人端平初知池州先事為防江之圖及金人入寇渙西率舟師往來上下流大張聲勢敵乃引去姑蘇志會道觀在東城下宋既內附蜀人鄧道樞游吳中得上官氏廢園建此觀

吳中氏族志攷補

尚氏 上黨郡系出姜姓向國之後以國為氏後訛為尚北禪寺門左紹興三十年寶積教院并闡富郎中巷口街東面西居住奉三寶女弟子母親尚氏八娘今此闡尚存湘城附近有尚澤蕩見姑蘇志水利門

邢氏 姓氏備考邢居士大梁人游於蔡季通之門遭韓侂胄禁偽學埋名徙姑蘇其孫谷真當宋末率妻子居鄉耕讀足迹不入城市見馮志雙塔寺南妙湛寺廢址淳熙十□年義井題記佛弟子邢邦常姑蘇志坊巷門城外有邢家巷康熙志在葑門外附郭又鄉都門吳縣二十三都村有邢舍長洲縣十七都有邢塾

富氏 平江圖著錄富孫橋在今婁門內平江路吳郡志亦載

之以顧周任蔣吳錢徐胡諸橋例之知係兩姓也盧志氏族
門富氏世家京洛嘉祐中富嚴守蘇州喜吳中風物之美因
居不去子孫遂爲吳人

暨氏 盧熊志氏族門暨姓出吳郡元祐間唱名有暨濤暨吉
肩切時作洎濤呼不應是時刑部侍郎蘇頌云恐是暨音以
結呼之卽應三國志有暨艷乃吳人旣而問之果平江人按
能仁寺東橋一名闕家橋今俗訛接駕橋闕接音近不如結
接疑暨家橋之訛

諸氏 盧熊志著錄諸家巷氏族門諸氏音遮後漢洛陽令諸
施吳郡人今吳郡有此氏按氏族譜瑯琊徵音越大夫諸稽
郢之後吳郡志諸家橋平江圖訛查家橋盧志諸先生巷姑
蘇志誤查先生巷得盧志氏族門說可以互證矣姑蘇志吳
縣二十九三十都有諸家灣馮志誤查灣

笮氏 盧志氏族門側迫切亦作笮風俗通有笮倫今吳郡有
此姓吳志漢中有笮融居丹陽同治志笮家園保吉利橋南
古名笮里吳大夫笮融所居

吳中氏族志攷補

湯氏 盧志氏族門宋有道人湯惠休正元道人湯靈徹宋州
刺史湯柔並吳人案盧志坊市門著錄純孝坊湯家浜東姑
蘇志皋橋東側有湯家浜卽其地今世稱湯家巷

閻氏 姬姓武王封泰伯曾孫仲奕於閻鄉因以爲氏又云王
少子生而有文在手曰閻康王封於閻城盧志氏族門今蘇
州有閻橋案六一居士集金部郎中閻公神道碑象知蘇州
和其風俗而柔以善政恩澤涵濡民以蘇息閻氏殆其後人
歟

嚴氏 盧志氏族門本莊氏楚莊王之後以謚爲氏前後有莊
助忌皆有夫子之稱又有莊光後以犯明帝諱改爲嚴氏按
盧志坊市門著錄嚴家巷在閻橋附近姑蘇志長洲縣六至
十都村有嚴巷

章氏 盧志氏族門本出姜姓太公望之後封於鄆子孫以邑
爲氏後去邑作章嘉祐中浦城章案爲蘇州教官就居於此

故南北二族桑居城北號北章惇居城南號南章案吳郡志著錄東西章家橋在城北又盧志著錄章家橋巷今俗訛裝駕橋巷所謂北章也又吳郡志著錄東南隅章家橋吳郡金石目謂望門橋南小橋題字有重九日章府一力建云云所謂南章也又報恩寺塔甃殘字有白礮橋北章家巷盧志亦載之而閩橋左右盧志復著錄章家巷章氏之盛可見一斑姑蘇志吳縣五六都村有章家

蒲氏 盧志氏族門本出山陽有蒲中行者元祐間爲臺官論列蘇軾不學無術收買私鹽時多薄之建炎南渡占藉吳中弟安行者有女嫁趙不衰案吳郡志有蒲老橋平江圖列今蒲菱巷疑巷名於古亦當稱蒲老涉雙聲而誤也

鄔氏 太原晉大夫鄔藏之後孔子弟子有鄔單晉有鄔彤工草書如寒林樓鴉盧志引祥符圖經著錄鄔家橋平江圖亦載之在許蘊子巷口

皋氏 漢皋伯通居閩門梁鴻嘗賃無其家祥符圖經吳地記均著錄皋橋馮志二都八圖有皋莊

吳中氏族志攷補

仰氏 吳地記著錄仰家橋在今湯家巷中按氏姓譜仰汝南宮音今吳興新安常有此姓攷宋有仰仁謙吳興人吳門表隱三家村在平江路北張士誠時止存仰胡沈三姓聚族死守婁門又仰家莊在葑門外明大理仰瞻所居明史虞謙傳附仰瞻長洲人則吳中之仰歷宋元明而未艾也

艾氏 平江圖著錄艾家橋在盍簪坊盧志亦著錄艾家巷按宋艾仲儒字道中爲兩浙運使部內官文質入奏其有治績降璽書獲諭疑卽其人

吾氏 晉書吾彥仕吳後入晉官中南中都督交州刺史舊志載入人物傳姑蘇志吳縣二十三四都村有吾山長洲縣二十六七都有吾村吳門表隱報恩寺塔磚殘字長洲縣儒教鄉舸城北保居住女弟子吾氏十娘吳郡金石目亦載之據此則吾彥子孫蕃衍於蘇城內外矣吾友吾梅孫茂才錫麒乃其苗裔也

侍其氏 姑蘇志侍其巷靈芝坊內侍其河所居

閻邱氏 盧志閻邱坊朝議大夫閻邱孝終所居故以表之攷

鄭國閻邱氏食邑於此故以命氏宋有閻邱賓用隱於吳市

吳公納極推重之其季子即御史中丞恪

支氏 盧志著錄支家巷支使巷在城西太平橋附近又支史

巷列故市巷章家橋巷間疑即今玄妙觀東俗訛之洙泗巷

氏姓譜其先月支胡人也因作氏姑蘇志閻門外彭華鄉有

支家橋

居氏 盧志著錄居公巷列石匠巷後案明有居節為文徵明

入室弟子吳人據志則宋元間吳中已有居氏矣氏姓譜居

雁門宮音晉大夫先且居之後以王父字為氏又望出渤海

姑蘇志胥門內有居涇橋

麋氏 盧志著錄麋都兵巷又人物傳宋麋茸溧子師曰孫弁

兄其先胸人朝議封吳中開國男亦見盧志封爵表又園第

門麋右司宅在杉瀆橋按楚大夫受封於南郡麋亭因以為

吳中氏族志攷補

五

氏又工尹麋之後又望出東海南陽

光氏 吳郡志襍事門丁晉公師老郁先生居光盪巷盧熊志

坊市門亦著錄之今居民十口相傳稱光盪子巷以許蘊子

巷例之蓋盪子其字光其姓也晉書有光逸為博昌小吏樂

安人近世桐城有光氏極卓著氏姓譜田光之後子孫避地

以光為氏吳中光姓僅一見於此巷名

白氏 黃帝之後秦大夫白乙丙楚有白公勝攷姑蘇志著白

重章巷在烏鵲橋附近樂天為刺史後子孫未聞僑吳不詳

其淵源所自姑蘇志長洲縣村有白坊

倪氏 姑蘇志著錄倪真巷盧志又著錄倪巷張倪金浜巷姓

氏譜千乘鄭武公封次子於倪因氏又鄭黍來之後亦為兒

氏避讎改為倪元有常德路總管倪德政吳人有惠於民

德之既去郡人為立遺愛碑見湖南通志明有倪維德字仲

賢吳縣人精醫術見明史方技傳宋以前無聞人可攷盧志

著錄兒氏謂吳有語兒生而能語因為氏漢書兒寬千乘

人通作倪疑二氏同出一源

祝氏 周武王封黃帝之後於祝因氏又祝史之後以官爲氏吳郡志有祝橋平江圖亦載之在烏鵲橋南古赤門水北入城之道也姑蘇志長洲縣村有祝巷

司馬氏 程伯休父爲周司馬錫以官族因氏盧志坊巷門有司馬巷在馬津橋又婁門外有司馬涇橋

公孫氏 黃帝太岳之後盧志坊巷門有公孫巷在醋庫巷北丁氏 齊太公生丁公伋子孫以字爲氏宋丁謂世居吳下吳郡志平江圖有丁家橋盧志有丁晉公巷丁家巷一在城東

冠坊一在城西支家巷附近 姑蘇志有丁家巷在城外又長洲六

十都村有丁家

余氏 盧志西南隅有余家巷又有天燈巷疑卽今板寮巷中余天燈巷秦由余之後以王父字爲姓姑蘇志長洲縣一至五都有余村

林氏 盧志有林家巷一在白礮橋附近一在閶橋附近雙林

吳中氏族志攷補

六一

巷在盍簪坊南又大雲坊林處所居殷比干子堅逃難長林山因氏又平王庶子林開之後宋林藏字子禮吳人舉進士乾道中爲浙東提舉常平五年知秀州所至有善政博學高才尤長於漢隸姑蘇志長洲縣二十四都有華林

潘氏 盧志著錄潘家巷亦在支家巷附近周文王畢公之子孫食采於潘因氏隋有潘徽字伯彥吳人著韻纂三十卷見隋書宋有潘兌字說之不登朱勳之門見盧志

顧氏 盧志著錄氏族門按盧志坊巷門有顧家巷亦在支家巷附近吳郡志平江圖有顧家橋吳顧悌所居在布德坊又盧志引祥符圖經有顧氏橋在百口橋附近東漢顧訓宅也又有顧周橋盧志閶門外有上顧涇橋姑蘇志吳縣村有顧塔一在五六都一在十三十四都

邊氏 宋平公子御戒字子邊其後以字爲氏宋邊珣自陳留官姑蘇樂其風土遂世爲吳人盧志邊侍郎知白旣仕而歸築室於金獅子巷

常氏 衛康叔支孫封常因氏焉又有姓恆亦改爲常姑蘇志鄉都門附村有常舍在吳縣一都

王氏 姑蘇志吳縣一都村名有王家盧志有南王家巷北王家巷王武功巷王樞密巷姑蘇志又有王洗馬巷又王判司巷卽雙塔寺前王文罕所居又吳縣八九都村亦有王家十至十二都村有下王二十至二十二都村亦有王家長洲縣村有南王巷王巷王墩王塾

李氏 平江圖有李公橋盧志有李計議巷姑蘇志亦著錄之作李基巷今山塘有李繼宗巷吳郡志有李師堂橋姑蘇志吳縣一都村有李墅案顛頊曾孫堯時咎繇爲理官子孫以官爲氏殷末裔後理利貞避難伊侯之墟食木子變姓李十一代孫老君一居趙郡一居隴西宋有李成吳人善繪山水見宋元以來畫人姓氏錄姑蘇志有李橋在胥口又吳縣八九都村有李巷長洲縣十一至十三都有李村

朱氏 盧志氏族門著錄姑蘇志吳縣一都村有朱團吳郡志

吳中氏族志攷補

七

有朱家橋盧志朱涇橋在盤門外下朱涇橋在閶門外又朱涇橋在齊門外又朱涇橋在葑門外姑蘇志吳縣二都村有前朱後朱三十四都村有朱塔長洲縣二十二三都村亦有朱塔

樊氏 文王後虞仲支孫爲周卿士食采於樊因氏姑蘇志吳縣一都村有樊村橋梁門齊門外有樊涇橋

尹氏 少昊之子殷爲工正封尹城後因氏焉一云卿尹三公官也以官爲姓宋尹焯致仕寓平江虎邱西庵世稱和靖先生姑蘇志吳縣一都村有尹塔長洲縣鎮有尹山

胡氏 胡瑗爲蘇州教授因家焉吳郡志有胡家橋一在西南隅今俗名線香橋一在東北隅在斜路橋附近一在放生池稱南胡家橋今鐘樓附近又有曹胡徐橋卽南新橋徐胡橋一卽衆善橋一在吳趨坊而胡廂使胡書記則更著其官名焉又姑蘇志吳縣一都村有胡塔盧志齊門外有胡家橋姑蘇志吳縣十三四都村亦有胡塔

夏氏 姑蘇志吳縣一都村有夏塔盧志閶門外有夏墩涇橋
彭氏 盧志有彭家巷姑蘇志吳縣一都村有彭涇
謝氏 姑蘇志吳縣一都村有謝湖胥門外有謝涇橋長洲縣
六至十都村有謝家十一至十三都有謝家莊
薛氏 盧志著錄薛家巷在富郎中巷內姑蘇志吳縣一都村
有薛家吳郡志引祥符圖經云越來溪橋久廢淳熙中居民
薛氏以奩具錢復立之越來溪水自此橋北流過橫塘也盧
志閶門外有薛市涇橋婁門外有北薛涇橋
陳氏 姑蘇志坊市門有陳僉事巷今吳中有陳千戶橋又有
陳麻皮巷姑蘇志吳縣村有陳家一在一都一在五六都又
有東陳亦在五六都陳巷一在十三十四都一在十五至十
八都又有東陳在二十至二十二都長洲縣廿九部有陳灣
姚氏 姑蘇志有姚家巷在南濠吳縣一都有姚家村周有姚
光唐有姚兼濟均吳人村鎮門有大姚在長洲縣二十六七
都

吳中氏族志攷補

唐氏 陶唐氏之後封唐侯以國爲氏盧志著錄唐家巷一在
支家巷附近一在婁門內今吳中東南隅又有唐家巷爲明
千戶唐岳所居平江圖有唐家橋姑蘇志葑門外有唐墩橋
又吳縣十三四都村有唐巷十五至十八都有西唐長洲縣
二十五都有唐浦

仲氏 盧志著錄仲家巷按高辛氏才子仲堪之後以王父字
爲氏有宋南渡凡聖賢後裔無不隨以俱南仲氏其一也

曹氏 顓頊元孫陸終第五子爲曹氏又文王第十三振鐸封
曹亦爲曹氏三國時有曹弗興吳人以善畫名冠一時吳郡
志平江圖有曹使橋盧志有曹家巷一在王天井巷一在油
巷又平江圖南新橋俗名曹胡徐橋盧志又有曹虞部巷平
江圖又有曹家橋在葑門內姑蘇志吳縣十至十二都村有
曹巷長洲縣六至十都村亦有曹巷十五至十六都村有曹
村曹窰

楊氏 唐叔虞之後伯僑自晉歸周封楊侯食采於楊因以爲

氏一云周宣王曾孫封楊爲晉所滅其後爲氏焉宋楊存中鎮吳人爲之表和令坊其園第在焉盧志有楊家院子巷姑蘇志稱東楊家巷盧志園第門楊家院子在板寮巷又有楊家巷在府學前盧王二志均載之吳郡志平江圖著錄楊家橋一在葑門內一在黃牛坊橋附近姑蘇志閶門外有楊莊涇橋長洲縣村有南楊家楊思巷楊莊楊家楊涇

郭氏 盧志郭氏園在飲馬橋西南本郭雲大夫所居又著錄郭家巷在金獅巷南吳郡志平江圖著錄郭家橋在花街巷內盧志又有郭樂官巷姑蘇志長洲村有郭巷

萬氏 盧志著錄萬家巷案晉畢萬之後一云芮伯萬之後宋有萬鎮字子靜平江人少師事方暹後游饒雙峯門賈似道帥荆辟充公安書院山長不赴所著有左傳十辨嘗欲仿晦菴社倉率鄉人建之自爲規約姑蘇志吳縣十至十二都村有萬巷長洲縣十五至十六都有萬巷

蔡氏 吳郡志平江圖有蔡家橋在盤門內盧志有蔡家巷在

吳中氏族志攷補

九

烏鵲橋東叔度封蔡爲蔡叔因氏晉有蔡洪字叔開吳郡人鄒氏 宋閔公之後正考父食邑於鄒生叔梁紇以邑爲氏宋鄒輓字行之平江人安貧樂道脫去時俗人咸重之盧志著錄鄒家巷

蘇氏 祝融之後陸終生昆吾封於蘇因氏蘇舜欽僑屬吳中因家焉盧志著錄蘇家巷

蔣氏 周公第三子伯齡封蔣以國爲氏左傳凡蔣邢茅周公之胤也漢蔣漸避王莽之亂移居蘇之大皇里卽今吳趨坊西蔣家橋也吳郡志平江圖均著錄之又有東蔣家橋在和令坊西北盧志著錄蔣巷卽其地也吳地記有蔣侍郎橋吳郡志又載東北隅蔣家橋平江圖未載今不詳所在姑蘇志長洲縣二十四都有蔣巷

顏氏 顏子後人南渡時隨駕來吳盧志著錄顏家巷一在天慶觀巷今青龍橋西巷也一在孔夫子巷後一名顏回巷今訛單家巷涉刪先聲轉而訛也一不詳所在與濠股巷樂營

巷相次疑在和令坊一帶吳郡志又著錄顏橋在盤門外
魏氏 吳郡志有魏家橋在今平江路打急路橋東南盧志有
魏家巷在龐蒼巷附近又有魏家院子巷亦相近宋魏文靖
公僑吳有鶴山書院在南園巷今烏鵲橋東南有魏朱巷盧
志亦載之

蕭氏 蕭梁之後國變後指江爲姓唐五代時始漸復姓遂合
姓蕭江盧志有蕭家巷又園第門有閑貴堂在醋坊橋東本
蕭氏雙節堂其地一名九曲牆巷又婁門外有東蕭涇橋姑
蘇志長洲縣村有蕭涇

羅氏 祝融之後始姓受封於羅國子孫因氏羅昭諫中歲入
吳興陸龜蒙結游庵於甫里北隅今遺址尙存後歸投錢鏐
累官司勳郎吳郡志著錄羅家橋盧志有羅家巷均在東北
隅

童氏 顓頊生老童以王父字爲氏盧志有童家巷在燕家巷
附近

吳中氏族志攷補

十一

官氏 左氏傳官有世功則有官族古人以官名族則有官氏
姓苑亦載之苑盧二志均著錄官太尉橋平江圖未載今吳
中官氏不聞有後盧志有官浦橋在葑門外官瀆橋在婁門
外姑蘇志官墳橋在胥門外山水門有官山又有官山橋
金氏 少昊金天氏之後元有金宏業見乾隆吳縣志又有金
弘道金道玄見姑蘇志吳中有張倪金浜巷見盧志姑蘇志
訛張泥金浜巷又有金將仕巷吳郡志有金母橋盧志閶門
外有南金涇橋北金涇橋姑蘇志吳縣十三十四都村有金
家長洲縣一至五都村有金市十九都有金家莊二十四都
有金涇二十六七都有金園

葉氏 風俗通沈尹戊生諸梁字子高食采於葉因氏焉盧志
葉少蘊舊宅在鳳池鄉前有魚城橋政和中寓布德坊盧志
又著錄葉家巷在葑門內姑蘇志閶門外彭華鄉有葉巷橋
二十六至二十八都有南葉北葉

姜氏 黃帝生於姜水因氏後太公封於齊盧志姜浩字浩然

明州人以承信郎監平江府都稅務盧志又著錄姜家巷

毛氏 周文王第九子封毛稱毛伯以國為氏宋毛友誠字伯

明平江人龔安園高其行誼即延至領泮宮幾十年有集曰

玩易手抄既沒於泮宮盧志著錄毛家巷在營橋巷附近

營橋今壽星橋姑蘇志長洲縣村有毛塔

褚氏 宋共公子段食采於褚師因氏焉南北朝有褚洵褚嗣

褚思莊皆吳人盧志著錄褚家巷即流化坊 見官字門吳縣署

下姑蘇志吳縣十五至十八都村有褚巷長洲縣十九都村

亦有褚巷又二十三都有褚涇

葛氏 出嬴姓顓頊之後封於葛其後以葛為氏三國有葛玄

字孝先吳人元有葛乾孫盧志著錄葛家巷吳郡志有葛家

橋在杉瀆橋東

張氏 吳中四大姓之一盧志氏族門著錄之坊市門又著錄

南張家巷北張家巷吳郡志著錄南張家橋北張家橋張馬

步橋張香橋又有南張師橋北張師橋宋張循王所居也朱

吳中氏族志攷補

張巷元朱清張瑄所居也城中有張古老巷舊志古一作果

姑蘇志吳縣一都村有張古盧志引祥符圖經有張墅橋今

作張仕觀橋盧志閭門外有張公涇橋葑門外有張家橋婁

門外有西張涇橋姑蘇志彭華鄉有張巷橋吳縣十三十四

都村有張家巷十五至十八都有南張長洲縣二十三都

有張涇

翁氏 周宣王庶子食采翁山因氏又望出錢唐盧志著錄翁

家巷姑蘇志在府學東吳郡志有翁家橋姑蘇志長洲一至

五都村有翁里巷

施氏 魯惠公子施父五代孫尾生稱施伯因氏唐施士句吳

人宋有施槃吳縣人家貧力學穎悟過人姑蘇志有施家巷

在城外又吳縣三四都村有施家十三十四都村有施塔

周氏 帝嚳生后俊至太王邑於周文王以國為氏姑蘇志著

錄周方巷在城外吳郡志有顧周橋盧志有周司徒巷周將

軍巷周武狀元巷周太保橋婁門外有周涇橋姑蘇志吳縣

二都村有下周五六都村有周家二十至二十二都村有周巷長洲縣十五十六都村亦有周巷二十六七都有周莊方氏 周大夫方叔之後風俗通云方雷氏之後姑蘇志著錄方基巷周方巷均見城外宋有方輓字叔行平江人魏了翁嘉其學行名其室曰學齋方暹字期甫亦平江人學者稱爲連雲先生姑蘇志吳縣十三四都村有方家

董氏 黃帝之後妣姓國有廳叔安裔子董父好龍龍多歸之曰蒙龍氏舜賜姓董吳郡志有董家橋姑蘇志長洲縣入至十都村有董巷

劉氏 陶唐氏之後受封於劉吳郡志有劉家橋又有劉迪功巷劉真巷姑蘇志吳縣十五至十八都村有劉家

華氏 宋戴公孫督食采於華以邑爲氏世爲宋卿周吳大夫有華登吳郡志著錄華家橋一在黃牛坊附近一在跨塘橋附近姑蘇志又一在葑門外又吳縣二十五都村有西華

程氏 程伯休父後以國爲氏宋程師孟吳人居畫錦坊吳郡

吳中氏族志攷補

志又有程家橋程基橋

徐氏 伯益後封於徐爲楚所滅子孫因氏唐徐岱蘇州人於學無所不通徐循矩吳縣人皮日休嘗就借書讀之宋徐鑄元鈞吳人以徽猷閣待制知杭州路吳郡志有徐家橋徐胡橋又有南新橋俗名曹胡徐橋盧志有徐大船巷姑蘇志吳縣二都村有南徐北徐十至十二都村有徐巷二十至二十

二都村有徐家

高氏 太公六代孫文公子高孫偃以王父字爲氏晉高岱字

孔文吳人吳郡志有高家橋姑蘇志長洲村有高塾

席氏 魯大夫藉談之祖伯儉司晉典籍藉因氏裔孫環避項羽名改爲席吳郡志有席家橋今洞庭東山席氏尙盛

沈氏 周楚葉公諸梁之後三國時沈友吳人時稱其筆舌力三絕南北朝沈君理吳人吳郡志有沈家橋姑蘇志村名有沈塾又有沈塾橋以邢塾證之沈塾確非昏塾沈溺之義又

吳縣十五至十八都村有沈巷

單氏 周成王封少子臻於單邑爲甸內侯因氏焉吳郡志有單家橋

夏侯氏 杞簡公弟他奔魯封夏陽侯因氏姑蘇志夏侯橋唐夏侯司空建

盧氏 系出姜氏齊僂食采於盧因邑爲姓宋有盧革本德清人子秉奉祖居吳人爲之表德慶坊吳郡志有盧家橋盧提刑橋均在德慶坊

錢氏 盧志氏族門著錄吳越廣陵王元璩之後吳郡志有錢橋盧志引祥符圖經有吳錢橋而錢駙馬橋錢都衙橋則爲廣陵王第三子建又有錢官人巷姑蘇志有錢莊橋在橫金附近錢莊又錢橋在太平橋附近錢涇橋在錢巷又吳縣五六都村有錢塘二十至二十二都村有錢家下錢長洲縣十一至十三都有錢巷

尤氏 閩人避王審知諱而沈去水爲尤吳郡志有尤橋管氏 周文王第三子封於管號管叔以國爲氏吳郡志有管

吳中氏族志攷補

家橋今吳中有管家園姑蘇志吳縣三四都村有管瀆

奚氏 夏車僂仲之後又望出北海吳郡志有奚家橋明有奚昌善詩吳縣人又有奚公橋奚婆橋見平江圖吳郡志以下均誤爲趙公趙婆吳門表隱謂奚仁二夫婦建姑蘇志長洲縣十一至十三都有奚莊

孫氏 齊陳無宇之子子占伐莒有功景公賜姓孫食采於樂安子孫因亂奔吳孫武爲吳將其後也吳郡志有富孫橋今吳中葑門西街有孫家巷又孫冕宦吳有孫老橋姑蘇志吳縣五六都村有孫莊十至十二都村有孫家橋二十三四都村有孫舍

吳氏 泰伯之後爲吳中第一世家朱張顧陸莫能望其項背也平江圖吳郡志有吳承議橋 葉少蘊居鳳池鄉門前有魚城橋我友朱君錫梁謂卽吳承議橋之音訛以吳城訛爲魚城之例證之良是又有

吳王橋 以顧周吳錢徐胡富孫之例證之吳王亦當系二姓吳郎橋又宋吳感吳人仕至殿中丞有紅梅閣在小市橋盧志有吳殿

直巷其居處也盧志葑門外有吳涇橋姑蘇志彭華鄉有吳巷橋木瀆鎮有吳灣橋又吳縣八九都村有西吳三十四都村有吳家十五至十八都有東吳西吳長洲縣二十二三都有吳巷

喬氏 本作橋其後有去木爲喬者又曰匈奴貴姓又望出馮翊盧志有喬司空巷

馬氏 伯益之後趙奢封馬服君子孫氏焉盧志有馬大錄巷姑蘇志有馬巷橋在善人橋附近又吳縣八九都村有馬舍三十四都有南馬北馬又有馬莊長洲縣十一至十三都村有馬保

范氏 范文正世居蘇號范家園見吳郡志第宅門盧志又有范虹蜆巷姑蘇志吳縣一都村有范巷
許氏 成王封裔孫太叔於許以國爲氏盧志有許蘊子巷又中吳紀聞許洞所居惟植一竹以表特立之操吳人至今稱之曰許洞門前一竿竹

吳中氏族志攷補

陳氏 盧志有陳麻皮巷

包氏 姑蘇志有包婆巷又十至十二都村有包巷

鄭氏 鄭潛居蘇吳郡志有鄭使橋盧志有鄭使橋巷

陸氏 吳中四姓之一吳地記有陸侍郎橋平江圖亦載之盧志有陸侍郎巷又婁門外有上陸涇橋東陸涇橋姑蘇志閭門外有陸墅橋又長洲縣村有陸涇

何氏 周武王弟唐叔虞裔孫韓王安之後訛韓爲何晉何楷嘗讀書城南山中後爲太守因以名山六朝時何求何點亦隱居山中盧志引祥符圖經盤門外有何橋

石氏 盧志章岵爲郡有石氏請出錢造橋卽吳門橋也又坊巷門有石家泥巷姑蘇志吳縣二都村有石家長洲縣十五十六都有石巷

練氏 姑蘇志吳縣村名有練墟吳郡志引舊經著錄練墟新橋姑蘇志市鎮有章練塘

杜氏 盧志閭門外有杜莊涇橋

余氏 盧志閭門外有南余橋北余橋

趙氏 盧志閭門外有趙王涇橋姑蘇志吳縣二都村有趙舍

五六都村有西趙長洲縣十九都有趙巷

宋氏 盧志齊門外有宋涇橋姑蘇志長洲縣村有宋巷

譚氏 盧志婁門外有譚涇橋姑蘇志吳縣十三十四都村有

譚王莊長洲縣二十二三都村有譚涇

章氏 盧志婁門外有章涇橋姑蘇志長洲縣二十四都有章

巷

季氏 盧志婁門外有季涇橋

許氏 姑蘇志閭門外彭華鄉有許家橋婁門外有許師橋

黃氏 姑蘇志通安橋附近黃衡橋 衡音行即衡字衡衡樂人也

見篇海 吳縣二十三四都村有黃墟長洲縣鎮有黃埭

呂氏 姑蘇志呂浦橋在呂山湖口又十至二十都村有呂巷

師氏 周師尹之後一云古者掌樂之官曰師因以為氏左傳

有師曠姑蘇志東洞庭山有師家橋

吳中氏族志攷補

五

閔氏 姑蘇志婁門外有閔家橋

戚氏 姑蘇志吳縣五六都村有戚塔十三十四都村有徐戚

浦氏 姑蘇志吳縣五六都村有浦莊

江氏 姑蘇志吳縣十至十一都村有江村長洲縣六都至十

都有江巷

中氏 周秦昭料魏將如耳無能不如芒卯之賢左右皆曰然

中期撫琴而對曰王之料天下過矣姓苑亦著錄之宋淳熙

六年永安巷街磚題記有知府中大林都勸可補吳郡牧

守題名姑蘇志古今守令表之闕又姑蘇志吳縣十三十四

都村有中家

柳氏 姑蘇志吳縣十三十四都村有柳塔

史氏 姑蘇志吳縣十三十四都村有史塔

郁氏 姑蘇志吳縣十五至十八都村有郁舍二十三四都村

亦有郁舍

蒯氏 姑蘇志吳縣十五至十八都村有上蒯下蒯

安氏 姑蘇志吳縣二十至二十二都村有東安西安

仕氏 氏姓譜明有仕鳳昌黎人正統中為山東信陽縣主簿

姑蘇志吳縣二十三四都村有仕岸馮志誤作市岸

紀氏 吳縣二十六至二十八都村有紀革

革氏 漢功臣表有袁棗侯革朱又有革鑑著祕苑祕圖一卷

紀革村見前

屯氏 三國蜀漢尚書有屯度姑蘇志吳縣二十九三十都有

屯灣

俞氏 姑蘇志吳縣二十九三十都有俞塢

牢氏 氏譜姓孔子弟子琴牢之後姑蘇志吳縣三十二至三

十四都村有牢村

曾氏 姑蘇志吳縣三十七八都有曾家村

秦氏 姑蘇志長洲縣一至五都村有秦村

虞氏 姑蘇志長洲縣一至五都村有虞家

馮氏 姑蘇志長洲縣六至十都有馮巷

吳中氏族志攷補 六

袁氏 姑蘇志長洲縣村有西袁李

凌氏 姑蘇志長洲縣十四都村有凌甸二十二三都有張凌

殷氏 姑蘇志長洲縣十五十六都村有殷巷

戴氏 姑蘇志長洲縣十九都村有前戴墟後戴墟

滕氏 姑蘇志長洲縣十九都村有滕巷

薄氏 姑蘇志長洲二十二三都村有薄巷

祁氏 姑蘇志長洲二十六七都有祁莊

車氏 姑蘇志長洲二十六七都有車坊

獨氏 姑蘇志長洲三十一都有獨墅正字通獨姓也明有獨

立獨善

吳中氏族志錄廣熊洪武蘇州府志氏族門

吳之著姓凡三十餘自漢以來朱張顧陸望於郡故有朱文張武陸忠顧厚之目又云虞魏顧陸吳之舊姓或云虞魏之昆顧陸之裔岐嶷繼體老成奕世陸士衡云八族未足侈四姓實名家文德熙淳懿武功侔山河猗歟盛矣

朱氏

千姓編云朱高陽之後周封于邾後為楚所滅子孫乃去邑氏朱望出沛國又吳郡或曰朱氏盛大者有九族吳郡居其一今郡之穹窿山有朱氏墓碣字已漫滅其可讀者云一十六世四百二十九年居下邳自平始三年避地至會昌壬戌凡八百四十二年籍于吳此唐時子孫追敘其先過江歲月也

張氏

白氏文云漢侍中張肱避地渡江始居於吳故其子孫稱吳郡人晉丞相嘉以孝悌聞于郡故其所居號孝張里元

吳中氏族志

和姓纂云吳郡張氏本出嵩第四子睦字選公後漢蜀郡太守始居吳郡裔孫顧齊廬江太守紹梁零陵太守

顧氏

本越王勾踐七代孫封於顧余顧城在濮州范陽漢初居會稽以邑為氏章夏卿撰顧少連碑謂顧氏復徙吳會自晉司空和洎梁給事中耀至少連十三代矣世說敘錄有顧氏譜甚詳姓苑云吳郡顧氏漢有荊州刺史顧容又晉有固乘亦有故姓

陸氏

嬌姓田敬仲之後也十一世齊宣王少子通封於平原般縣陸鄉即陸終氏之故地因為氏通謚元侯生恭侯發為齊上大夫生二子曰萬曰臯孫賈為漢太中大夫萬生烈為吳令死葬胥屏亭子孫遂為吳縣人十世孫穎川太守開生三子曰卯曰温曰威號穎川枝威生揚州別駕續又生三子曰稠曰逢曰褒稠為荊州刺史號荊州枝稠生

二子曰肅曰謙肅爲丹徒令號丹徒枝世說敘錄有陸氏譜陸景獻自有吳郡陸氏宗系譜一卷

暨氏

暨姓出吳郡元祐間唱名有暨濤暨吉屑切時作泊濤呼不應是時刑部侍郎蘇頌云恐是暨音以結呼之即應三國志有暨豔乃吳人既而問之果平江人

歸氏

左傳胡子國姓歸爲楚所滅子孫或以國爲氏或以姓爲氏以姓爲氏者世居吳郡

壽氏

吳王壽夢之後吳大夫壽越又有壽於姚今吳中尙有此氏

賞氏

姓苑云賞氏吳中八族也晉有賞慶爲郗鑒主簿

兒氏

吳中氏族志

吳郡有語兒生而能語子孫氏焉

姚氏

虞舜生於姚墟故因生以爲姓王莽亂舜後子恢過江居吳郡改姓媯氏

虞氏

武王封仲雍之後於虞城晉滅虞子孫以國爲氏

吳氏

本勾吳國今蘇州城是也越滅吳子孫以國爲氏

孫氏

姬姓衛武丁之後孫耳食邑於威生武仲亦曰孫仲以王父字爲氏齊孫武奔吳爲將武之子明食邑於富春自是世爲吳人

諸氏

音遮

後漢洛陽令諸施吳郡人今吳郡有此氏

奠氏

音胥又音滑

望出吳郡見姓苑

言氏

孔子弟子言偃吳人今後裔多居常熟

帛氏

姓苑云吳郡人漢五威將軍帛敞後漢有帛宣神僊傳有帛和晉有高僧帛道佺

笮氏側迫切亦作笮

風俗通楚有笮倫今吳郡有此姓吳志漢中有笮融居丹陽

岑氏

諱暄字公孝黨錮難起逃于江夏山中徙居郡生亮亮生伯伯生軻為吳郡會稽鄱陽太守唐書姓系表

閻氏

姬姓武王封泰伯曾孫仲奔於閻鄉因以為氏又云王少子生而有文在手曰閻康王封於閻城今蘇州有閻橋後

吳中氏族志

世恐無取

容氏

黃帝時有容成造曆禮記容居吳人

麴氏

本鞠氏也周人漢尚書鞠譚子閔避難改為麴唐有麴信陵吳郡人居洞庭

湯氏

宋有道人湯惠休正元道人湯靈澈宋州刺史湯柔並吳人

崇氏

商時侯國也周文王滅之子孫以國為氏唐開元登科有崇穎宋朝登進士第有崇大年皆吳郡人

沃氏

商王沃丁之後神仙傳有沃焦吳人

胥門氏

左傳吳大夫胥門巢巢居吳門胥以所居爲號其後遂爲氏今作胥氏

角里氏

漢初商山四皓有角里先生者本與周同姓名術泰伯之後在洞庭西山居故以自號子孫遂以爲氏或作角氏後漢有角若叔者乃其後也

冷氏

卽伶氏風俗通云黃帝時典樂伶倫之後今多作上音唐貞元中監察御史冷朝陽吳人

是氏

是儀鬻書衣判是儀無首族變勾吳三國志是儀本姓氏孔融嘲氏儀字民無上故改爲是文苑聯珠

錢氏

彭祖裔孫孚爲周錢府上士因官命氏焉子孫多居下邳漢哀平間錢遜爲廣陵太守避王莽亂徙居吳之烏程五

吳中氏族志

四

代時廣陵王元璩爲中吳軍節度使卒葬吳下子孫因家焉

范氏

陶唐之苗裔周宣王殺杜伯其子隰叔奔吳爲范氏越有范蠡滅吳辭越居洞庭之東山唐又有范隋爲處州麗水縣丞屬時亂遂家吳地子孫遂爲吳人卽文正公之高祖也

富氏

世家京洛嘉祐中富嚴守蘇州善吳中風物之美因居不去子孫遂爲郡人

嚴氏

本莊氏楚莊王之後以謚爲氏前後有莊助忌皆有夫子之稱又有莊光後以犯明帝諱改爲嚴氏

章氏

本出姜姓太公望之後封於鄆子孫以邑爲氏後去邑作

章嘉祐中浦城章樂爲蘇州教官就居於此故南北二族
樂居城北號北章惇居城南號南章其二氏甚盛

武氏

著姓開封南渡後定居姑蘇後有名如愚者早孤依故人
龔伯能刻厲讀書業文詞以祖澤入仕

傅氏

廣韻餘字下註云傅餘氏本自傳說旣爲相其後有留於
傅巖者因號傅餘氏秦亂自清河入吳漢興還本郡餘不
還者傅氏今吳郡有之

吳中故市攷附物產小識

武林舊事於紀京邑典禮之餘且旁及夫諸市作坊瓦子勾欄酒樓歌館貨物市食小經紀暨諸色伎藝人簡目且略註地址出處茲據范盧王三志所著錄之坊巷橋梁之以諸色工商名者輯爲此目抱殘守闕明知漏萬挂一然亦足以聊補舊志物產門之闕佚云

米行 吳郡志和豐坊米行按卽今西米巷

果子行 吳郡志館娃坊果子行平江圖果子行橋吳郡志作

果子橋康熙志馬禪寺西盧熊志館娃坊果子行西巷口據此宋果子行在今東米巷及衛前街一帶

魚行 吳郡志嘉魚坊魚行橋東姑蘇志魚行橋宋紹興四年重建

絲行 吳地記有絲行橋吳郡志平江圖亦載之盧志絲行橋百花巷口攷平江圖橋在小平橋南小平橋在古吳縣前流化坊巷中今馬醫科巷中也古府治前有平橋故縣前有小

吳中故市攷

平橋耳以此推之則古百花巷卽金太史場也同治志今訛爲私行審按古義之泯通人不得辭其責

薦行 平江圖薦行橋吳郡志作薦說文薦部薦薦獸所食草也爾雅釋草薦黍蓬通訓定聲薦蒿類也或以爲野茭無據審按今吳中有朱馬交橋據通利橋橋礎石刻交作茭平江圖作交其體例正與薦同吳地記又有茭薦橋茭草場盧志引祥符圖經作茭草局在子城西三里而橋梁門又言棧橋北草場則知州西三里者爲南草場而北草場亦茭草之棧也故曰棧橋薦爲茭類信非無據費誓魯人三郊三遂峙乃芻茭說文茭乾草也宋重馬政爲之設局立棧以儲之可謂無微不至矣獨是秋高馬肥不能與金元一決雌雄爲可恨耳茭色紫故曰朱馬茭惡紫奪朱其義益顯然馬政爲軍國大事官旣設局不容民間復爲設行則薦行之薦不應作芻茭解明甚攷茭可作席故杜陽雜俎曰紫茭之席薦亦可作席楚辭薛荔飾而陸離薦兮注臥席也故世稱臥席曰茭薦

則薦行或卽席行亦未可知明人修橋石刻輒謂相傳春秋時吳相伍大夫帥師祖道錢行於此攷字書從無薦錢通用之文適見其鄙倍而已矣 右行

藥市 吳潛廣惠坊記官斂其錢散諸藥市生息以應用藝風堂金石目淳祐庚戌集祥里人義泉題記在吳縣藥市街審按卽今學士街

穀市 盧志引祥符圖經有穀市橋吳郡志平江圖亦著錄姑蘇志穀市橋鐵瓶巷內 右市

醋坊 盧志引祥符圖經有醋坊橋姑蘇志醋坊橋乙巳建吳郡志平江圖均著錄之宋史食貨志崇寧二年知漣水軍錢景允言建立學舍請以承買醋坊錢給用詔常平司計無害公費如所請仍令他路準行之初元祐臣僚請罷權醋戶部謂本無禁文後翟思請以諸郡醋坊日息用餘悉歸常平至是景允有請故令常平計之大觀四年又詔諸郡別遣倉官賣醋毋得越郡城五里外凡縣鎮村並禁其息悉歸轉運司

吳中故市攷

舊屬常平者如故盧志司法廳舊在子城內後以平橋南舊醋庫爲之吳郡志黃由狀元坊醋庫巷又平江圖著錄新醋庫在富仁坊巷中屬鶻東城雜記載臨安醋庫事甚悉而盧志陳振孫傳稱其爲浙西提舉仰體祖宗停廢醋庫邦人至今德之與國史合是知醋庫爲官立儲醋處醋坊則商戶承買醋處也

船坊 吳郡志著錄船坊橋姑蘇志帶城橋西盧志著錄船坊巷姑蘇志帶城橋西南又盧志吳地地記云石龍在龍壇里卽上元鄉其壇并潭猶存今龍堂水南之地皆爲蔬圃名定花板昔人於旱歲在金氏船坊水底見之其石方不踰丈中作錢文四角有雲氣但以涂泥不得詳辨耳據此則當時船坊確全在帶城橋迤西一帶

黃牛坊 盧志引祥符圖經著錄黃牛坊橋吳地地記吳郡志均著錄姑蘇志莫詳其始皇祐五年重建康熙志在西成橋北葉夢得避暑錄話朱伯原吾鄉人其居在吾吳黃牛坊

條坊 禮記雜記喪冠條屬注繩也隆興元年傅氏妙喜宮巷塔甄題記條坊巷街西面南居盧志坊市門著錄條坊巷同治志宮巷西調豐巷舊名條坊巷案姑蘇志著錄東打繩巷在西南隅疑即今支家巷南打線街是知打繩固吳中工作之一也府志物產門工作類付之蓋闕當據以補入

同坊 疑即銅坊盧志著錄同坊巷按在今獅林寺巷北近志訛同芳俗訛桐芳 右坊

船場 吳郡志平江圖均著錄船場橋盧志船場橋張林浜攷平江圖在烏鵲橋西盧志又著錄東船場巷西船場巷乾隆吳縣志織里橋南轉東轉西據此則宋吳中船場有二處一近船坊一不近船坊也

穀場 盧志著錄東穀場巷西穀場巷與蔡家巷相次疑在東南隅烏鵲橋西

瓶場 吳郡志平江圖均著錄瓶場橋同治志永福寺橋南塞按橋東有窰基街相傳古窰所在近年里人掘井於窰東數

吳中故市攷

十步蔡匯頭東得古陶器如世傳韓瓶狀者無算

草場 盧志棧橋北草場攷平江圖棧橋在齊門內吳郎橋東右場 右凡行五市二坊五場四

水糲 盧志吳縣長洲各著錄水糲巷一按一在今剪金橋巷北一未詳與藍家巷祥符寺巷相次相距太遠不易推測

雪糕 吳郡志平江圖均著錄雪糕橋按在蕭家巷東古九曲牆巷

沙糕 吳郡志平江圖均著錄沙糕橋案在濠股巷賢至橋南

豆粉 盧志著錄豆粉巷今俗名豆粉園在鐵瓶巷市曹橋南

酒 吳郡圖經續記大酒巷舊名黃土曲案其旁有黃土塔橋今訛大井巷

油 盧志著錄吉油巷在條坊巷西又著錄油巷在草橋東北

鵝鴨 吳地記著錄鵝鴨橋未詳所在吳郡志著錄鵝鴨橋鴨舍橋攷平江圖一在脩竹巷口今尚書里一在彈子巷口

白礮 盧志引祥符圖經著錄白礮橋吳地記吳郡志亦載之

攷平江圖在穀市橋南吳郡志土物門上白礬出陽山鑿山為坑深數十百丈始得初如爛泥見風漸堅膩滑精細他處無比者土人亦當白石脂用本草注吳郡貢石脂又有一等紅紫色者亦以當赤石脂用姑蘇志白礬出陽山潔白如粉可用塗墜亦堪入藥山之東北有坑深數十丈轉為隧道危險不可逼視土人鑿而取之附白石脂出秦餘杭山有五色者蘇州土貢有赤白二色姑蘇志土貢門宋貢白礬

臘脂 吳郡志平江圖均著錄臘脂橋吳郡金石目臘脂橋題記嘉定十五年二月重建按橋在雙塔寺東南

珍珠 盧志著錄珍珠巷武林舊事有珠子市案巷在宮巷中繡線 盧志著錄繡線巷案在海紅花巷後舊志物產門繡精細雅潔稱蘇州繡

羅 盧志著錄新羅巷列故市巷章家橋巷之間姑蘇志田賦門附稅課貢役土貢下引大唐國要圖云吳中歲貢經絲絹綾絹烏銀綾衫段羅紵布折皂布柑則羅故蘇產也又土產

吳中故市攷

四

門造作類帛之屬羅出郡城花文者為貴素次之別有刀羅河西羅

氈 盧志著錄安氈巷在顏家巷曹家巷附近舊志物產門付諸蓋闕案今唯亭一帶鄉人以織氈為業者居多

幃子 盧志著錄幃子巷列崇甫巷後條坊巷前

巾子 姑蘇志著錄巾子巷列大酒巷乘鯉坊間按後漢書單衣幅巾注幘也冠之屬今浙江鎮海縣東北有巾子山志稱山形卓立形如巾幘故名姑蘇志土產門造作類器用之屬紗巾吳中漆者最佳南渡後多尚此又以黃練襯之取其耐裹無掀動之患也范成大嘗製石湖巾使北以遺館伴田彥皋由是傳於四方

蒲帆 盧志著錄蒲帆巷姑蘇志宋錢仲鼎通州人僑寓蘇之蒲帆巷

鞞鞣 吳郡志著錄鞞鞣橋平江圖列入小平橋東當在今麋都兵巷東口集韻嬰兒履謂之鞞平江圖題榜作鞞攷字書

跋跋行貌單舉一字於義未安疑當時俗訛姑蘇志土貢門引唐書吳中唐貢白簞草席鞮大小此云鞮鞮正大小鞮之義也又吳中宋貢生絲鞮皇祐勅罷吳郡志又著錄草鞮橋平江圖列林嶼武狀元坊內吳郡志林坊在樂橋紙廊巷即此

彈子 吳郡志著錄彈子橋康熙志彈子橋芮橋西盧志著錄彈子巷今案巷在嘉魚坊巷南倚竹巷北

紅爐子 吳地記吳郡志均著錄紅爐子橋平江圖列富仁坊巷內唐人詩紅泥小火爐疑即所謂紅爐子也

弓矢 吳郡志著錄馬黃橋平江圖列入富仁坊巷內玉海楊存中增損舊志造馬黃弩制度精密彼一矢未竟而此三發矣案吳中善造弓矢姑蘇志土貢門明貢歲造黑漆角弓三百二十張弓弦一千二百條黑漆透甲箭四萬枝存中久鎮我蘇至居民爲之建和令坊弓矢之精辦香有自矣

樂鼓 姑蘇志著錄樂鼓巷康熙志即史家巷南小弄今吳中

吳中故市政

造作樂器坊尚多

烏盆 盧志引祥符圖經著錄烏盆橋吳郡志平江圖亦載之康熙志在鎮撫司東北

石灰 盧志著錄石灰巷列繡線巷後梵門橋前姑蘇志著錄石灰橋列西石塘橋後單家橋前

磚 吳郡志著錄磚橋平江圖亦載之盧志著錄磚巷與黃師巷相次均在葑門內帶城橋西

車闌 姑蘇志著錄車闌巷云在寶光寺西

織紗 盧志濟川橋孫織紗巷案即今嘉魚坊巷

燈草 姑蘇志碧潭巷俗名陳燈草巷在城外又盧志著錄燈

心園巷在西城

坯粉 姑蘇志著錄沈坯粉橋今俗訛水潑粉橋字書坯坯之俗字說文坯瓦未燒也審按瓦以泥製不當用粉攷齊民要術塗甕法凡坯七月坯上八月坯次則知坯爲塗甕釉也

金銀 姑蘇志著錄金銀巷案在今吳縣後其西南與剪金橋

近

銀鋌 吳郡志著錄銀鋌橋平江圖亦載之案在杉板橋南

杉板 吳郡志著錄杉板橋姑蘇志在金獅子巷內

木柴 吳郡志著錄木柴橋康熙志剪金橋東

小豬 姑蘇志著錄小豬巷在閶門外 右雜市

附物產

芙蓉 姑蘇志著錄芙蓉巷與雙隱巷社壇巷相次在盤門內

槐花 槐樹 盧志著錄槐花巷列王天井巷後諸先生巷前

棟木 疑在斑竹巷附近又著錄槐樹巷按在和令坊今十梓街東

坊吉由相次也 盧志著錄棟木巷案今俗稱蓮目巷者是盧志固與條

丁香 盧志著錄丁香巷案在今平江路

皂莢 姑蘇志著錄皂莢巷與衰繡坊巷四酒務巷相次當在

烏鵲橋北

海紅花 盧志著錄海紅花巷即今俗訛海宏坊巷也本草綱

吳中故市攷

六

目海紅一名海棠梨飲膳正要果類有海紅即海棠梨之實

也二月開紅花實至八月乃熟鄭樵通志海棠子名海紅即

爾雅赤棠也

竹 吳郡志著錄篠橋竹隔橋盧志著錄竹園巷姑蘇志著錄

修竹巷盧志又著錄斑竹巷均在閶橋附近惟斑竹巷略北

蘆荻 姑蘇志蘆荻巷張香橋南小巷

蓮 吳郡志採蓮涇橋平江圖列南園附近盧志著錄東西採

蓮巷蓮花池巷蓮城巷吳郡志又著錄小蓮湖橋均作城西

隅

百花 平江圖著錄百花洲盧志著錄百花巷南百花巷均在

城西又城東有花橋子城西北有花巷城西有獻花橋

桑 盧志著錄桑園巷姑蘇志承天寺前

杉 吳郡志著錄杉瀆橋

金雀 姑蘇志著錄金雀巷水僊廟前案金雀花名

白蜆 吳郡志著錄白蜆橋盧志著錄白蜆巷吳地記蜆作顯

疑顯子巷亦即蜺子巷

紅鴨 吳郡志著錄紅鴨橋平江圖列帶城橋南

菱薦 吳地記有菱薦橋吳郡志有朱馬菱橋盧志引祥符圖

經有菱草場一云菱草局

草 吳郡志有草橋盧志棧橋北草場

桂 吳郡志有折桂橋

吳中故市攷

七一

